

# **Argonautica**

Caius Valerius Flaccus

## Liber I

Prima deum magnis canimus freta pervia natis  
fatidicamque ratem, Scythici quae Phasidis oras  
ausa sequi mediosque inter iuga concita cursus  
rumpere flammifero tandem consedit Olympo.

Phoebe, mone, si Cumaeae mihi conscia vatis 5  
stat casta cortina domo, si laurea digna  
fronte viret, tuque o pelagi cui maior aperti  
fama, Caledonius postquam tua carbasa vexit  
Oceanus Phrygios prius indignatus Iulos,  
eripe me populis et habenti nubila terrae, 10  
sancte pater, veterumque fave veneranda canenti  
facta virum: versam proles tua pandit Idumen,  
namque potest, Solymo nigrantem pulvere fratrem  
spargentemque faces et in omni turre furem.  
ille tibi cultusque deum delubraque genti 15  
instituet, cum iam, genitor, lucebis ab omni  
parte poli neque erit Tyriae Cynosura carinae  
certior aut Graeis Helice servanda magistris.  
seu tu signa dabis seu te duce Graecia mittet  
et Sidon Nilusque rates: nunc nostra serenus 20  
orsa iuves, haec ut Latias vox impleat urbes.

Haemoniam primis Pelias frenabat ab annis,  
iam gravis et longus populis metus. illius amnes  
Ionium quicumque petunt, ille Othryn et Haemum  
atque imum felix versabat vomere Olympum. 25  
sed non ulla quies animo fratrisque paventi  
progeniem divumque minas. hunc nam fore regi  
exitio vatesque canunt pecudumque per aras  
terrifici monitus iterant; super ipsius ingens  
instat fama viri virtusque haud laeta tyranno. 30  
ergo anteire metus iuvenemque extinguere pergit  
Aesonium letique vias ac tempora versat,  
sed neque bella videt Graias neque monstra per urbes  
ulla: Cleonaeo iam tempora clausus hiatu  
Alcides, olim Lernaee defensus ab angue 35  
Arcas et ambobus iam cornua fracta iuvencis.  
ira maris vastique placent discrimina ponti.  
tum iuvenem tranquilla tuens nec fronte timendus  
occupat et fictis dat vultum et pondera dictis.

' ~~h~~nc mihi militiam, veterum quae pulchrior actis, 40  
adnue daque animum. nostri de sanguine Phrixus  
Cretheos ut patrias audis effugerit aras.  
hunc ferus Aeetes, Scythiam Phasinque rigentem  
qui colit--heu magni Solis pudor!--, hospita vina

inter et attonitae mactat sollemnia mensae 45  
nil nostri divumque memor. non nuntia tantum  
fama refert: ipsum iuvenem tam saeva gementem,  
ipsum ego, cum serus fessos sopor alligat artus,  
aspicio, lacera adsiduis namque illius umbra  
questibus et magni numen maris excitat Helle. 50  
si mihi quae quondam vires, et pendere poenas  
Colchida iam et regis caput hic atque arma videres.  
olim annis ille ardor hebet necdum mea proles  
imperio et belli rebus matura marique.  
tu, cui iam curaeque vigent animique viriles, 55  
i, decus, et pecoris Nephelaei vellera Graio  
redde tholo ac tantis temet dignare periclis!  
talibus hortatur iuvenem propiorque iubenti  
conticuit certus Scythico concurrere ponto  
Cyaneas tantoque silet possessa dracone 60  
vellera, multifidas regis quem filia linguas  
vibrantem ex adytis cantu dapibusque vocabat  
et dabat externo liventia mella veneno.  
Mox taciti patuere doli nec vellera curae  
esse viro, sed sese odiis immania cogi 65  
in freta. qua iussos sectatur quaerere Colchos  
arte queat: nunc aerii plantaria vellet  
Perseos aut currus et quos frenasse dracones  
creditus, ignaras Cereris qui vomere terras  
imbuit et flava quercum damnavit arista. 70  
heu quid agat? populumne levem veterique tyranno  
infensum atque olim miserantes Aesona patres  
advocet an socia Iunone et Pallade fretus  
armisona speret magis et freta iussa capessat,  
siqua operis tanti domito consurgere ponto 75  
fama queat. tu sola animos mentemque perurris,  
Gloria, te viridem videt immunemque senectae  
Phasidis in ripa stantem iuvenesque vocantem.  
tandem animi incertum confusaque pectora firmat  
religio tendensque pias ad sidera palmas 80  
' omnipotens regina,' inquit, ' ~~an~~, turbidus atro  
aethere caeruleum quateret cum Iuppiter imbrem,  
ipse ego praecipiti tumidum per Enipea nimbo  
in campos et tuta tuli nec credere quivi  
ante deam quam te tonitru nutuque reposci 85  
coniugis et subita raptam formidine vidi,  
da Scythiam Phasinque mihi tuque, innuba Pallas,  
eripe me! vestris egomet tunc vellera templis  
illa dabo, dabit auratis et cornibus igni  
colla pater niveique greges altaria cingent?' 90  
Accepere deae celerique per aethera lapsu  
diversas petiere vias: in moenia pernix  
Thespiaca ad carum Tritonia devolat Argum.

moliri hunc puppem iubet et demittere ferro robora Peliacas et iam comes exit in umbras.	95
at Iuno Argolicas pariter Macetumque per urbes spargit inexpertos temptare parentibus Austros Aesoniden, iam stare ratem remisque superbam poscere quos revehat rebusque in saecula tollat.	
Omnis avet quae iam bellis spectataque fama turba ducum primae seu quos in flore iuventae temptamenta tenent necdum data copia rerum.	100
at quibus arborum studiumque insontis aratri, hos stimulant magnaue ratem per lustra viasque iussi laude canunt manifesto in lumine Fauni silvarumque deae atque elatis cornibus Amnes.	105
Protinus Inachiis ultro Tirynthius Argis advolat, Arcadio cuius flammata veneno tela puer facilesque umeris gaudentibus arcus gestat Hylas; velit ille quidem, sed dextera nondum	110
par oneri clavaeque capax. quos talibus amens insequitur solitosque novat Saturnia questus: ' o utiam Graiae rueret non omne iuventae in nova fata decus nostrique Eurystheos haec nunc iussa forent. imbrem et tenebras saevumque tridentem	115
iamiam ego et inviti torsissem coniugis ignem. nunc quoque nec socium nostrae columenve carinae esse velim Herculeis nec me umquam fidere fas sit auxiliis comiti et tantum debere superbo.'	
dixit et Haemonias oculos detorquet ad undas.	120
Fervere cuncta virum coetu, simul undique cernit delatum nemus et docta resonare bipenni litora. iam pinus gracili dissolvere lamna Thespiaden iungique latus lentoque sequaces molliri videt igne trabes remisque paratis	125
Pallada velifero quaerentem bracchia malo. constitit ut longo moles non pervia ponto, puppis et ut tenues subiere latentia cerae lumina, picturae varios super addit honores.	
hic sperata <. . . . > Tyrrheni tergore piscis Peleos in thalamos vehitur Thetis; aequora delphin corripit, <ipsa> sedet deiecta in lumina palla nec Iove maiorem nasci suspirat Achillen.	130
hanc Panope Dotoque soror laetataque fluctu prosequitur nudis pariter Galatea lacertis antra petens; Siculo revocat de litore Cyclops. contra ignis viridique torus de fronde dapesque vinaque et aequoreos inter cum coniuge divos Aeacides pulsatque chelyn post pocula Chiron.	135
parte alia Pholoe multoque insanus Iaccho Rhoecus et Atracia subitae de virgine pugnae. crateres mensaeque volant araeque deorum	140

poculaque, insignis veterum labor. optimus hasta  
 hic Peleus, hic ense furens agnoscitur Aeson.  
 fert gravis invito victorem Nestora tergo 145  
 Monychus, ardenti peragit Clanis Actora quercu.  
 nigro Nessus equo fugit adclinisque tapetis  
 in mediis vacuo condit caput Hippasus auro.  
 Haec quamquam miranda viris stupet Aesone natus,  
 at secum: ' heu miseros nostrum natosque patresque! 150  
 hacine nos animae faciles rate nubila contra  
 mittimur? in solum nunc saeviet Aesona pontus?  
 non iuvenem in casus eademque pericula Acastum  
 abripiam? invisae Pelias freta tuta carinae  
 optet et exoret nostris cum matribus undas.' 155  
 Talia conanti laevum Iovis armiger aethra  
 advenit et validis fixam gerit unguibus agnam.  
 at procul e stabulis trepidi clamore sequuntur  
 pastores fremitusque canum; citus occupat auras  
 raptor et Aegaei super effugit alta profundi. 160  
 accipit augurium Aesonides laetusque superbi  
 tecta petit Peliae. prior huic tum regia proles  
 advolat amplexus fraternaue pectora iungens.  
 ductor ait: ' non degeneres, ut reris, Acaste,  
 venimus ad questus: socium te iungere coeptis 165  
 est animus neque enim Telamon aut Canthus et Idas  
 Tyndareusque puer mihi vellere dignior Helles.  
 o quantum terrae, quantum cognoscere caeli  
 permissum est, pelagus quantos aperimus in usus!  
 nunc forsane grave reris opus, sed laeta recurret 170  
 cum ratis et caram cum iam mihi reddet Iolcon,  
 quis pudor heu nostros tibi tunc audire labores,  
 quae referam visas tua per suspiria gentes!'

Nec passus rex plura virum 'sat multa parato  
 in quaecumque vocas. nec nos,' ait 'optime, segnes 175  
 credideris patriisve magis confidere regnis  
 quam tibi, si primos duce te virtutis honores  
 carpere, fraternae si des ad crescere famae.  
 quin ego, nequa metu nimio me cura parentis  
 impediat, fallam ignarum subitusque paratis 180  
 tunc adero, primas linquet cum puppis harenas.'  
 dixerat. ille animos promissaque talia laetus  
 accipit et gressus avidos ad litora vertit.

At ducis imperiis Minyae monituque frequentes  
 puppem umeris subeunt et tento poplite proni 185  
 decurrunt intransque fretum; non clamor anhelis  
 nauticus aut blandus testudine defuit Orpheus.  
 tum laeti statuunt aras. tibi, rector aquarum,  
 summus honor, tibi caeruleis in litore vittis  
 et Zephyris Glaucoque bovem Thetidique iuencam 190  
 deicit Ancaeus: non illo certior alter

pinguia letifera perfringere colla bipenni.  
 ipse ter aequoreo libans carchesia patri  
 sic ait Aesonides: ' o qui spurantia nutu  
 regna quatis terrasque salo complecteris omnes, 195  
 da veniam! scio me cunctis e gentibus unum  
 inlicitas temptare vias hiememque mereri:  
 sed non sponte feror nec nunc mihi iungere montes  
 mens ~tamen~ aut summo deposcere fulmen Olympo.  
 ne Peliae te vota trahant! ille aspera iussa 200  
 repperit et Colchos in me luctumque meorum.  
 illum ego--tu tantum non indignantibus undis  
 hoc caput accipias et pressam regibus alnum.'  
 sic fatus pingui cumulat libamine flammam.  
 Protulit ut crinem densis luctatus in extis 205  
 ignis et escendit salientia viscera tauri,  
 ecce sacer totusque dei per litora Mopsus  
 immanis visu vittamque comamque per auras  
 surgentem laurusque rotat. vox reddita tandem,  
 vox horrenda viris. tum facta silentia vati. 210  
 ' tu quaenam aspicio? nostris modo concitus ausis  
 aequoreos vocat ecce deos Neptunus et ingens  
 concilium. fremere et legem defendere cuncti  
 hortantur. sic amplexus, sic pectora fratris,  
 Iuno, tene tuque o puppem ne desere, Pallas: 215  
 nunc patri, nunc flecte minas! cessere ratemque  
 acceperem mari. per quot discrimina rerum  
 expedior! subita cur pulcher harundine crines  
 velat Hylas? unde urna umeris niveosque per artus  
 caeruleae vestes? unde haec tibi vulnera, Pollux? 220  
 quantus io tumidis taurorum e naribus ignis!  
 tollunt se galeae sulcisque ex omnibus hastae  
 et iam iamque umeri. quem circum vellera Martem  
 aspicio? quaenam aligeris secat anguibus auras  
 caede madens? quos ense ferit? miser, eripe parvos, 225  
 Aesonide! cerno et thalamos ardere iugales!  
 Iamdudum Minyas <% > ambage ducemque  
 terrificat; sed enim contra Phoebus Idmon  
 non pallore viris, non ullo horrore comarum  
 terribilis, plenus fatis Phoebus quieto, 230  
 cui genitor tribuit monitu praenosceret divum  
 omina, seu flammam seu lubrica cominus exta  
 seu plenum certis interroget aera pinnis,  
 sic sociis Mopsusque canit: ' quantum augur Apollo  
 flammaque prima docet, praeduri plena laboris 235  
 cerno equidem, patiens sed quae ratis omnia vincet.  
 ingentes durate animae dulcesque parentum  
 tendite ad amplexus! acrimae cecidere canenti  
 quod sibi iam clausos invenit in ignibus Argos.  
 Vix ea fatus erat, iungit cum talia ductor 240

Aesonius: ' superum quando consulta videtis,  
 o socii, quantisque datur spes maxima coeptis,  
 vos quoque nunc vires animosque adferte paternos.  
 non mihi Thessalici pietas culpanda tyranni  
 suspective doli: deus haec, deus omine dextro                   245  
 imperat; ipse suo voluit commercia mundo  
 Iuppiter et tantos hominum miscere labores.  
 ite, viri, mecum dubiisque evincite rebus  
 quae meminisse iuuet nostrisque nepotibus instent.  
 hanc vero, socii, venientem litore laeti                   250  
 dulcibus adloquiis ludoque educite noctem!  
 paretur. molli iuvenes funduntur in alga  
 conspicuusque toris Tirynthius. exta ministri  
 rapta simul veribus Cereremque dedere canistris.  
     Iamque aderat summo decurrens vertice Chiron                   255  
 clamantemque patri procul ostendebat Achillen.  
 ut puer ad notas erectum Pelea voces  
 vidit et ingenti tendentem bracchia passu,  
 adsiluit caraque diu cervice pependit.  
 illum nec valido spumantia pocula Baccho                   260  
 sollicitant veteri nec conspicienda metallo  
 signa tenent: stupet in ducibus magnumque sonantes  
 haurit et Herculeo fert comminus ora leoni.  
 laetus at impliciti Peleus rapit oscula nati  
 suspiciensque polum ' palido si currere fluctu                   265  
 Pelea vultis' ait verosque optare ferentes,  
 hoc, superi, servate caput! tu cetera, Chiron,  
 da mihi! te parvus lituos et bella loquentem  
 miretur; sub te puerilia tela magistro  
 venator ferat et nostram festinet ad hastam.'                   270  
 omnibus inde viae calor additus; ire per altum  
 magna mente volunt. Phrixi promittitur absens  
 vellus et auratis Argo reditura corymbis.  
     Sol ruit et totum Minyis laetantibus undae  
 deduxere diem. sparguntur litore curvo                   275  
 lumina nondum ullis terras monstrantia nautis.  
 Thracius hic noctem dulci testitudine vates  
 extrahit, ut steterit redimitus tempora vittis  
 Phrixis et iniustas contectus nubibus aras  
 fugerit Inoo linquens Athamanta Learcho;                   280  
 aureus ut iuvenem miserantibus intulit undis  
 vector et adstrictis ut sedit cornibus Helle.  
 septem Aurora vias totidemque peregerat umbras  
 luna polo dirimique procul non aequore visa  
 coeperat a gemina discedere Sestos Abydo.                   285  
 hic soror Aeoliden aevum mansura per omne  
 deserit, heu saevae nequiquam erepta novercae!  
 illa quidem fessis longe petit umida palmis  
 vellera, sed bibulas urgenti pondere vestes

unda trahit leviq̄ue manus labuntur ab auro. 290  
 quis tibi, Phrix̄e, dolor, rapido cum concitus aestu  
 respiceres miserae clamantia virginis ora  
 extremasque manus sparsosque per aequora crines!  
 Iamque mero ludoque modus positique quietis  
 conticuere toris, solus quibus ordine fuis 295  
 impatiens somni ductor manet. hunc gravis Aeson  
 et pariter vigil Alcimede spectantque tenentque  
 pleni oculos. illis placidi sermonis Iason  
 suggerit adfatus turbataque pectora mulcet.  
 mox ubi victa gravi ceciderunt lumina somno 300  
 visa coronatae fulgens tutela carinae  
 vocibus his instare duci: 'Dodonida quercum  
 Chaoniiq̄ue vides famulam Iovis. aequora tecum 308  
 ingredior nec fatidicis avellere silvis 303  
 me nisi promisso potuit Saturnia caelo.  
 tempus adest: age rumpe moras, dumque aequore toto  
 currimus incertus si nubila duxerit aether,  
 iam nunc mitte metus fidens superisque mihique.'  
 dixerat. ille pavens laeto quamquam omine divum 309  
 prosiluit stratis. Minyas simul obtulit omnes  
 alma novo crispans pelagus Tithonia Phoeb̄o.  
 discurrunt transtris: hi celso cornua malo  
 expediunt, alii tonsas in marmore summo  
 praetemptant, prora funem legit Argus ab alta.  
 increscunt matrum gemitus et fortia languent 315  
 corda patrum, longis flentes amplexibus haerent.  
 vox tamen Alcimedes planctus supereminet omnis,  
 femineis tantum illa furens ululatibus obstat,  
 obruat Idaeam quantum tuba Martia buxum,  
 fatur et haec: ' n̄c indignos aditure labores, 320  
 dividimur nec ad hos animum componere casus  
 ante datum, sed bella tibi terrasque timebam.  
 vota aliis facienda deis. si fata reducunt  
 te mihi, si trepidis placabile matribus aequor,  
 possum equidem lucemque pati longumque timorem. 325  
 sin aliud fortuna parat, miserere parentum,  
 Mors bona, dum metus est nec adhuc dolor. ei mihi, Colchos  
 unde ego et avecti timuissem vellera Phr̄ixi?  
 quos iam mente dies, quam saeva insomnia curis  
 prospicio! quotiens raucos ad litoris ictus 330  
 deficiam Scythicum metuens pontumque polumque  
 nec de te credam nostris ingrata serenis!  
 da, precor, amplexus haesuraque verba relinque  
 auribus et dulci iam nunc preme lumina dextra!  
 talibus Alcimede maeret, sed fortior Aeson 335  
 attollens dictis animos: ' o si mihi anguis  
 quantus erat cum signiferum cratera minantem  
 non levioꝛe Pholum manus haec compescuit auro,



primus in aeratis posuissem puppibus arma  
 concussoque ratem gauderem tollere remo. 340  
 sed patriae valere preces auditaque magnis  
 vota deis: video nostro tot in aequore reges  
 teque ducem. tales, tales ego ducere suetus  
 atque sequi. nunc ille dies--det Iuppiter oro--,  
 ille super quo te Scythici regisque marisque 345  
 victorem atque umeros ardentem vellere raptio  
 accipiam cedantque tuae mea facta iuventae.'  
 sic ait. ille suo conlapsam pectore matrem  
 sustinuit magnaque senem cervice recepit.  
 Et iam finis erat. Zephyrumque ratemque morantes 350  
 solverat amplexus tristi tuba tertia signo.  
 dant remo sua quisque viri, dant nomina transtris.  
 hinc laevum Telamon pelagus tenet, altior inde  
 occupat Alcides aliud mare, cetera pubes  
 dividitur. celer Asterion, quem matre cadentem 355  
 Peresius gemino fovit pater amne Cometes,  
 signior Apidani vires ubi sentit Enipeus,  
 nititur, hinc Talaus fratrisque Leodocus urget  
 remo terga sui, quos nobile contulit Argos.  
 hinc quoque missus adest quamvis arcentibus Idmon 360  
 alitibus; sed turpe viro timuisse futura.  
 hic et Naubolides tortas consurgit in undas  
 Iphitus, hic patrium frangit Neptunius aequor,  
 qui tenet undisonam Psamathen semperque patentem  
 Taenaron, Euphemus, mollique a litore Pellae 365  
 Deucalion certus iaculis et comminus ense  
 nobilis Amphion, pariter quos edidit Hypso  
 nec potuit similes voluitve ediscere vultus.  
 tum valida Clymenus percusso pectore tonsa  
 frater et Iphiclus puppem trahit et face saeva 370  
 in tua mox Danaos acturus saxa, Caphereu,  
 Nauplius, et tortum non a Iove fulmen Oileus  
 qui gemet Euboicas nato stridente per undas  
 quique Erymanthei sudantem pondere monstri  
 Amphitryoniaden Tegeaeo limine Cepheus 375  
 iuivit et Amphidamas (at frater plenior actis  
 maluit Ancaeo vellus contingere Phrixi)  
 tectus et Eurytion servato colla capillo,  
 quem pater Aonias reducem tondebit ad aras.  
 te quoque Thessalicae, Nestor, rapit in freta puppis 380  
 fama, Mycenaeis olim qui candida velis  
 aequora nec stantes mirabere mille magistros.  
 nec Peleus fretus soceris et coniuge diva 403  
 defuit ac prora splendet tua cuspis ab alta,  
 Aeacide; tantum haec aliis excelsior hastis  
 quantum Peliacas in vertice vicerat ornos.  
 linquit et Actorides natum Chironis in antro,

ut socius caro pariter meditetur Achilli  
 fila lyrae pariterque leves puer incitet hastas.  
 [discat eques placidi conscendere terga magistri] 410  
 hic vates Phoebique fides non vana parentis 383  
 Mopsus, puniceo cui circumfusa cothurno  
 palla imos ferit alba pedes vittataque frontem  
 cassis et in summo laurus Peneia cono.  
 quin etiam Herculeo consurgit ab ordine Tydeus  
 Nelidesque Periclymenus, quem parva Methone  
 et levis Elis equis et fluctibus obuius Aulon  
 caestibus adversos viderunt frangere vultus. 390  
 tu quoque Phrixios remo, Poeantie, Colchos  
 bis Lemnon visure petis, nunc cuspide patris  
 inclitus, Herculeas olim moture sagittas.  
 proximus hinc Butes Actaeis dives ab oris;  
 innumeras nam claudit apes longaque superbus 395  
 fuscatur nube diem dum plenas nectare cellas  
 pandit et in dulcem reges dimittit Hymetton.  
 insequeris casusque tuos expressa, Phalere,  
 arma geris laeva; nam lapsus ab arbore parvum  
 ter quater ardenti tergo circumvenit anguis, 400  
 stat procul intendens dubium pater anxius arcum.  
 tum caelata metus alios gerit arma Eribotes  
 et quem fama genus non est decepta Lyaei 411  
 Phlias immissus patrios de vertice crines.  
 nec timet Ancaeum genetrix committere ponto,  
 plena tulit quem rege maris. securus in aequor  
 haud minus Erginus proles Neptunia fertur, 415  
 qui maris insidias, clarae qui sidera noctis  
 norit et e clausis quem destinet Aeolus antris,  
 non metuat cui regna ratis, cui tradere caelum  
 adsidua Tiphys vultum lassatus ab Arcto.  
 taurea vulnifico portat celer a<spera> plumbo 420  
 terga Lacon, saltem in vacuos ut bracchia ventos  
 spargat et Oebalium Pagaseia puppis alumnum  
 spectet securo celebrantem litora ludo,  
 oraque Thessalico melior contundere freno  
 vectorem pavidae Castor dum quaereret Helles 425  
 passus Amyclaea pinguescere Cyllaron herba.  
 illis Taenario pariter tremit ignea fuco  
 purpura, quod gemina mater spectabile tela  
 duxit opus: bis Taygeton silvasque comantes  
 struxerat, Eurotan molli bis fuderat auro. 430  
 quemque suus sonipes niveo de stamine portat  
 et volat amborum patrius de pectore cycnus.  
 at tibi collectas solvit iam fibula vestes  
 ostenditque umeros fortes spatiumque superbi  
 pectoris Herculeis aequum, Meleagre, lacertis. 435  
 hic numerosa phalanx, proles Cyllenia: certus

Aethalides subitas nervo redeunte sagittas  
 cogere; tu medios gladio bonus ire per hostes,  
 Euryte; nec patrio Minyis ignobilis usu  
 nuntia verba ducis populis qui reddit Echion. 440  
 sed non, Iphi, tuis Argo reditura lacertis  
 heu cinerem Scythica te maesta relinquet harena  
 cessantemque tuo lugebit in ordine remum.  
 te quoque dant campi tanto pastore Pheraei  
 felices, Admete, tuis nam pendet in arvis 445  
 Delius ingrato Steropen quod fuderat arcu.  
 a quotiens famulo notis soror obvia silvis  
 flevit ubi Ossaeae captaret frigora quercus  
 perderet et pingui miseros Boebeide crines!  
 insurgit transtris et remo Nerea versat 450  
 Canthus, in Aeaëo volvet quem barbara cuspis  
 pulvere; at interea clari decus adiacet orbis  
 quem genitor gestabat Abas--secat aurea fluctu  
 tegmina Chalcidicas fugiens Euripus harenas  
 celsaque semiferum contorquens frena luporum 455  
 surgis ab ostrifero medius, Neptune, Geraesto.  
 et tibi Palladia pinu, Polypheme, revector  
 ante urbem ardentis restat deprendere patris  
 reliquias, multum famulis pia iusta moratis  
 si venias. brevior peti iam caerula remo 460  
 occupat et longe sua transtra novissimus Idas.  
 at frater magnos Lynceus servatur in usus,  
 quem tulit Arene, possit qui rumpere terras  
 et Styga transmisso tacitam deprendere visu.  
 fluctibus e mediis terras dabit ille magistro 465  
 et dabit astra rati cumque aethera Iuppiter umbra  
 perdiderit solus transibit nubila Lynceus.  
 quin et Cecropiae proles vacat Orithyiae  
 temperet ut tremulos Zetes fraterque ceruchos.  
 nec vero Odrysius transtris impenditur Orpheus 470  
 aut pontum remo subigit, sed carmine tonsas  
 ire docet summo passim ne gurgite pugnent.  
 donat et Iphiclo pelagus iuvenumque labores  
 Aesonides, fessum Phylace quem miserat aevo  
 non iam operum in partem, monitus sed tradat ut acres 475  
 magnorumque viros qui laudibus urat avorum.  
 Arge, tuae tibi cura ratis, te moenia doctum  
 Thespia Palladio dant munere; sors tibi nequa  
 parte trahat tacitum puppis mare fissaque fluctu  
 vel pice vel molli conducere vulnera cera. 480  
 pervigil Arcadio Tiphys pendebat ab astro  
 Hagniades, felix stellis qui segnibus usum  
 et dedit aequoreos caelo duce tendere cursus.  
 Ecce per obliqui rapidum compendia montis  
 ductor ovans laetusque dolis agnoscit Acastum 485

horrentem iaculis et parmae luce coruscum.  
ille ubi se mediae per scuta virosque carinae  
intulit, ardenti Aesonides retinacula ferro  
abscidit. haud aliter saltus vastataque pernix  
venator cum lustra fugit dominoque timentem 490  
urget equum teneras compressus pectore tigres  
quas astu rapuit pavido, dum saeva relictis  
mater in adverso catulis venatur Amano.  
it pariter propulsa ratis. stant litore matres  
claraque vela oculis percussa que sole sequuntur 495  
scuta virum, donec iam celsior arbore pontus  
immensus<usque> ratem spectantibus abstulit aer.  
Siderea tunc arce pater pulcherrima Graium  
coepta tuens tantamque operis consurgere molem  
laetatur; patrii neque enim probat otia regni. 500  
una omnes gaudent superi venturaque mundo  
tempora quaeque vias cernunt sibi crescere Parcae.  
sed non et Scythici genitor discrimine nati  
intrepidus tales fundit Sol pectore voces:  
' summus sator, cui nostra dies volventibus annis 505  
tot peragit reficitque vices, tuane ista voluntas  
Graiaque nunc undis duce te nutuque secundo  
it ratis? an meritis fas est mihi rumpere questus?  
hoc metuens et nequa foret manus invida nato  
non mediae telluris opes, non improba legi 510  
divitis arva plagae (teneant uberrima Teucer  
et Libys et vestri Pelopis domus): horrida saevo  
quae premis arva gelu strictosque insedimus amnes.  
cederet his etiam et sese sine honore referret  
ulterius, sed nube rigens ac nescia rerum 515  
stat super et nostros iam zona reverberat ignes.  
quid regio immanis, quid barbarus amnibus ullis  
Phasis et aversis proles mea gentibus obstat?  
quid Minyae meruere queri? num vellere Graio  
vi potitur? profugo quin agmina iungere Phrixo 520  
abnuit, Inoas ultor nec venit ad aras,  
imperii sed parte virum nataeque moratus  
coniugio videt e Graia nunc stirpe nepotes  
et generos vocat et iunctas sibi sanguine terras.  
flecte ratem motusque, pater, nec vulnere nostro 525  
aequora pande viris; veteris sat conscia luctus  
silva Padi et viso flentes genitore sorores!  
adfremit his quassatque caput qui vellera dono  
Bellipotens sibi fixa videt temptataque, contra  
Pallas et amborum gemuit Saturnia questus. 530  
Tum genitor: ' vera haec nobis et condita pergunt  
ordine cuncta suo rerumque a principe cursu  
fixa manent; neque enim terris tum sanguis in ullis  
noster erat cum fata darem, iustique facultas

hinc mihi cum varios struerem per saecula reges. 535  
 atque ego curarum repetam decreta mearum.  
 iam pridem regio quae virginis aequor ad Helles  
 et Tanai tenuis immenso descendit ab Euro  
 undat equis floretque viris nec tollere contra  
 ulla pares animos nomenque capessere bellis 540  
 ausa manus. sic fata locos, sic ipse fovebam.  
 accelerat sed summa dies Asiamque labantem  
 linquimus et poscunt iam me sua tempora Grai.  
 inde meae quercus tripodesque animaeque parentum  
 hanc pelago misere manum. via facta per undas 545  
 perque hiemes, Bellona, tibi. nec vellera tantum  
 indignanda manent propiorque ex virgine rapta  
 ille dolor, sed--nulla magis sententia menti  
 fixa meae--veniet Phrygia iam pastor ab Ida,  
 qui gemitus irasque pares et mutua Grai 550  
 dona ferat. quae classe dehinc effusa procorum  
 bella, quot ad Troiae flentes hiberna Mycenae,  
 quot proceres natosque deum, quae robora cernes  
 oppetere et magnis Asiam concedere fati!  
 hinc Danaum de fine sedet gentesque fovebo 555  
 mox alias. pateant montes silvaeque lacusque  
 cunctaque claustra maris, spes et metus omnibus esto.  
 arbiter ipse locos terrenaque summa movendo  
 experiar, quaenam populis longissima cunctis  
 regna velim linquamque datas ubi certus habenas.' 560  
 tunc oculos Aegaea refert ad caerula robur  
 Herculeum Ledaque tuens genus atque ita fatur:  
 'audite in astra, viri: me primum regia mundo  
 Iapeti post bella trucis Phlegraeque labores  
 imposuit; durum vobis iter et grave caeli 565  
 institui. sic ecce meus, sic orbe peracto  
 Liber et expertus remeavit Apollo.'  
 dixit et ingenti flammantem nubila sulco  
 direxit per inane facem, quae puppe propinqua  
 in bifidum discessit iter fratresque petivit 570  
 Tyndareos, placida et mediis in frontibus haesit  
 protinus amborum lumenque innoxia fundit  
 purpureum, miseris olim implorabile nautis.  
 Interea medio saevus permissa profundo  
 carbasa Pangaea Boreas speculatus ab arce 575  
 continuo Aeoliam Tyrrhenaque tendit ad antra  
 concitus. omne dei rapidis nemus ingemit alis,  
 strata Ceres motuque niger sub praepete pontus.  
 aequore Trinacrio refugique a parte Pelori  
 stat rupes horrenda fretis, quot in aethera surgit 580  
 molibus, infernas totidem demissa sub undas.  
 nec scopulos aut antra minor iuxta altera tellus  
 cernitur. illam Acamans habitat nudusque Pyracmon,

has nimbi ventique domos et naufraga servat  
 tempestas, hinc in terras latumque profundum 585  
 est iter, hinc olim soliti miscere polumque  
 infelixque fretum (neque enim tunc Aeolus illis  
 rector erat, Libya cum rumperet advena Calpen  
 Oceanus, cum flens Siculos Oenotria fines  
 perderet et mediis intrarent montibus undae), 590  
 intonuit donec pavidis ex aethere ventis  
 Omnipotens regemque dedit, quem iussa vereri  
 saeva cohors; vix monte chalybs iterataque muris  
 saxa domant Euros. cum iam cohibere frementum  
 ora nequit, rex tunc aditus et claustra refringit 595  
 ipse volens placatque data fera murmura porta.  
 nuntius hunc solio Boreas proturbat ab alto.  
 ' Pangea quod ab arce nefas,' ait, ' Aele, vidi!  
 Graia novam ferro molem commenta iuventus  
 pergit et ingenti gaudens domat aequora velo. 600  
 nec mihi libertas imis freta tollere harenis  
 qualis eram nondum vinclis et carcere clausus.  
 hinc animi structaeque viris fiducia puppis,  
 quod Borean sub rege vident. da mergere Graios  
 insanamque ratem! nil me mea pignora tangunt. 605  
 tantum hominum compesce minas dum litora iuxta  
 Thessala necdum aliae viderunt carbasa terrae.'  
 Dixerat, at cuncti fremere intus et aequora venti  
 poscere. tum validam contorto turbine portam  
 impulit Hippotades, fundunt se carcere laeti 610  
 Thraces equi Zephyrusque et nocti concolor alas  
 nimborum cum prole Notus crinemque procellis  
 hispidus et multa flavus caput Eurus arena.  
 inducere hiemem raucoque ad litora tractu  
 unanimi freta curva ferunt. nec sola Tridentis 615  
 regna movent, vasto pariter ruit igneus aether  
 cum tonitru piceoque premit nox omnia caelo.  
 excussi manibus remi conversaque frontem  
 puppis in obliquum resonos latus accipit ictus,  
 vela super tremulum subitus volitantia malum 620  
 turbo rapit. qui tum Minyis trepidantibus horror  
 cum picei fulsere poli pavidamque coruscae  
 ante ratem cecidere faces antemnaeque laevo  
 prona dehiscentem cornu cum sustulit undam.  
 non hiemem missosque putant consurgere ventos 625  
 ignari, sed tale fretum. tum murmure maesto:  
 ' hoc erat inlicitas temerare rudentibus undas  
 quod nostri timuere patres. vix litore puppem  
 solvimus et quanto fremitu se sustulit Aegon!  
 hocine Cyanaeae concurrunt aequore cautes 630  
 tristius an miseris superest mare? linquite, terrae,  
 spem pelagi sacrosque iterum seponite fluctus!'

haec iterant segni flentes occumbere leto.  
 magnanimus spectat pharetras et inutile robur  
 Amphitryoniades. miscent suprema paventes 635  
 verba alii iunguntque manus atque ora fatigant  
 aspectu in misero ~tota~ cum protinus alnus  
 solvitur et vasto puppis mare sorbet hiatu.  
 illam huc atque illuc nunc torquens verberat Eurus,  
 nunc stridens Zephyris aufert Notus. undique fervent 640  
 aequora, cum subitus trifida Neptunus in hasta  
 caeruleum fundo caput extulit. ' hinc mihi Pallas  
 et soror hanc,' inquit, ' mucus mea pectora fletu  
 abstulerint; veniant Phariae Tyriaeque carinae  
 permissumque putent. quotiens mox rapta videbo 645  
 vela notis plenasque aliis clamoribus undas!  
 non meus Orion aut saevus Pliade Taurus  
 mortis causa novae; miseris tu gentibus, Argo,  
 fata paras nec iam merito tibi, Tiphy, quietum  
 ulla parens volet Elysium manesque piorum.' 650  
 haec ait et pontum pater ac turbata reponit  
 litora depellitque Notos, quos caeruleus horror  
 et madido gravis unda sinu longeque secutus  
 imber ad Aeoliae tendunt simul aequora portae.  
 emicuit reserata dies caelumque resolvit 655  
 arcus et in summos redierunt nubila montes.  
 iam placidis ratis exstat aquis, quam gurgite ab imo  
 et Thetis et magnis Nereus socer erigit ulnis.  
 ergo umeros ductor sacro velatur amictu  
 Aesoniamque capit pateram, quam munere gaudens 660  
 liquerat hospitio pharetrasque rependerat auro  
 Salmoneus, nondum ille furens, cum fingeret alti  
 quadrifida trabe tela Iovis contraque ruenti  
 aut Athon aut Rhodopen maestae nemora ardua Pisae  
 aemulus et miseros ipse ureret Elidis agros. 665  
 hac pelago libat latices et talibus infit:  
 ' di, quibus undarum tempestatisque sonorae  
 imperium et magno penitus par regia caelo,  
 tuque, fretum divosque pater sortite bifformes,  
 seu casus nox ista fuit seu, volvitur axis 670  
 ut superum, sic stare~t opus~ tollique vicissim  
 pontus habet seu te subitae nova puppis imago  
 armorumque hominumque truces consurgere in iras  
 impulit, haec luerim satis et tua numina, rector,  
 iam fuerint meliora mihi. da reddere terris 675  
 has animas patriaeque amplecti limina portae!  
 tum quocumque loco meritas tibi plurimus aras  
 pascet honos, quantusque rotis horrendus equisque  
 stas, pater, atque ingens utrimque fluentia Triton  
 frena tenet, tantus nostras condere per urbes.' 680  
 dixerat haec. oritur clamor dextraeque sequentum

verba ducis. sic cum stabulis et messibus ingens  
 ira deum et Calabri populator Sirius arvi  
 incubuit, coit agrestum manus anxia priscum  
 in nemus et miseris dictat pia vota sacerdos. 685  
 ecce autem molli Zephyros descendere lapsu  
 aspiciunt, volat immissis cava pinus habenis  
 infinditque salum et spumas vomit aere tridenti;  
 Tiphys agit tacitique sedent ad iussa ministri,  
 qualiter ad summi solium Iovis omnia circum 690  
 prona parata deo, ventique imbresque nivesque  
 fulguraque et tonitrus et adhuc in fontibus amnes.  
 At subitus curaque ducem metus acrior omni  
 mensque mali praesaga quatit, quod regis adortus  
 progeniem raptoque dolis crudelis Acasto 695  
 cetera nuda neci medioque in crimine patrem  
 liquerit ac nullis inopem vallaverit armis,  
 ipse procul nunc tuta tenens; ruat omnis in illos  
 quippe furor. nec vana pavet trepidatque futuris.  
 Saevit atrox Pelias inimicaque vertice ab alto 700  
 vela videt nec qua se ardens effundere possit.  
 nil animi, nil regna iuvant; fremit obice ponti  
 clausa cohors telisque salum facibusque coruscat.  
 haud secus, aerisona volucer cum Daedalus Ida  
 prosiluit iuxtaque comes brevioribus alis, 705  
 nube nova linquente domos Minoia frustra  
 infremuit manus et visu lassatur inani  
 omnis eques plenisque redit Gortyna pharetris.  
 quin etiam in thalamis primoque in limine Acasti  
 fusus humo iuvenis gressus et inania signa 710  
 ore premit sparsisque legens vestigia canis  
 ' et quoque iam maesti forsan genitoris imago,  
 nate,' ait 'et luctus subeunt suspiria nostri  
 iamque dolos circumque trucidis discrimina leti  
 mille vides. qua te, infelix, quibus insequar oris? 715  
 non Scythicas ferus ille domos nec ad ostia Ponti  
 tendit iter, falsae sed captum laudis amore  
 te, puer, in nostrae durus tormenta senectae  
 nunc lacerat. celsis an si freta puppibus essent  
 pervia, non ultro iuvenes classemque dedissem? 720  
 o domus, o freti nequiquam prole penates!  
 dixit et extemplo furiis iraque minaci  
 terribilis: 'sunt hic etiam tua vulnera, praedo,  
 sunt lacrimae carusque parens!' simul adibus altis  
 itque reditque fremens rerumque asperrima versat. 725  
 Bistonas ad meritos cum cornua saeva Thyone  
 torsit et infelix iam mille furoribus Haemus,  
 iam Rhodopes nemora alta gemunt, talem incita longis  
 porticibus coniunxque fugit natiqque Lycurgum.  
 Tartareo tum sacra Iovi Stygiisque ferebat 730



manibus Alcimedea tanto super anxia nato,  
 siquid ab excitis melius praenosceret umbris.  
 ipsum etiam curisque parem talesque prementem  
 corde metus ducit, facilem tamen, Aesona coniunx.  
 in scrobibus cruor et largus Phlegethontis operi 735  
 stagnat honos saevoque vocat grandaeva tumultu  
 Thessalis exanimes atavos magnaepque nepotem  
 Pleiones. et iam tenues ad carmina vultus  
 extulerat maestosque tuens natumque nurumque  
 talia libato pandebat sanguine Cretheus: 740  
 ' mte metus, volat ille mari, quantumque propinquat  
 iam magis atque magis variis stupet Aea deorum  
 prodigiis quatiuntque truces oracula Colchos.  
 heu quibus ingreditur fatis, qui gentibus horror  
 pergit! mox Scythiae spoliis nuribusque superbus 745  
 adveniet--cuperem ipse graves tum rumpere terras--,  
 sed tibi triste nefas fraternaepque turbidus arma  
 rex parat et saevas irarum concipit ignes.  
 quin rapis hinc animam et famulos citus effugis artus?  
 i, meus es, iam te in lucos pia turba silentum 750  
 secretisque ciet volitans pater Aeolus arvis.'  
 Horruit interea famulum clamore supremo  
 maesta domus, regemque fragor per moenia differt  
 mille ciere manus et iam dare iussa vocatis.  
 flagrantep aras vestemque nemusque sacerdos 755  
 praecipitat subitisque pavens circumspicit, Aeson  
 quid moveat. quam multa leo cunctatur in arta  
 mole virum rictuque genas et lumina pressit,  
 sic curae subiere ducem, ferrumne capessat  
 imbelle atque aevi senior gestamina primi 760  
 an patres regnique acuat mutabile vulgus.  
 contra effusa manus haerensque in pectore coniunx  
 ' m quoque' ait ' asus comitem quicumque propinquat  
 accipies nec fata traham natumque videbo  
 te sine, sat caeli patiens, cum prima per altum 765  
 vela dedit, potui quae tantum ferre dolorem.'  
 talia per lacrimas. et iam circumspicit Aeson,  
 praeveniat quo fine minas, quae fata capessat  
 digna satis; magnos obitus natumque domumque  
 et genus Aeolium pugnataepque poscere bella. 770  
 est etiam ante oculos aevum rudis altera proles,  
 ingentes animos et fortia discere facta  
 quem velit atque olim leti meminisse paterni.  
 ergo sacra novat. veteris sub nocte cupressi  
 sordidus et multa pallens ferrugine taurus 775  
 stabat adhuc, cui caeruleae per cornua vittae  
 et taxi frons hirta comis; ipse aeger anhelans  
 impatiensque loci visaque exterritus umbra.  
 hunc sibi praecipuum gentis de more nefandae

Thessalis in seros Ditis servaverat usus, 780  
 tergemnam cum placat eram Stygiasque supremo  
 obsecrat igne domos, iamiam exorabile retro  
 carmen agens; neque enim ante leves niger avehit umbras  
 portitor et cunctae primis stant faucibus Orci.  
 illum ubi terrifici superesse in tempore sacri 785  
 conspexit, statuit leto supremaque fatur  
 ipse manu tangens damnati cornua tauri:  
 ' vos quibus imperium Iovis et non segne peractum  
 lucis iter, mihi conciliis, mihi cognita bellis  
 nomina magnorum fama sacrata nepotum 790  
 tuque, excite parens umbris, ut nostra videres  
 funera et oblitos superum paterere dolores,  
 da placidae mihi sedis iter meque hostia vestris  
 conciliet praemissa locis! tu, nuntia sontum  
 virgo Iovi, terras oculis quae prospicis aequis, 795  
 ultricesque deae Fasque et grandaeva Furorum  
 Poena parens, meritis regis succedite tectis  
 et saevas inferte faces! sacer effera raptet  
 corda pavor nec sola mei gravia adfore nati  
 arma ratemque putet. classes et Pontica signa 800  
 atque indignatos temerato litore reges  
 mente agitet semperque metu decurrat ad undas  
 arma ciens: mors sera viam temptataque claudat  
 effugia et nostras nequeat praecurrere diras,  
 sed reduces iam iamque viros auroque coruscum 805  
 cernat iter. stabo insultans et ovantia contra  
 ora manusque feram. tum vobis siquod inausum  
 arcanumque nefas et adhuc incognita leti  
 sors superest, date fallaci pudibunda senectae  
 exitia indecoresque obitus! non Marte nec armis 810  
 aut nati precor ille mei dignatus ut umquam  
 ense cadat; quae fida manus, quae cara suorum  
 diripiat laceretque senem nec membra sepulchro  
 contegat. haec noster de rege piacula sanguis  
 sumat et heu cunctae quas misit in aequora gentes!' 822  
 adstitit et nigro fumantia pocula tabo 815  
 contigit ipsa gravi Furiarum maxima dextra,  
 illi avidae exceptum pateris hausere cruorem.  
 Fit fragor: inrumpunt sonitu, qui saeva ferebant  
 imperia et strictos iussis regalibus enses.  
 in media iam morte senes suffectaue leto 820  
 lumina et undanti revomentes veste cruorem  
 conspiciunt primoque rudem sub limine rerum 823  
 te, puer, et visa pallentem morte parentum  
 diripiunt adduntque tuis. procul horruit Aeson  
 excedens memoremque tulit sub nubibus umbram.  
 Cardine sub nostro rebusque abscisa supernis  
 Tartarei sedet aula patris. non illa ruenti

accessura polo, victam si volvere molem  
ingenti placet ore Chaos, quod pondere fessam 830  
materiem lapsumque queat consumere mundum.  
hic geminae aeternum portae, quarum altera dura  
semper lege patens populos regesque receptat,  
ast aliam temptare nefas et tendere contra:  
rara et sponte patet, siquando pectore ductor 835  
vulnera nota gerens, galeis praefixa rotisque  
cui domus aut studium mortales pellere curas,  
culti fides, longe metus atque ignota cupido,  
seu venit in vittis castaque in veste sacerdos.  
quos omnes levibus plantis et lampada quassans 840  
progenies Atlantis agit. lucet via late  
igne dei, donec silvas et amoena piorum  
deveniant camposque, ubi sol totumque per annum  
durat aprica dies thiasique chorique virorum  
carminaque et quorum populis iam nulla cupido. 845  
has pater in sedes aeternaque moenia natum  
inducitque nurum. tum porta quanta sinistra  
poena docet maneat Pelian, quot limine monstra.  
mirantur tantos strepitus turbamque ruentem  
et loca et infernos almae virtutis honores.

## Liber II

Interea scelerum luctusque ignarus Iason  
alta secat. neque enim patrios cognoscere casus  
Iuno sinit, mediis ardens ne flectat ab undis  
ac temere in Pelian et adhuc obstantia regis  
fata ruat placitosque deis ne deserat actus. 5  
iamque fretis summas aequatum Pelion ornos  
templaque Tisaeae mergunt obliqua Dianae,  
iam Sciathos subsedit aquis, iam longa recessit  
Sepias. attollit tondentes pabula Magnes  
campus equos: vidisse putant Dolopeia busta 10  
intransemque Amyron curvas quaesita per oras  
aequora, flumineo cuius redeuntia vento  
vela legunt. remis insurgitur, inde salutant  
Eurymenas. recipit velumque fretumque reversus  
Auster et in nubem Minyis repe<te>ntibus altum 15  
Ossa redit. metus ecce deum damnataque bello  
Pallene circumque vident immania monstra  
terrigenum caelo quondam adversata Gigantum,  
quos scopulis trabibusque parens miserata iugisque  
induit et versos extruxit in aethera montes. 20  
quisque suas in rupe minas pugnamque metusque  
servat adhuc, quatit ipse hiemes et torquet ab alto  
fulmina crebra pater, scopulis sed maximus illis  
horror abest, Sricula pressus tellure Typhoeus.  
hunc profugum et sacras revomentem pectore flammis, 25  
ut memorant, presum ipse comis Neptunus in altum  
abstulit implicuitque vadis totiensque cruenta  
mole resurgentem torquentemque anguibus undas  
Sicanium dedit usque fretum cumque urbibus Aetnam  
intulit ora premens. trux ille eiectat adesi 30  
fundamenta iugi, pariter tunc omnis anhelat  
Trinacria, iniectam fesso dum pectore molem  
commovet experiens gemituque reponit inani.  
Iamque Hyperionius metas maris urget Hiberi  
currus et evectae prono laxantur habenae 35  
aethere, cum palmas Tethys grandaeva sinusque  
sustulit et rupto sonuit sacer aequare Titan.  
auxerat hora metus, iam se vertentis Olympi  
ut faciem raptosque simul montesque locosque  
ex oculis circumque graves videre tenebras. 40  
ipsa quies rerum mundique silentia terrent  
astraque et effusis stellatus crinibus aether;  
ac velut ignota captus regione viarum  
noctivagum qui carpit iter non aure quiescit,

non oculis, noctisque metus niger auget utrimque 45  
 campus et occurrens umbris maioribus arbor,  
 haud aliter trepidare viri. sed pectora firmans  
 Hagniadēs ' non hanc' inquit sine numine pinum  
 derigimus nec me tantum Tritonia cursus  
 erudiit. saepe ipsa manu dignata carinam est. 50  
 an non experti, subitus cum luce fugata  
 horruit imbre dies? quantis, pro Iuppiter, Austris  
 restitimus, quanta quotiens et Pallados arte  
 in cassum decimae cecidit tumor arduus undae!  
 quin agite, o socii; micat immutabile caelum 55  
 puraque nec gravido surrexit Cynthia cornu  
 (nullus in ore rubor) certusque ad talia Titan  
 integer in fluctus et in uno decedit Euro.  
 adde quod in noctem venti veloque marique  
 incumbunt magis et tacitis ratis ocior horis. 60  
 atque adeo non illa sequi mihi sidera mens stat  
 quae delapsa polo reficit mare. tantus Orion  
 iam cadit, irato iam stridet in aequore Perseus:  
 sed mihi dux, vetitis qui numquam conditus undis  
 axe nitet, Serpens, septenosque implicat ignes.' 65  
 sic ait et certi memorat qui vultus Olympi  
 Pleiones Hyadumque locos, quo sidere vibret  
 Ensis et Actaeus niteat qua luce Bootes.  
 haec ubi dicta dedit, Cereris tum munere fessas  
 restituunt vires et parco corpora Baccho. 70  
 mox somno cessere, regunt sua sidera puppem.  
 Iamque sub Eoae dubios Atlantidis ignes  
 albet ager motisque truces ab ovilibus ursi  
 tuta domosque petunt, raras et litus in altum  
 mittit aves, cum primus equis erexit anhelis 75  
 Phoebus Athon mediasque diem dispersit in undas.  
 certatim remis agitur mare rostraque cursu  
 prima tremunt et iam summis Vulcania surgit  
 Lemnos aquis, tibi per varios defleta labores,  
 Ignipotens, nec te furiis et crimine matrum 80  
 terra fugat meritique piget meminisse prioris.  
 Tempore quo primum fremitus insurgere opertos  
 caelicolum et regni sensit novitate tumentes  
 Iuppiter aetheriae nec stare silentia pacis,  
 Iunonem volucris primam suspendit Olympo 85  
 horrendum chaos ostendens poenasque barathri.  
 mox etiam pavidae temptantem vincula matris  
 solvere praerupti Vulcanum vertice caeli  
 devolvit. ruit ille polo noctemque diemque  
 turbinis in morem, Lemni dum litore tandem 90  
 insonuit. vox inde repens ut perculit urbem,  
 adclinem scopulo inveniunt miserentque foventque  
 alternos aegro cunctantem poplite gressus.

hinc, reduci superas postquam pater adnuit arces,  
 Lemnos cara deo nec fama notior Aetne 95  
 aut Lipares domus. has epulas, haec templa peracta  
 aegide et horrifici formatis fulminis alis  
 laetus adit. contra Veneris stat frigida semper  
 ara loco, meritas postquam dea coniugis iras  
 horruit et tacitae Martem tenuere catenae. 100  
 quocirca struit illa nefas Lemnoque merenti  
 exitium furiale movet. neque enim alma videri  
 tantum: eadem tereti crinem subnectitur auro  
 sidereos diffusa sinus, eadem effera et ingens  
 et maculis suffecta genas pinumque sonantem 105  
 virginibus Stygiis nigramque simillima pallam.  
 Iamque dies aderat. Thracas qui fuderat armis  
 dux Lemni puppes tenui contexere canna  
 ausus et inducto cratem defendere tergo  
 laeta mari tum signa refert plenasque movebant 110  
 armentis nuribusque rates (et barbara vestis  
 et torques insigne loci). sonat aequore clamor  
 ' o patria, o variis coniunx nunc anxia curis,  
 has agimus longi famulas tibi praemia belli.' ,  
 cum dea se piceo per sudum turbida nimbo 115  
 praecipitat Famamque vaga vestigat in umbra,  
 quam pater omnipotens digna atque indigna canentem  
 spargentemque metus placidis regionibus arcet  
 aetheris. illa fremens habitat sub nubibus imis,  
 non Erebi, non diva poli, terrasque fatigat 120  
 quas datur. audentem primi spernuntque foveantque  
 mox omnes agit et motis quatit oppida linguis.  
 talem diva sibi scelerisque dolique ministram  
 quaerit avens. videt illa prior iamque advolat ultro  
 impatiens iamque ora parat, iam suscitatur aures. 125  
 hanc super incendit Venus atque his vocibus implet:  
 ' aede age et aequoream, virgo, delabere Lemnon  
 et cunctas mihi verte domos, praecurrere qualis  
 bella soles, cum mille tubas armataque campis  
 agmina et innumerum flatus cum fingis equorum. 130  
 adfore iam luxu turpique cupidine captos  
 fare viros caraque toris inducere Thressas.  
 haec tibi principia, hinc rabidas dolor undique matres  
 instimulet. mox ipsa adero ducamque paratas.'  
 Illa abit et mediam gaudens defertur in urbem 135  
 et primam Eurynomen ad proxima limina Codri  
 occupat exesam curis castumque cubile  
 servantem. manet illa viro famulasque fatigat  
 litoribus, tardi reputant quae tempora belli  
 ante torum et longo mulcent insomnia penso. 140  
 huic dea cum lacrimis et nota veste Neaerae  
 icta genas ' utiam non hic tibi nuntius essem,

o soror, aut nostros' inquit ' prius unda dolores  
obruat, in tali quoniam tibi tempore coniunx  
sic merita, votis quem tu fletuque requiris, 145  
heu furit et captae indigno famulatur amore.  
iamque aderunt thalamisque tuis Threissa propinquat,  
non forma, non arte colus, non laude pudoris  
par tibi. nec magni proles praeclara Dorycli,  
picta manus usto<que> placet sed barbara mento. 150  
ac tamen hos aliis forsitan solabere casus  
tu thalamis fatoque leges meliore penates.  
me tua matris egens damnataque paelice proles  
exanimat, quam iam miseros transversa tuentem  
letalesque dapes infectaque pocula cerno. 155  
scis simile ut flammis simus genus, adde cruentis  
quod patrium saevire Dahis. iam lacte ferino,  
iam veniet durata gelu. sed me quoque pulsam  
fama viro nostrosque toros virgata tenebit  
et plaustro derepta nurus.' ~~ic~~ fata querellas 160  
abscidit et curis pavidam lacrimisque relinquit.  
transit ad Iphinoen isdemque Amythaonis implet  
Olenique domum furiis, totam inde per urbem  
personat ut cunctas agitent expellere Lemno,  
ipsi urbem Thressaeque regant. dolor iraque surgit, 165  
obvia quaeque eadem traditque auditque neque ulli  
vana fides. tum voce deos, tum questibus implent,  
oscula iamque toris atque oscula postibus ipsis  
ingeminant lacrimisque iterum visuque morantur.  
prosiliunt nec tecta virum thalamosque revisunt 170  
amplius, adglomerant sese nudisque sub astris  
condensae fletus acuunt ac dira precantur  
coniugia et Stygias infanda ad foedera taedas.  
Has inter medias Dryopes in imagine maestae  
flet Venus et saevis ardens dea planctibus instat 175  
primaque: ' Somaticas utinam fortuna dedisset  
insedis domos tristesque habitasse pruinas,  
plaustra sequi vel iam patriae vidisse per ignes  
culmen agi stragemque deum. nam cetera belli  
perpetimur. mene ille novis, me destinat amens 180  
servitiis? urbem aut fugiens natosque relinquam?  
non prius ense manus raptoque armabimus igne  
dumque silent ducuntque nova cum coniuge somnos,  
magnum aliquid spirabit amor?' tunc ignea torquens  
lumina praecipites excussit ab ubere natos. 185  
ilicet arrectae mentes evictaque matrum  
corda sacer Veneris gemitus rapit. aequora cunctae  
prospiciunt simulantque choros delubraque festa  
fronde tegunt laetaeque viris venientibus adsunt.  
iamque domos mensasque petunt, discumbitur altis 190  
porticibus, sua cui<que> furens infestaque coniunx

adiacet, inferni qualis sub nocte barathri  
 accubat attonitum Phlegyan et Thesea iuxta  
 Tisiphone saevasque dapes et pocula libat,  
 tormenti genus, et nigris amplectitur hydris. 195

Ipsa Venus quassans undantem turbine pinum  
 adglomerat tenebras pugnaeque accincta trementem  
 desilit in Lemnon. nimbis et luce fragosa  
 prosequitur polus et tonitru pater auget honoro.  
 inde novam pavidas vocem furibunda per auras 200  
 congeminat, qua primus Athos et pontus et ingens  
 Thraca palus pariterque toris exhorruit omnis  
 mater et adstricto riguerunt ubere nati.  
 accelerat Pavor et Geticis Discordia demens  
 e stabulis atraeque genis pallentibus Irae 205  
 et Dolus et Rabies et Leti maior imago  
 visa truces exserta manus, ut prima vocatu  
 intonuit signumque dedit Mavortia coniunx.

Hic aliud Venus et multo magis ipsa tremendum  
 orsa nefas gemitus fingit vocesque cadentum 210  
 inrupitque domos et singultantia gestans  
 ora manu taboque sinus perfusa recenti  
 arrectasque comas: ' mētos en prima revertor  
 ulta toros, premit ecce dies.' tum vberē victas  
 in thalamos agit et cunctantibus ingerit enses. 215

Unde ego tot scelerum facies, tot fata iacentum  
 exsequar? heu vatem monstris quibus intulit ordo,  
 quae se aperit series! o qui me vera canentem  
 sistat et hac nostras exsolvat imagine noctes!

Invadunt aditus et quondam cara suorum 220  
 corpora, pars ut erant dapibus vinoque soporos,  
 pars conferre manus etiam magnisque paratae  
 cum facibus quosdam insomnes et cuncta tuentes,  
 sed temptare fugam prohibetque capessere contra  
 arma metus, adeo ingentes inimica videri 225  
 diva dabat, notaque sonat vox coniuge maior;  
 tantum oculos pressere < . . . . > velut agmina cernant  
 Eumenidum ferrumve super Bellona coruscet.  
 hoc soror, hoc coniunx propiorque hoc nata parensque  
 saeva valet prensosque toris mactatque trahitque 230  
 femineum genus, immanes quos sternere Bessi  
 nec Geticae potuere manus aut aequoris irae.  
 his cruor in thalamis et anhela in pectore fumant  
 vulnera seque toris misero luctamine trunci  
 devolvunt. diras aliae ad fastigia taedas 235  
 iniciunt adduntque domos. pars ignibus atris  
 effugiunt propere, sed dura in limine coniunx  
 obsidet et viso repetunt incendia ferro.  
 ast aliae Thressas labem causamque furorum  
 diripiunt: mixti gemitus clamorque precantum 240



barbarus ignotaeque implebant aethera voces.

Sed tibi nunc quae digna tuis ingentibus ausis  
orsa feram, decus et patriae laus una ruentis,  
Hypsipyle? non ulla meo te carmine dictam  
abstulerint, durent Latiis modo saecula fastis 245  
Iliacique lares tantique palatia regni.  
inruerant actae pariter nataeque nurusque  
totaque iam sparsis exarserat insula monstros;  
illa pias armata manus 'ufge protinus urbem  
meque, pater! non hostis,' ai' non monia laesi 250  
Thraces habent; nostrum hoc facinus. ne quaere, quis auctor!  
iam fuge, iam dubiae donum rape mentis et ensem  
tu potius, miser, oro, tene!' tu excipit artus  
obnubitque caput tacitumque ad conscia Bacchi  
templa rapit primoque manus a limine tendens 255  
'exime nos sceleri, pater, et miserere piorum  
rursus!' ita tacita pavidum tunc sede locavit  
sub pedibus dextraque dei. latet ille receptus  
veste sacra. voces chorus et trieterica reddunt  
aera sonum fixaeque fremunt in limine tigres. 260  
regina ut roseis Auroram surgere bigis  
vidit et insomni lassatas turbine tandem  
conticuisse domos, stabilem quando optima facta  
dant animum maiorque piis audacia coeptis,  
serta patri iuvenisque comam vestesque Lyaei 265  
induit et medium curru locat aeraque circum  
tympanaque et plenas tacita formidine cistas.  
ipsa sinus hederisque ligat famularibus artus  
pampineamque quatit ventosis ictibus hastam,  
respiciens teneat virides velatus habenas 270  
ut pater, <e> nivea tumeant ut cornua mitra  
et sacer ut Bacchum referat scyphus. impulit acri  
tum validas stridore fores rapiturque per urbem  
taliam voce canens: 'linque o mihi caede madentem,  
Bacche, domum! sine foedatum te funere pontus 275  
expiet et referam lotos in templa dracones!'  
sic medios egressa metus, facit ipse verendam  
nam deus et flatu non inscia gliscit anhelo.  
iamque senem tacitis saeva procul urbe remotum  
occulerat silvis, ipsam sed conscius ausi 280  
nocte dieque pavor fraudataque turbat Erinys.  
non similes iam ferre choros (semel orgia fallunt)  
audet, non paribus furiis accendere saltus,  
et fuga diversas misero quaerenda per artes.  
visa ratis saevae defecta laboribus undae 285  
quam Thetidi longinqua dies Glaucoque repostam  
solibus et canis urebat luna pruinis.  
huc genitorem altae per opaca silentia noctis  
praecipitem silvis rapit et sic maesta profatur:

' quam, genitor, patriam, quantas modo linquis inanes 290  
 pube domos! pro dira lues, pro noctis acerbæ  
 exitium! talin possum te credere puppi,  
 care parens? possum tantis retinere periclis?  
 solvimus heu serum Furiis scelus. adnue votis,  
 diva, soporiferas quæ nunc trahis æquore bigas! 295  
 non populos, non dite solum, non ulla parenti  
 regna peto: patria liceat decedere terra.  
 quando ego servato mediam genitore per urbem  
 læta ferar? quando hic lacrimas planctusque videbo?  
 dixerat. ille procul trunca fugit anxius alno 300  
 Taurorumque locos delubraque sæva Dianæ  
 advenit. hic illum tristi, dea, præficis aræ  
 ense dato: mora nec terris tibi longa cruentis;  
 iam nemus Egeriæ, iam te ciet altus ab Alba  
 Iuppiter et soli non mitis Aricia regi. 305  
 Arcem nata petit, quo iam manus horrida matrum  
 congruerat. rauco fremitu sedere parentum  
 natorumque locis vacuæque in moenibus urbis  
 iura novant. donant solio sceptrisque paternis  
 ut meritam redeunt<que> piæ sua præmia menti. 310  
 Ecce procul validis Lemnon tendentia remis  
 arma notant, rapitur subito regina tumultu  
 conciliumque vocat. non illis obvia tela  
 ferre nec infestos derat furor improbus ignes,  
 ni Veneris sævas fregisset Mulciber iras. 315  
 tunc etiam vates Phoebo dilecta Polyxo  
 (non patriam, non certa genus, sed maxima cete  
 Proteaque ambiguum Pharii se patris ab antris  
 huc rexisse vias iunctis super æquora phocis;  
 sæpe imis se condit aquis cunctataque paulum 320  
 surgit ut auditas referens in gurgite voces)  
 ' protum demus' in '< . . . > hæc, credite, puppis  
 advenit et levior Lemno deus æquore flexit  
 huc Minyas. Venus ipsa volens dat tempore iungi,  
 dum vires utero maternaque sufficit ætas.' 325  
 dicta placent portatque preces ad litora Grai  
 Iphinoe. nec turba nocens scelerisque recentis  
 signa movent tollitque loco Cytherea timorem.  
 protinus ingentem procerum dux nomine taurum  
 deicit, insuetis et iam pia munera templis 330  
 reddit et hac prima Veneris calet ara iuvenca.  
 Ventum erat ad rupem, cuius pendentia nigris  
 fumant saxa iugis coquiturque vaporibus aer.  
 substitit Aesonides atque hic regina precari  
 hortatur causasque docens ' hæc antra videtis 335  
 Vulcanique' in 'ecce domos: date vina precesque.  
 forsitan hoc factum taceat iam fulmen in antro;  
 nox dabit ipsa fidem, clausæ cum murmura flammæ,

hospes, et incussae sonitum mirabere massae.'  
 moenia tum viresque loci veteresque parentum 340  
 iactat opes. mediis famulae convivia tectis  
 expediunt, Tyrio vibrat torus igneus ostro.  
 stat maerens atavos reges regesque maritos  
 Thressa manus, quaecumque faces timuisse iugales  
 credita nec dominae sanctum tetigisse cubile. 345  
 iam medio Aesonides, iam se regina locavit,  
 post alii proceres. sacris dum vincitur extis  
 prima fames circum pateris it Bacchus et omnis  
 aula silet. dapibus coeptis mox tempora fallunt  
 noctis et in seras durant sermonibus umbras 350  
 praecipueque ducis casus mirata requirit  
 Hypsipyle, quae fata trahant, quae regis agat vis  
 aut unde Haemoniae molem ratis. unius haeret  
 adloquio et blandos paulatim colligit ignes,  
 iam non dura toris Veneri nec iniqua reversae 355  
 et deus ipse moras spatiumque indulget amori.  
 Pliada lege poli nimboso moverat astro  
 Iuppiter aeternum volvens opus et simul undis  
 cuncta ruunt unoque dei Pangaea sub ictu  
 Gargaraque et maesti steterant formidine luci. 360  
 saevior haud alio mortales tempore gentes  
 terror agit. tunc urget enim, tunc flagitat iras  
 in populos Astraea Iovem terrisque relictis  
 invocat adsiduo Saturnia sidera questu.  
 insequitur niger et magnis cum fratribus Eurus 365  
 intonat Aegaeo tenditque ad litora pontus.  
 et lunam quarto densam videt imbribus ortu  
 Thespiades, longus coeptis et fluctibus arcet  
 qui metus. usque novos divae melioris ad ignes  
 urbe sedent laeti Minyae viduisque vacantes 370  
 indulgent thalamis nimbosque educere luxu  
 nec iam velle vias Zephyrosque audire vocantes  
 dissimulant, donet resides Tiryntius heros  
 non tulit ipse rati invigilans atque integer urbis:  
 invidisse deos tantum maris aequor adortis 375  
 desertasque domos fraudataque tempore segni  
 vota patrum; quid et ipse viris cunctantibus adsit?  
 ' o neri quicumque tuis accessimus actis!  
 Phasin et Aeeten Scythique pericula ponti  
 redde,' ait, ' Asonide! me tecum solus in aequor 380  
 rerum traxit amor, dum spes mihi sistere montes  
 Cyaneos vigilemque alium spoliare draconem.  
 si sedet Aegaei scopulos habitare profundi,  
 hoc mecum Telamon peraget meus.' ~~h~~ec ubi dicta  
 haud secus Aesonides monitis accensus amaris 385  
 quam bellator equus, longa quem frigida pace  
 terra iuvat--vix in laevos piger angitur orbes--,

frena tamen dominumque velit si Martius aures  
 clamor et obliti rursus fragor impleat aeris.  
 tunc Argum Tiphynque vocat pelagoque parari 390  
 praecipitat. petit ingenti clamore magister  
 arma viros pariter sparsosque in litore remos.  
 Exoritur novus urbe dolor planctusque per omnes  
 et facies antiqua domos: sibi moenia linqui  
 en iterum et quando natorum tempora, gentem 395  
 qui recolant, qui sceptrata gerant? nunc triste nefandae  
 noctis opus, vidui nunc illa silentia tecti  
 saeva ma<gis>, thalamos excussaue vincla quod ausae  
 induere atque iterum tales admittere curas.  
 ipsa quoque Hypsipyle, subitos per litora cursus 400  
 ut vidit totaque viros decedere Lemno,  
 ingemit et tali compellat Iasona questu:  
 'aimne placet primo deducere vela sereno,  
 carius o mihi patre caput? modo saeva quierunt  
 aequora. sic portus fugeret ratis, aspera si te 405  
 Plias in adversae tenuisset litore Thraces.  
 ergo moras caelo cursumque tenentibus undis  
 debuimus?' dixit lacrimans haesuraque caro  
 dona duci promit chlamydem textosque labores.  
 illic servati genitoris conscia sacra 410  
 pressit acu currusque pios: stant saeva paventum  
 agmina dantque locum; viridi circum horrida tela  
 silva tremit; mediis refugit pater anxius umbris.  
 pars et frondosae raptus expresserat Idae  
 inlustremque fugam pueri, mox aethere laetus 415  
 adstabat mensis, quin et Iovis armiger ipse  
 accipit a Phrygio iam pocula blanda ministro.  
 tunc ense notumque ferens insigne Thoantis  
 'accipe,' ai' blis mediaeque ut pulvere pugnae  
 sim comes, Aetnaei genitor quae flammea gessit 420  
 dona dei, nunc digna tuis adiungier armis.  
 i, memor i terrae, quae vos amplexa quieto  
 prima sinu, refer et domitis a Colchidos oris  
 vela per hunc utero quem linquis Iasona nostro.'  
 sic ait Haemonii labens in colla mariti 425  
 nec minus Orphea tristis cervice tuaque,  
 Aeacide, et gemino coniunx a Castore pendet.  
 Has inter lacrimas legitur piger uncus harenis,  
 iam remi rapuere ratem, iam flamina portant;  
 spumea subsequitur fugientis semita clavi. 430  
 tunc tenuis Lemnos transitque Electria tellus  
 Threiciis arcana sacris. hic numinis ingens  
 horror et incautis decreta piacula linguis.  
 hanc demissa Iovi non umquam laedere fluctu  
 audet hiems, sponte ipse deus tunc asperat undas 435  
 cum vetat infidos sua litora tangere nautas.

obvius at Minyas terris adytisque sacerdos  
excipit hospitibus reserans secreta Thyotes.  
hactenus in populos vati, Samothraca, diem<que>  
missa mane sacrisque metum servemus opertis. 440  
illi sole novo laeti pleni que deorum  
considunt transtris. iam quas praeviderat urbes  
navita condebat proraeque accesserat Imbros  
et sol aetherias medius conscenderat arces.  
Thessala Dardaniis tunc primum puppis harenis 445  
adpulit et fatis Sigeo litore sedit.  
desiliunt, pars hinc levibus candentia velis  
castra levat, tracto pars frangit adorea saxo  
farra, citum strictis alius de cautibus ignem  
obtendit foliis et sulphure pascit amico. 450  
Alcides Telamonque comes dum litora blando  
anfractu sinuosa legunt, vox accidit aures  
flebile succedens cum fracta remurmurat unda.  
attoniti pressere gradum vacuumque sequuntur  
vocis iter. iam certa sonat desertaque durae 455  
virgo neci quem non hominum superumque vocabat?  
acrius hoc instare viri succurrere certi,  
qualiter, implevit gemitu cum taurus acerbo  
avia frangentem morsu super alta leonem  
terga ferens, coit e sparso concita mapali 460  
agrestum manus et caeco clamore coloni.  
constitit Alcides visuque enisus in alta  
rupe truces manicas defectaque virginis ora  
cernit et ad primos surgentia lumina fluctus,  
exanimum veluti multa tamen arte coactum 465  
maeret ebur, Pariusve notas et nomina sumit  
cum lapis aut liquidi referunt miranda colores.  
ductor ait: ' quod, virgo, tibi nomenque genusque,  
quae sors ista, doce, tendunt cur vincula palmas?'  
illa tremens tristique oculos deiecta pudore 470  
' non ego digna malis.' inquit. ' supra parentum  
dona vides ostro scopulos auroque frequentes.  
nos Ili felix quondam genus, invida donec  
Laomedonteos fugeret fortuna penates.  
principio morbi caeloque exacta sereno 475  
temperies, arsere rogis certantibus agri,  
tum subitus fragor et fluctus Idaea moventes  
cum stabulis nemora. ecce repens consurgere ponto  
belua, monstrum ingens. hanc tu nec montibus ullis  
nec nostro metire mari. primaeva furenti 480  
huic manus amplexus inter planctusque parentum  
deditur. hoc sortes, hoc corniger imperat Hammon  
virgineam damnare animam sortitaque Lethen  
corpora. crudelis scopulis me destinat urna.  
verum o iam redeunt Phrygibus si numina tuque 485

ille ades, auguriis promisse et sorte deorum,  
 iam cui candentes votivo in gramine pascit  
 cornipedes genitor, nostrae stata dona salutis,  
 adnue meque, precor, defectaque Pergama monstris 490  
 eripe, namque potes. neque enim tam lata videbam  
 pectora, Neptunus muros cum iungeret astris,  
 nec tales umeros pharetramque gerebat Apollo.'  
 auxerat haec locus et facies maestissima capti  
 litoris et tumuli caelumque quod incubat urbi,  
 quale laborantis Nemees iter aut Erymanthi 495  
 vidit et infectae miseratus flumina Lernaie.

Dat procul interea signum Neptunus et una  
 monstriferi mugire sinus Sigeaque pestis  
 adglomerare fretum, cuius stellantia glauca 500  
 lumina nube tremunt atque ordine curva trisulco  
 fulmineus quatit ora fragor pelagoque remenso  
 cauda redit passosque sinus rapit ardua cervix.  
 illam incumbentem per mille volumina pontus  
 prosequitur lateri adsultans trepidisque ruentem  
 litoribus sua cogit hiems. non fluctibus aequis 505  
 nubiferi venit unda Noti, non Africus alto  
 tantus ovat patriisque manus cum plenus habenis  
 Orion bipedum flatu mare tollit equorum.  
 ecce ducem placitae furiis crudescere pugnae  
 surgentemque toris stupet immanemque paratu 510  
 Aeacides pulsantque graves ut terga pharetrae.  
 ille patrem pelagique deos suaque arma precatus  
 insiluit scopulo motumque e sedibus aequor  
 horruit et celsi spatiosa volumina monstri,  
 qualis ubi a gelidi Boreas convallibus Hebri 515  
 tollitur et volucres Rhipaea per ardua nubes  
 praecipitat. piceo nox tum tenet omnia caelo.  
 illa simul molem horrificam scopulosaque terga  
 promovet ingentique umbra subit, intremere Ide  
 inlidique ~ates~ pronaeque resurgere turre. 520  
 occupat Alcides arcu totaque pharetrae  
 nube premit. non illa magis quam sede movetur  
 magnus Eryx, deferre velint quem vallibus imbres.  
 iam brevis et telo volucris non utilis aer,  
 tum vero fremitus vanique insania coepti 525  
 et tacitus pudor et rursus pallescere virgo.  
 proicit arma manu, scopulos vicinaque saxa  
 respicit et quantum ventis adiuta vetustas  
 impulerat po[te]ntive fragor, tantum abscidit imi  
 concutiens a sede maris. iamque agmine toto 530  
 pistris adest miseraeque inhiat iam proxima praedae.  
 stat mediis elatus aquis recipitque ruentem  
 Alcides saxoque prior surgentia colla  
 obruit. hinc vastos nodosi roboris ictus

congeminat. fluctus < % > defertur in imos 535  
 iam totis resoluta vadis. Idaeaque mater  
 et chorus et summis ulularunt collibus Amnes.  
 protinus e scopulis et opaca valle resurgunt  
 pastores magnisque petunt clamoribus urbem.  
 nuntius hinc socios Telamon vocat ac simul ipsi 540  
 horrescunt subitoque vident in sanguine puppem.  
 nec minus in scopulos crudique cacumina saxi  
 emicat Alcides vinclisque tenentibus aufert  
 virgineas de rupe manus aptatque superbis  
 arma umeris. regem inde petens superabat ovanti 545  
 litora tuta gradu, qualis per pascua victor  
 ingreditur, tum colla tumens, tum celsior armis  
 taurus, ubi adsueti pecoris stabula alta revisit  
 et patrium nemus et bello quos ultus amores.  
 Obvia cui contra longis emissa tenebris 550  
 turba Phrygum parvumque trahens cum coniuge natum  
 Laomedon. iam maestus equos, iam debita posci  
 dona gemit. pars acrii fastigia muri  
 cingit et ignotis iuvenem miratur in armis.  
 illum torva tuens atque acri lubricus astu 555  
 rex subit et patrio fatur male laetus amore.  
 ' maxime Graiugenum, quem non Sigea petentem  
 litora nec nostrae miserantem funera Troiae  
 adpulit his Fors ipsa locis, si vera parentem  
 fama Iovem summique tibi genus esse Tonantis, 560  
 noster ades iunctisque venis. sator unus et idem  
 stirpis honos, quamquam longis disiungimur oris.  
 quot mihi post lacrimas, post quanta piacula patrum  
 serus ades, quam parva tuis iam gloria factis!  
 verum age nunc socios fraternis moenibus infer, 565  
 ut tibi, servata statui quae munera prole, 565a  
 crastina lux biiuges stabulis ostendat apertis.'  
 dixerat haec tacitusque dolos dirumque volutat  
 corde nefas, clausum ut thalamis somnoque gravatum  
 imolet ereptaque luat responsa pharetra.  
 namque bis Herculeis deberi Pergama telis 570  
 audierat. Priami sed quis iam vertere regnis  
 fata queat? manet immotis nox duria lustris  
 et genus Aeneadum et Troiae melioris honores.  
 ' nos' t' ad Scythici' Tynthus' osti ponti  
 raptat iter. mox huc vestras revehemur ad oras 575  
 donaque dicta feram.' tum vero plura vocatis  
 adnuit ille deis. promissa infida tyranni  
 iam Phryges et miserae flebant discrimina Troiae.  
 Panditur hinc totis in noctem carbasus alis  
 litoraque et veteris tumulos praelabitur Ili 580  
 Dardaniumque patrem: vigili simul omnia ludo  
 festa vident. hinc unda, sacris hic ignibus Ide

vibrat et horrissonae respondent Gargara buxo.  
inde ubi iam medii tenuere silentia ponti  
stridentesque iuvant aerae, Phrixia subibant 585  
aequora et angustas quondam sine nomine fauces.  
ecce autem prima volucrem sub luce dehiscens  
terrui unda ratem vittataque constitit Helle,  
iam Panopes Thetidisque soror iamque aurea laeva  
sceptrata tenens, dum sternit aquas proceresque ducemque 590  
aspicit et placidis compellat Iasona dictis:  
' et quoque ab Haemoniae ignota per aequora terris  
regna infesta domus fatisque simillima nostris  
fata ferunt. iterum Aeolios fortuna nepotes  
spargit et infelix Scythicum gens quaeritis amnem. 595  
vasta super tellus, longum (ne defice coeptis!)  
aequor et ipse procul, verum dabit ostia, Phasis.  
hic nemus arcanum geminaeque virentibus arae  
stant tumulis, hic prima pia sollemnia Phrixo  
ferre manu cinerique, precor, mea reddite dicta: 600  
"non ego per Stygiae, quod rere, silentia ripae,  
frater, agor. frustra vacui scrutaris Averni,  
care, vias neque enim scopulis me et fluctibus actam  
frangit hiems. celeri extemplo subiere ruentem  
Cymothoe Glaucusque manu. pater ipse profundi 605  
has etiam sedes, haec numine tradidit aequo  
regna nec Inois noster sinus invidet undis."  
dixerat et maestos tranquilla sub aequora vultus  
cum gemitu tulit, ut patrii rediere dolores.  
tum pelago vana invergens dux talibus infit: 610  
' unum decus et gentis, Cretheia virgo,  
pande viam cursuque tuos age, diva, secundo!  
immittitque ratem mediasque intervalat urbes  
qua brevibus furit aestus aquis Asiamque prementem  
effugit abruptis Europa immanior oris. 615  
has etiam terras consertaque gentibus arva  
sic pelago pulsante, reor, Neptunia quondam  
cuspis et adversi longus labor abscidit aevi  
ut Siculum Libycumque latus, stupuitque fragore  
Ianus et occiduis regnator montibus Atlans. 620  
iam iuga Percotes Pariumque infame fragosis  
exsuperant Pityamque vadis transmissaque puppi  
Lampsacus, Ogygii quam nec trieterica Bacchi  
sacra neque arcanis Phrygius furor invehit antris,  
sed suus in Venerem raptat deus. illius aras 625  
urbe super celsique vident velamina templi.  
Rarior hinc tellus atque ingens undique caelum  
rursus et incipiens alium prospectus in orbem.  
terra sinu medio Pontum iacet inter et Hellen  
ceu fundo prolata maris. namque improba caecis 630  
intulit arva vadis longoque sub aequora dorso



litus agit, tenet hinc veterem confinibus oris  
 pars Phrygiam, pars discreti iuga pinea montis.  
 nec procul ad tenuis surgit confinia ponti  
 urbs placidis demissa iugis. rex divitis agri 635  
 Cyzicus. Haemoniae qui tum nova signa carinae  
 ut videt, ipse ultro primas procurrit ad undas  
 miraturque viros dextramque amplexus et haerens  
 incipit: 'o terris nunc primum cognita nostris  
 Emathiae manus et fama mihi maior imago, 640  
 non tamen haec adeo semota neque ardua tellus  
 ~longaque~ iam populis impervia lucis eoae,  
 cum tales intrasse duces, tot robora cerno.  
 nam licet hinc saevas tellus alat horrida gentes  
 meque fremens tumido circumfluat ore Propontis, 645  
 vestra fides ritus<que> pares et mitia cultu  
 his etiam mihi corda locis. procul effera virtus  
 Bebrycis et Scythici procul inclementia sacri.'  
 sic memorat laetosque rapit, simul hospita pandi  
 tecta iubet templisque sacros largitur honores. 650  
 stant gemmis auroque tori mensaeque paratu  
 regifico centumque pares primaeva ministri  
 corpora; pars epulas manibus, pars aurea gestant  
 pocula bellorum casus expressa recentum.  
 atque ea prima duci porgens carchesia Graio 655  
 Cyzicus ' hi portus' inquit mihi territat hostis,  
 has acies sub nocte refert, haec versa Pelasgum  
 terga vides, meus hic ratibus qui pascitur ignis.'  
 subicit Aesonides: ' utinam nunc ira Pelasgos  
 adferat et solitis temptet concurrere furtis 660  
 cunctaque se ratibus fundat manus. arma videbis  
 hospita nec post hanc ultra tibi proelia noctem.'  
 sic ait hasque inter variis nox plurima dictis  
 rapta vices nec non simili lux postera tractu.

### Liber III

Tertia iam gelidas Tithonia solverat umbras  
exueratque polum. Tiphyn placida alta vocabant.  
it tectis Argoa manus, simul urbe profusi  
Aenidae caris socium digressibus haerent.  
dant Cererem lectumque pecus nec palmite Bacchum 5  
Bithyno Phrygiove satum, sed quem sua noto  
colle per angustae Lesbos freta suggerit Helles.  
ipse agit Aesonidae iunctos ad litora gressus  
Cyzicus abscessu lacrimans ~coniunx persocia vestes~  
muneribus, primas coniunx Percosia vestes 25  
quas dabat et picto Clite variaverat auro, 10  
tum galeam et patriae telum insuperabile dextrae  
addidit. ipse ducis pateras et Thessala contra  
frena capit manibusque datis iunxere penates.  
Tu mihi nunc causas infandaque proelia, Clio,  
pande virum! tibi enim superum data, virgo, facultas 15  
nosse animos rerumque vias. cur talia passus  
arma, quid hospitiis iunctas concurrere dextras  
Iuppiter? unde tubae nocturnaue movit Erinys?  
Dindyma sanguineis famulum bacchata lacertis  
dum volucris quatit asper equo silvasque fatigat 20  
Cyzicus, ingenti praedae deceptus amore  
adsuetum Phrygias dominam vectare per urbes  
oppressit iaculo redeuntem ad frena leonem.  
et tunc ille iubas captivaque postibus ora  
imposuit, spoliium infelix divaeque pudendum. 26  
quae postquam Haemoniam tantae non immemor irae  
aerisono de monte ratem praefixaque regum  
scuta videt, nova monstra viro, nova funera volvit,  
ut socias in nocte manus utque impia bella 30  
conserat et saevis erroribus implicet urbem.  
Nox erat et leni caneabant aequora sulco  
et iam prona leves spargebant sidera somnos.  
aura vehit, religant tonsas veloque Procneson  
et te iam medio flaventem, Rhyndace, ponto 35  
spumosumque legunt fracta Scylaceon ab unda.  
ipse diem longe solisque cubilia Tiphys  
consulit, ipse ratem vento stellisque ministrat.  
atque illum non ante sopor luctamine tanto  
lenit agens divum imperiis. cadit inscia clavo 40  
dextera demittitque oculos solataque puppis  
turbine flectit iter portuque refertur amico.  
Ut notis adlapsa vadis, dant aethere longo  
signa tubae vox et mediis emissa tenebris:

' hostis hæc portus, soliti rediere Pelasgi!' 45  
rupta quies, deus ancipitem lymphaverat urbem  
Mygdoniae Pan iussa ferens saevissima Matris,  
Pan nemorum belli<que> potens, quem lucis ab horis  
antra tenent, patet ad medias per devia noctes  
saetigerum latus et torvae coma sibila frontis. 50  
vox omnes super una tubas, qua conus et enses,  
qua trepidis auriga rotis nocturnaue muris  
claustra cadunt. talesque metus non Martia cassis  
Eumenidumque comae, non tristis ab aethere Gorgo  
sparsarit aut tantis aciem raptaverit umbris. 55  
ludus et ille deo, pavidum praesepibus aufert  
cum pecus et profugi sternunt dumeta iuveni.

Ilicet ad regem clamor ruit. exsilit [ab] altis  
somnia dira toris simulacraque pallida linquens  
Cyzicus. ecce super foribus Bellona reclusis 60  
nuda latus passuque movens orichalca sonoro  
adstitit et triplici pulsans fastigia crista  
inde ciere virum. sequitur per moenia demens  
ille deam et fatis extrema in proelia tendit,  
qualis in Alciden et Thesea Rhoecus iniqui 65  
nube meri geminam Pholoen maioraque cernens  
astra ruit qualisve redit venatibus actis  
lustra pater Triviamque canens umeroque Learchum  
advehit, at miserae declinant lumina Thebae.  
iamque adeo nec porta ducem nec pone moratur 70  
excubias sortita manus, quae prima furenti  
advolat. hinc alii subeunt, ut proxima quaeque  
intremuit domus et motus accepit inanes.

At Minyas anceps fixit pavor. aegra virorum  
corda labant nec quae regio aut discrimina cernunt, 75  
cur galeae clipeique micent, num pervigil armis,  
donec et hasta volans immani turbine transtris 78  
insonuit monuitque ratem rapere obvia caeca  
arma manu. princeps galeam constringit Iason  
vociferans: ' primam hanc nati, pater, accipe pugnam  
vosque, viri, optatos huc adfore credite Colchos.'  
Bistonas in medios ceu Martius exsilit astris  
currus, ubi ingentes animae clamorque tubaeque  
sanguineae iuvere deum, non segnius ille 85  
occupat arva furens; sequitur vis omnis Achivum.  
adglomerant latera et densis thoracibus horrens  
stat manus, aegisono quam nec fera pectore virgo  
dispulerit nec dextra Iovis Terrorque Pavorque,  
Martis equi. sic contextis umbonibus urgent 90  
caeruleo veluti cum Iuppiter agmine nubem  
constituit. certant Zephyri frustraue rigentem  
pulsat utrimque Notus. pendent mortalia longo  
corda metu, quibus illa fretis, quibus incidat arvis.

Hinc manus infelix clamore impellere magno 95  
saxa facesque atras et tortae pondera fundae.  
fert sonitus immota phalanx irasque retentant,  
congeries dum prima fluat. stellantia Mopsus  
tegmina et ingentem Corythi notat Eurytus umbram.  
restitit ille gradu seseque a lumine ferri 100  
sustinuit praeceps, subitum ceu pastor ad amnem  
spumantem nimbis fluctuque arbusta ruentem.  
at Tydeus 'en intentis quem viribus' inquit  
' oppriar manibusque dari quem comminus optem.  
quo steteris moriere loco!' subit ~~illi~~ cuspis 105  
Olenii, dedit ille sonum compressaque mandens  
aequora purpuream singultibus expulit hastam.  
ac velut in medio rupes latet horrida ponto,  
quam super ignari numquam rexere magistri  
praecipites impune rates, sic agmine caeco 110  
incurrit strictis manus ensibus. occubat Iron  
et Cotys et Pyrno melior genitore Bienor.

At magis interea diverso turbida motu  
urbs agitur. Genyso coniunx amoverat arma;  
ast illi subitus ventis vivoque reluxit 115  
torre focus: telis gaudes, miserande, repertis.  
linquit et undantes mensas infectaque pernox  
sacra Medon; chlamys imbelli circumvenit ostro  
torta manum strictoque vias praefulgurat ense.  
talis in arma ruit nec vina dapesque remota 120  
statque loco torus inque omen mansere ministri.  
inde vagi nec tela modis nec casibus isdem  
conseruere manu et longe iacuere perempti.

Ecce gravem nodis pinguique bitumine quassans  
lampada turbata Phlegyas decurrit ab urbe. 125  
ille leues de more manus aciemque Pelasgum  
per noctem remeasse ratus pulsumque requirens  
saepe sibi vano Thamyrum clamore petebat  
arduus et late fumanti nube coruscus.  
quantus ubi immenso prospexit ab aethere Typhon 130  
igne simul ventisque rubens, quem Iuppiter alte  
crine tenet. trepidant diro sub lumine puppes.  
tollitur hinc totusque ruit Tirynthius acri  
pectore, certa regens adversa spicula flamma.  
per piceos accensa globos et pectus harundo 135  
per medium contenta fugit, ruit ille comanti  
ore facem supra maiorque apparuit ignis.  
Ambrosium Peleus, ingentem Ancaeus Echeclum  
sternit et elatae propius succedere dextrae  
Telecoonta sinit librataque ora securi 140  
disiecit cervice tenus. simul aspera victor  
cingula sublustri vibrantia detrahit umbra.  
' ~~as~~, precor, exuvias <et> opima cadavera' ~~Nestor~~

' hiquite!' ai ferro potius mihi dextera, ferro  
 navet opus!' p̄nsumque manu detruncat Amastrum 145  
 diversasque simul socios invadere turmas  
 admonuit. pergunt rupta testudine fusi  
 qua tenebrae campique ferunt. gravis invenit Ochum  
 Phlias et trepido Pollux impingitur Hebro.  
 ipse super vultus taboque natantia terga 150  
 dux campi Martisque potens, ut caeca profundo  
 currit hiems, Zelyn et Bronten Abarinque relinquit  
 semineces. Glaucum sequitur Glaucumque ruentem  
 occupat et iugulo vulnus molitur aperto.  
 ille manu contra telum tenet ultima frustra 155  
 verba ciens fixamque videt decrescere cornum.  
 hinc Halyn, hinc rigido transcurrens demetit ense  
 Protin et insignem cithara cantuque fluenti  
 Dorcea, qui dulci festis adsistere mensis  
 pectine Bistoniae magnum post ausus alumnum. 160  
 nec pharetram aut acres ultra Tiryntius arcus  
 exercet, socia sed disicit agmina clava.  
 ac veluti magna iuvenum cum densa securi  
 silva labat cuneisque gemit grave robur adactis  
 iamque abies piceaeque ruunt, sic dura sub ictu 165  
 ossa virum malaeque sonant sparsusque cerebro  
 albet ager. levis ante pedes subsederat ~Hidmon~.  
 occupat os barbamque viri clavamque superne  
 intonat ' ocumbes' t̄' nuā ai'Herculis armis, 170  
 donum ingens semperque tuis mirabile fatum.'  
 horruit ille cadens nomenque agnovit amicum  
 primus et ignaris dirum scelus attulit umbris.  
 nec tibi Thessalicos tunc profuit, Ornyte, reges  
 hospitiis aut mente moras fovisse benigna 175  
 et dapibus sacrasse diem. procul advenit Idmon  
 oblatumque ferit, galeam cristasque rubentes  
 (heu tua dona) gerens. quem te qualemque videbit  
 attonitus, Crenaeae, parens! en frigidus orbes  
 purpureos iam somnus obit, iam candor et anni 180  
 deficiunt vitaeque fugit decus omne soluta.  
 desere nunc nemus et nympharum durus amores!  
 at diversa Sagen turbantem fallere nervo  
 tum primum puer ausus Hylas (spes maxima bellis  
 pulcher Hylas, si fata sinant, si prospera Iuno)  
 prostravitque virum celeri per pectora telo. 185  
 Accessere (nefas) tenebris fallacibus acti  
 Tyndaridae in sese. Castor prius ibat in ictus  
 nescius, ast illos nova lux subitusque diremit  
 frontis apex. tum Castor Ityn, qua caerulus ambit  
 balteus et gemini committunt ora dracones, 190  
 frater Hagen Thapsumque securigerumque Nealcen  
 transigit et Canthi pallentem vulnere Cydrum.

torsi erat hic totis conisus viribus hastam  
 venatori Erymo, brevis hanc sed fata ferentem  
 prodidit et piceo comitem miserata refulsit 195  
 Luna polo. cessere iubae raptumque per auras  
 vulnus et extrema sonuit cita cuspide cassis.  
 Nisaeum Telamon et Ophelten vana sonantem  
 per clipei cedentis opus artemque tralicem,  
 qua stomachi secreta, ferit laetusque profatur: 200  
 ' di, p̄cor, hunc regem aut aeque delegerit alta  
 fors mihi gente satum magnusque et flebilis urbi  
 conciderit.' sup̄ addit Aren fratremque Melanthum  
 Phoceaue Oleniden, <Le>legum qui pulsus ab oris  
 regis amicitiam et famuli propioris honores 205  
 (qua patiens non arte?) tulit. nox alta cadentum  
 ingentes resonat sonitus augetque ruinas.  
 ut magis Inarime, magis ut mugitor anhelat  
 Vesbius, attonitas acer cum suscitatur urbes,  
 sic pugnae crebrescit opus neque enim ignea cedunt 210  
 astra loco, lentis haeret nox conscia bigis.  
 Perge age Tartareae mecum simul omnia noctis,  
 Musa, sequi. trepidam Phaethon adflavit ab alto  
 Tisiphonen graviorque locos iam luce propinqua  
 umbra premit. non signa virum, non funera cernunt 215  
 et rabie magis ora calent. vos prodite, divae,  
 Eumenidum noctisque globos vatique patescat  
 armorum fragor et tepidi singultibus agri  
 labentem atque acti Minyis per litora manes.  
 Cyzicus hic aciem vanis discursibus implet 220  
 fata trahens. iam pulsa sibi cessisse Pelasgum  
 agmina, iam passim vacuos disiecta per agros  
 credit ovans. tales habitus, ea gaudia fingit  
 ira deum. fundo veluti cum Coeus in imo  
 vincla Iovis fractoque trahens adamante catenas 225  
 Saturnum Tityumque vocat spemque aetheris amens  
 concipit, ast illum fluviis et nocte remensa  
 Eumenidum canis et sparsae iuba reppulit Hydrae.  
 saevit acerba fremens tardumque a moenibus agmen  
 increpitat: ' numquamne dolor virtusve subibit 230  
 nil ausas sine rege manus? at barbara buxus  
 si vocet et motis ululantia Dindyma sacris,  
 tunc ensis placeatque furor, modo tela sacerdos  
 porrigat, et iussa sanguis exuberet ulna.'  
 talibus insultans iamdudum numine divae 235  
 deficit, infracti languescunt frigore cursus,  
 corda pavent, audit fremitus irasque leonum  
 cornuaque et motas videt inter nubila turre.  
 tunc gravis et certo tendens stridore per umbram  
 Aesonii venit hasta ducis latumque sub imo 240  
 pectore rumpit iter. quam nunc incognita vellet

lustra sibi nullosque datos venatibus annos!  
 talia magnanimi diverso turbine fundunt  
 tela viri sonitusque pedum suspectaque motu  
 explorant, prensant socios vocemque repossunt. 245  
 quod si tanta lues seros durasset in ortus,  
 extinctum genus et solas per moenia matres  
 vidisset stratamque dies in litore gentem.  
 Tum pater omnipotens, tempus iam rege perempto  
 flectere fata ratus miserisque abrumpere pugnas, 250  
 supremam celeravit opem nutuque sereno  
 intonuit, quem Nocte satae, quem turbidus horret  
 Armipotens. tunc porta trucis coit infera belli.  
 continuo dant terga metu versique per agros  
 diffugiunt, quae sola salus. nec terga ruentum 255  
 mens Minyis conversa sequi, stetit anxia virtus.  
 ecce levi primos iam spargere lumine portus  
 orta dies notaeque (nefas) albescere turre.  
 ' di matris,' tonito conclamat ab agmine Tiphys  
 ' ut me fatali damnastis pectora somno. 260  
 heu socii quantis compleverunt litora monstris!  
 illi autem neque adhuc gemitus neque conscia facti  
 ora levant. tenet exsanguis rigor horridus artus  
 ceu pavet ad crines et tristia Pentheos ora  
 Thyias, ubi impulsae iam se deus agmine matris 265  
 abstulit et caesi vanescunt cornua tauri.  
 nec minus effusi grandaevum ad litora vulgus  
 ut socias videre manus dare versa retrorsus  
 terga metu. dextram tendens proclamat Iason:  
 ' quosufgitis? vellem hac equidem me strage meosque 270  
 procubuisse magis. deus haec, deus asper utrisque  
 implicuit. sumus en Minyae, sumus hospita turba!  
 Tum super exsanguis confertae caedis acervos 274  
 praecipiti plangore ruunt, agnoscit in alta  
 strage virum sua texta parens, sua munera coniunx.  
 it gemitus toto sinuosa per aequora caelo.  
 pars tenues flatu et adhuc stridentia prensat  
 vulnera, pars sera componunt lumina dextra.  
 at vero in mediis exsanguis rege reperto 280  
 aggeribus, tristi sileant ceu cetera planctu,  
 sic famulum matrumque dolor, sic omnis ad unum  
 versa manus. circa lacrimis ac mentibus aegri  
 stant Minyae deflentque nefas et cuspidis ictus 285  
 Aesoniae sortemque ducis solantur acerbam.  
 ille ubi concretos pingui iam sanguine crines  
 pallentesque genas infractaque pectore caro  
 tela neque hesternis agnovit in hospite vultus,  
 ingemit atque artus fatur complexus amicos:  
 ' et tamen ignarum tanti, miserande, furoris 290  
 nox habet et nullo testantem foedera questu,

at mihi luctificum venit iubar. heu quibus adsum  
 conloquii, cui me hospitio fortuna revexit!  
 exstinguine mea (fatis id defuit unum)  
 speravi te posse manu talisve reliqui 295  
 has ego, amice, domos? quod si iam bella manebant  
 et placitum hoc superis, nonne haec mea iustius essent  
 funera meque tuus <potius> nunc plangeret error  
 nec Clarii nunc antra dei quercusque Tonantis  
 arguerem? talesne acies, talesne triumphos 300  
 sorte dabant? tantumque nefas mens conscia vatum  
 conticuit patriae exitium crudele senectae  
 et tot acerba canens? heu divis visa sinistris  
 regna mihi! quinam redivit, quae me hospita tellus  
 accipiet, quae non primis prohibebit harenis? 305  
 invidere dei ne Phasidis arva remoti  
 et Scythicas populatus opes haec rursus adirem  
 litora neve tuos irem tunc ultor in hostes.  
 fas tamen est conferre genas, fas iungere tecum  
 pectora et exsanguis miscere amplexibus artus. 310  
 cur etiam flammis miserisque moramur honores? 273  
 vos age funereas ad litora volvite silvas 311  
 et socios lustrate rogos, date debita caesis  
 munera, quae nostro misisset Cyzicus igni.  
 Parte alia Clite laceras super ora mariti  
 fusa comas misera in planctus vocat agmina matrum 315  
 fatur et haec: ' primis coniunx ereptus in annis  
 cuncta trahis. necdum suboles nec gaudia de te  
 ulla mihi, quis maesta tuos nunc, optime, casus  
 perpeterer tenui luctum solamine fallens.  
 Mygdonis arma patrem funestaque proelia nuper 320  
 natales rapuere domos Triviaeque potentis  
 occidit arcana genetrix absumpta sagitta:  
 tu, mihi qui coniunx pariter fraterque parensque  
 solus et a prima fueras spes una iuventa,  
 deseris heu totamque deus simul impulit urbem. 325  
 ast ego non media te saltem, Cyzice, vidi  
 tendentem mihi morte manus aut ulla monentis  
 verba tuli; quin te thalamis modo questa morari  
 heu talem tantique metus secreta recepi.'  
 illam vix gemino maerens cum Castore Pollux 330  
 erigit haerentem compressaque colla trahentem.  
 Interea innumeras nudatis montibus urgent  
 certatim decorantque pyras et corpora maesti  
 summa locant. vadit sonipes cervice remissa  
 venatrix nec turba canum pecudumque morantur 335  
 funerae, quae cuique manus, quae cura suorum,  
 quae fortuna fuit. medio rex aggere longe  
 eminent, hunc crebris quatiens singultibus ora  
 adlevat Aesonides celsoque reponit in ostro.



dat pictas auro atque ardentis murice vestes 340  
 quas rapuit telis festina vocantibus Austris  
 Hypsipyle. galeam dilectaque cingula regi  
 inicit. ille suam vultus conversus ad urbem  
 sceptris manu veterum retinet gestamen avorum.  
 nam quia nec proles alius nec denique sanguis, 345  
 ipse decus regnique refert insigne parenti.  
 inde ter armatos Minyis referentibus orbes  
 concussi tremuere rogi, ter inhorruit aether  
 luctificum clangente tuba. iecere supremo  
 tum clamore faces, rerum labor omnis in auras 350  
 solvitur et celsis conlucent aequora flammis.  
 scilicet haec illo iuvenem populosque manebant  
 tempore, Peliacis caderet cum montibus arbor:  
 hoc volucrumque minae praesagaque fulmina longo  
 acta mari tulerant. sed quis non prima refellat 355  
 monstra deum longosque sibi non auguret annos?  
 iamque solutus honos cineri, iam passibus aegris  
 dilapsae cum prole nurus tandemque quiescunt  
 dissona pervigili planctu vada, qualiter Arctos  
 ad patrias avibus medio iam vere revectis 360  
 Memphis et aprici statio silet annua Nili.  
 At non inde dies nec quae magis aspera curis  
 nox Minyas tanta caesorum ab imagine solvit.  
 bis Zephyri iam vela vocant. fiducia maestis  
 nulla viris, aegro adsidue mens carpitur aestu 365  
 necdum omnes lacrimas atque omnia reddita caesis  
 iusta putant. patria ex oculis acerque laborum  
 pulsus amor segnique iuvat frigescere luctu.  
 ipse etiam Aesonides, quamquam tristissima rerum  
 castiganda duci vultuque premenda sereno, 370  
 dulcibus indulget lacrimis aperitque dolorem.  
 tum secreta trahens Phoebeum ad litora Mopsum  
 ' quemnam' ita ista lues aut quae sententia divum?  
 decretusne venit fato pavor an sibi nectunt  
 corda moras? cur immemores famaеque larisque 375  
 angimur aut pariet quemnam haec ignavia finem?'  
 ' Deam' ait ' a penitus causas labemque docebo.'  
 Mopsus et astra tuens: 'non si mortalia membra  
 sortitusque breves et parvi tempora fati  
 perpetimur, socius superi quondam ignis Olympi, 380  
 fas ideo miscere neces ferroque morantes  
 exigere hinc animas redituraque semina caelo.  
 quippe nec in ventos nec in ultima solvimur ossa;  
 ira manet duratque dolor. cum deinde tremendi  
 ad solium venere Iovis questuque nefandam 385  
 edocuere necem, patet ollis ianua leti  
 atque iterum remeare licet. comes una sororum  
 additur et pariter terras atque aequora lustrant.

quisque suos sotes inimicaque pectora poenis  
 implicat et varia meritos formidine pulsant. 390  
 at quibus invito maduerunt sanguine dextrae,  
 si fors saeva tulit miseros, sed proxima culpa,  
 hos variis mens ipsa modis agit et sua carpunt  
 facta viros: resides et iam nil amplius ausi  
 in lacrimas humilesque metus aegramque fatiscunt 395  
 segnitiam, quos ecce vides. sed nostra requiret  
 cura viam. memori iam pridem cognita vati  
 est procul ad Stygiae devexa silentia noctis  
 Cimmerium domus et superis incognita tellus  
 caeruleo tenebrosa situ, quo flammea numquam 400  
 Sol iuga sidereos nec mittit Iuppiter annos.  
 stant <ta>citae frondes immotaque silva comanti  
 horret Averna iugo. specus umbrarumque meatus  
 subter et Oceani praeceps fragor arvaque nigro  
 vasta metu et subitae post longa silentia voces. 405  
 ensifer hic atraque sedens in veste Celaeneus  
 insontes errore luit culpamque remittens  
 carmina turbatos volvit placantia manes.  
 ille mihi quae danda forent lustramina caesis  
 prodidit, ille volens Erebum tenebrasque retexit. 410  
 ergo ubi puniceas oriens accenderit undas,  
 te socios adhibere sacris armentaue magnis  
 bina deis, me iam coetus accedere vestros  
 haud fas interea, donec lustralia pernox  
 vota fero. movet en gelidos Latonia currus: 415  
 flecte gradum, placitis sileant age litora coeptis!  
 Iamque sopor mediis tellurem presserat horis  
 et circum tacito volitabant somnia mundo,  
 cum vigil arcani speculatus tempora sacri  
 Ampycides petit adversis Aesepia silvis 420  
 flumina et aequoreas pariter decurrit ad undas.  
 hic sale purpureo vivaque nitentia lympa  
 membra novat seque horrificis accommodat actis.  
 tempora tum vittis et supplice castus oliva  
 implicat et stricto designat litora ferro, 425  
 circum humiles aras ignotaque nomina divum  
 instituit silvaque super contristat opaca:  
 utque metum numenque loco sacramque quietem  
 addidit, ardenti nitidum iubar evocat alto.  
 Atque Argoa manus variis insignis in armis 430  
 ibat agens lectas aurata fronte bidentes.  
 Delius hic longe candenti veste sacerdos  
 occurrit ramoque vocat iamque ipse recenti  
 stat tumulo placida transmittens agmina lauro.  
 ducit et ad fluvios ac vincula solvere monstrat 435  
 prima pedum glaucasque comis praetexere frondes  
 imperat, hinc alte Phoebi surgentis ad orbem

ferre manus totisque simul procumbere campis.  
 tunc piceae mactantur oves prosectaque partim  
 pectora per medios, partim gerit obuius Idmon. 440  
 ter tacitos egere gradus, ter tristia tangens  
 arma simul vestesque virum lustramina ponto  
 pone iacit, rapidis adolentur cetera flammis.  
 quin etiam truncas nemorum[que] effigiesque virorum  
 rite locat quercus simulataque subligat arma. 445  
 huc Stygias transire minas iramque severi  
 sanguinis, his orat vigiles incumbere curas  
 atque ita lustrifico cantu vocat: ' **et** perempti,  
 ac memores abolete animos. sint otia vobis,  
 sit Stygiae iam sedis amor, procul agmine nostro 450  
 et procul este mari cunctisque absistite bellis.  
 vos ego nec Graias umquam contendere ad urbes  
 nec triviis ululare velim pecorique satisque  
 nullae ideo pestes nec luctifer ingruat annus  
 nec populi nostrive luant ea facta minores.' 455  
 dixerat et summas frondentibus intulit aris  
 libavitque dapes, placidi quas protinus angues,  
 umbrarum famuli, linguis rapuere coruscis.  
 Continuo puppem petere et considerare transtris  
 imperat Ampycides nec visum vertere terrae: 460  
 exciderint quae gesta manu, quae debita fatis.  
 illi alacres pars arma locant, pars ardua <summis>  
 insternunt tabulata toris oriturque trementum  
 remorum sonus et laetae concordia vocis.  
 Iuppiter urgentem ceu summa Ceraunia nubem 465  
 cum pepulit movitque iugis, fulsere repente  
 et nemora et scopuli nitidusque reducit aether,  
 sic animi rediere viris iamque ipse magister  
 nutat ab arce ratis remisque insistere tendit.  
 instaurant primi certamina liber amictu 470  
 Eurytus et dictis Talai non territus Idas,  
 inde alii increpitant atque aequora pectore tollunt.  
 par gemitu pulsuque labor versumque vicissim  
 mittitur in puppem remo mare. laetus et ipse  
 Alcides ' quisam hos vocat in certamina fluctus?' 475  
 dixit et intortis adsurgens arduus undis  
 percussit subito deceptum fragmine pectus  
 atque in terga ruens Talaum fortemque Eriboten  
 et longe tantae securum Amphiona molis  
 obruit inque tuo posuit caput, Iphite, transtro. 480  
 Iam summas caeli Phoebus candentior arces  
 vicerat et longas medius revocaverat umbras.  
 tardior hinc cessante viro quae proxima Tiphys  
 litora quosque dabat densa trabe Mysia montes  
 advehitur. petit excelsas Tirynthius ornos, 485  
 haeret Hylas lateri passusque moratur iniquos.

Illum ubi Iuno poli summo de vertice puppem  
 deseruisse videt, tempus rata diva nocendi  
 Pallada consortem curis cursusque regentem,  
 nequa inde inceptis fieret mora, fallere prima 490  
 molitur caroque dolis avertere fratri,  
 tum sic adloquitur: ' p̄cerum vi pulsus iniqua  
 germanique manu (repetis quo crimine) Perses  
 barbaricas iam movit opes Hyrcanaque signa.  
 Aeetes contra thalamis et virgine pacta 495  
 conciliat reges Scythicos primusque coacta  
 advehit Albana Styris gener agmina porta,  
 bellum ingens, atque ipse citis Gradivus habenis  
 fundit equos. viden Arctoo de carcere quanta  
 tollat se nubes atque aequore pendeat atro? 500  
 corripe prima vias. finem cum Phasidis alti  
 transierit Perses aciemque admoverit urbi,  
 coepta refer paulumque moras et foedera necte  
 consiliis atque arte tua. sponde adfore reges  
 dis genitos, quis arma volens, quis agmina iungat.' 505  
 at virgo, quamquam insidias aestusque novercae  
 sentiat et blandos quaerentem fingere vultus,  
 obsequitur tamen et iussas petit ocium oras.  
 Ingemuit Iuno tandemque silentia rumpit:  
 'en labor, en odiis caput insuperabile nostris! 510  
 quam Nemeen tot fessa minis quae bellave Lerna  
 experiar? Phrygiis ultro concurrere monstris  
 nempe virum et pulso reserantem Pergama ponto  
 vidimus: en ego nunc regum soror++et mihi gentis  
 ullus honos? iam tum indecores iussaeque dolorum 515  
 primitiae et tenero superati protinus angues.  
 debueram nullos iuveni iam quaerere casus  
 victa nec <ad> tales forsitan descendere pugnas.  
 verum animis insiste tuis ~actumque movebo~  
 tende, pudor; mox et Furias Ditemque movebo.' 520  
 haec ait et pariter laevi iuga pinea montis  
 respicit ac pulchro venantes agmine nymphas,  
 undarum nemorumque decus. levis omnibus arcus  
 et manicae virides et stricta myrtus habena,  
 summo palla genu, tenui vagus innatat unda 525  
 crinis ad obscurae decurrens cingula mammae.  
 ipsa citatarum tellus pede plausa sororum  
 personat et teneris summittit gramina plantis.  
 e quibus Herculeo Dryope percussa fragore,  
 cum fugerent iam tela ferae, processerat ultra 530  
 turbatum visura nemus fontemque petebat  
 rursus et attonitos referebat ab Hercule vultus.  
 hanc delapsa polo piceaeque adclinis opacae  
 Iuno vocat prensaue manu sic blanda profatur:  
 ' q̄m tibi coniugio tot dedignata dicavi, 535

nympha, procos, en Haemonia puer adpulit alno,  
 clarus Hylas, saltusque tuos fontesque pererrat.  
 vidisti roseis haec per loca Bacchus habenis  
 cum domitas acies et eoi fercula regni  
 duceret ac rursus thiasos et sacra moventem. 540  
 hunc tibi vel posito venan pectine Phoebum  
 crede dari. quae spes nymphis aufertur Achaeis,  
 praereptum quanto proles Boebeia questu  
 audiet et flavi quam tristis nata Lycormae!  
 sic ait et celerem frondosa per avia cervum 545  
 suscitac ac iuveni sublimem cornibus offert.  
 ille animos tardusque fugae longumque resistens  
 sollicitat suadetque pari contendere cursu.  
 credit Hylas praedaeque ferox ardore propinquae  
 insequitur, simul Alcides hortatibus urget 550  
 prospiciens. iamque ex oculis aufertur uterque,  
 cum puerum instantem quadripes fessaque minantem  
 tela manu procul ad nitidi spiracula fontis  
 ducit et intactas levis ipse superfugit undas.  
 hoc pueri spes lusa modo est nec tendere certat 555  
 amplius; utque artus et concita pectora sudor  
 diluerat, gratos avidus procumbit ad amnes.  
 stagna vaga sic luce micant ubi Cynthia caelo  
 prospicit aut medii transit rota candida Phoebi,  
 tale iubar diffundit aquis: nil umbra comaeque 560  
 turbavitque sonus surgentis ad oscula nymphae.  
 illa avidas iniecta manus heu sera cientem  
 auxilia et magni referentem nomen amici  
 detrahit, adiutae prono nam pondere vires.  
 Iam pater umbrosis Tirynthius arcibus ornum 565  
 depulerat magnoque iugi stridore revulsam  
 terga super fulvi porrexerat horrida monstri  
 litora curva petens; alio nam calle reversum  
 credit Hylan captaque dapes auxisse ferina.  
 sed neque apud socios structasque in litore mensas 570  
 unanimum videt aeger Hylan nec longius acrem  
 intendens aciem. varios hinc excitat aestus  
 nube mali percussus amor, quibus haeserit oris,  
 quis tales impune moras casusve laborve  
 attulerit. densam interea descendere noctem 575  
 iam maiore metu, tum vero et pallor et amens  
 cum piceo sudore rigor. ceu pectora nautis  
 congelat hiberni vultus Iovis agricolisve,  
 cum coit umbra minax, comitis sic adficit error  
 Alciden saevaeque monet meminisse novercae. 580  
 continuo, volucris ceu pectora tactus asilo  
 emicuit Calabris taurus per confraga saeptis  
 obvia quaeque ruens, tali se concitat ardens  
 in iuga senta fuga. pavet omnis conscia late

silva, pavent montes, luctu succensus acerbo 585  
 quid struat Alcides tantaque quid apparet ira.  
 ille, velut refugi quem contigit improba Mauri  
 lancea sanguineus vasto leo murmure fertur  
 frangit et absentem vacuis sub dentibus hostem,  
 sic furiis accensa gerens Tirynthius ora 590  
 fertur et intento decurrit montibus arcu.  
 heu miserae quibus ille feris, quibus incidit usquam  
 immeritis per lustra viris! volat ordine nullo  
 cuncta petens, nunc ad ripas deiectaque saxis  
 flumina, nunc notas nemorum procurrit ad umbras. 595  
 rursus Hylan et rursus Hylan per longa reclamat  
 avia: responsant silvae et vaga certat imago.  
 At sociis immota fides Austrisque secundis  
 certa: morae nec parvus Hylas, quamquam omnibus aequae  
 grata rudimenta, Herculeo sub nomine pendent. 600  
 illum omnes lacrimis maestisque reposcere votis  
 incertique metu nunc longas litore voces  
 spargere, nunc seris ostendere noctibus ignes.  
 ipse vel excelsi cum densa silentia montis  
 strata vel oblatis ductor videt aequora ventis 605  
 stat lacrimans magnoque viri cunctatur amore.  
 illius incessus habilemque ad terga pharetram,  
 illum inter proceres maestaeque silentia mensae  
 quaerit inops quondam ingenti comprehensa trahentem  
 vina manu et durae referentem monstra novercae. 610  
 Nec minus interea crudelis Iapyga Iuno  
 adsidue movet et primis cum solibus offert.  
 iamque morae impatiens cunctantes increpat ausus  
 Tiphys et oblato monet otia rumpere cursu.  
 ergo animum flexus dictis instantis Iason 615  
 concedit sociosque simul sic fatur ad omnes:  
 ' o utiam, Scythicis struerem cum funera terris,  
 vox mihi mentitas tulerit Parnasia sortes,  
 agmine de tanto socium qui maximus armis  
 adforet, hunc Iovis imperiis fatoque teneri 620  
 ante procellosum scopulis errantibus aequor.  
 necdum fama viri nec certior exstitit auctor.  
 verum agite et, dubiis variant quae pectora curis,  
 consulite et, motis seu vos via flatibus urget,  
 pergite et inceptos mecum revocate labores, 625  
 seu pluris tolerare moras rursusque propinquis  
 quaesivisse iugis, pretium haud leve temporis acti.'  
 Dixerat. at studiis iamdudum freta iuventus  
 orat inire vias: unum tanto afore coetu  
 nec minus in sese generis dextrasque potentes 630  
 esse ferunt. tali mentem pars maxima flatu  
 erigit et vana gliscunt praecordia lingua:  
 saltibus ut mediis tum demum laeta reducit

cerva gregem, tum gestit aper reboatque superbis  
 comminus ~ursa~ lupis, cum sese Martia tigris 635  
 abstulit aut curvo tacitus leo condidit antro.

At pius ingenti Telamon iam fluctuat ira  
 cum fremitu saevisque serens fera iurgia dictis  
 insequitur magnoque implorat numina questu.  
 idem orans prensatque viros demissaque supplex 640  
 haeret ad ora ducis, nil se super Hercule fari,  
 sed socio quocumque, gemens; quamquam aspera fama  
 iam loca iamque feras per barbara litora gentes,  
 non alium contra Alciden, non pectora tanta  
 posse dari. rursus instimulat ducitque faventes 645  
 magnanimus Calydone satus, potioribus ille  
 deteriora fovens semperque inversa tueri  
 durus et haud ullis umquam superabilis aequis  
 rectorumve memor. ' non Herculis' niquit 'adempti,  
 sed tuus in seros haec nostra silentia questus 650  
 traxit honor, dum iura dares, dum tempora fandi.  
 septimus hic celsis descendit montibus Auster  
 iamque ratem Scythicis forsán statuisset in oris.  
 nos patriae immemores, maneant ceu nulla revectoros  
 gaudia, sed duro saevae sub rege Mycenae, 655  
 ad medium cunctamur iter. si finibus ullis  
 has tolerare moras et inania tempora possem,  
 regna hodie et dulcem sceptris Calydonā tenerem  
 laetus opum pacisque meae tutusque manerem  
 quis genitor materque locis. quid deside terra 660  
 haeremus, vacuos cur lassant aequora visus?  
 tu comitem Alciden ad Phasidis amplius arva  
 adfore, tu socias ultra tibi rere pharetras?  
 non ea fax odiis oblitave numine fesso  
 Iuno sui. nova Tartareo fors semine monstra 665  
 at<que> iterum Inachiis iam nuntius urget ab Argis.  
 non datur haec magni proles Iovis, at tibi Pollux  
 stirpe pares Castorque manent, at cetera divum  
 progenies nec parva mihi fiducia gentis.  
 en egomet quocumque vocas sequar, agmina ferro 670  
 plura metam, tibi dicta manus, tibi quicquid in ipso  
 sanguine erit iamque hinc operum quae maxima posco.  
 scilicet in solis profugi stetit Herculis armis  
 nostra salus. nempe ora aeque mortalia cuncti  
 ecce gerunt, ibant aequo nempe ordine remi. 675  
 ille vel insano iamdudum turbidus aestu  
 vel parta iam laude tumens consortia famae  
 despicit ac nostris ferri comes abnuit actis.  
 vos, quibus et virtus et spes in limine primo,  
 tendite, dum rerum patiens calor et rude membris 680  
 robur inest; nec enim solis dare funera Colchis  
 sit satis et tota pelagus lustrasse iuventa.

spes mihi quae tali potuit longissima casu  
 esse fuit: quicumque virum perquirere silvis  
 egit amor, loca vociferans non ulla reliqui. 685  
 nunc quoque, dum vario nutat sententia motu,  
 cernere devexis redeuntem montibus opto.  
 sat lacrimis comitique datum, quem sortibus aevi  
 crede vel in mediae raptum tibi sanguine pugnae!  
 Talibus Oenides urget, simul incita dictis 690  
 heroum manus. ante omnes Argoa iubebat  
 vincla rapi Calais. furias miratur ovantum  
 Aeacides multusque viri cunctantia corda  
 fert dolor, an sese comitem tam tristibus actis  
 abneget et celsi maerens petat ardua montis. 695  
 non tamen et gemitus et inanes desinit iras  
 fundere. 'quis terris pro Iuppiter' inquit ' Ahaeis  
 iste dies! saevi capient quae gaudia Colchi!  
 non hi tum flatus, non ista superbia dictis,  
 litore cum patrio iam vela petentibus Austris 700  
 cunctus ad Alciden versus favor: ipse iuaret,  
 ipse ducis curas meritosque subiret honores.  
 iamne animis, iam[ne] gente pares? aequae inclita vulgi  
 dextera? nulla fides, nulli super Hercule fletus?  
 nunc Porthaonides, nunc dux mihi Thracia proles? 705  
 aspera nunc pavidos contra ruit agna leones?  
 hanc ego magnanimi spoliolum Didymaonis hastam,  
 quae neque iam frondes virides nec proferet umbras,  
 ut semel est evulsa iugis ac matre perempta  
 fida ministeria et duras obit horrida pugnans, 710  
 testor et hoc omni, ductor, tibi numine firmo:  
 saepe metu, saepe in tenui discrimine rerum  
 Herculeas iam serus opes spretique vocabis  
 arma viri nec nos tumida haec tum dicta iuvabunt.'  
 Talibus Aeacides socios terroribus urgens 715  
 inlacrimat multaque comas deformat harena.  
 fata trahunt raptusque virum certamine ductor  
 ibat et obtenta mulcebat lumina palla.  
 hic vero ingenti repetuntur pectora luctu,  
 ut socii sedere locis nullaeque leonis 720  
 exuviae tantique vacant vestigia transtri.  
 flet pius Aeacides, maerent Poeantia corda,  
 ingemit et dulci frater cum Castore Pollux.  
 omnis adhuc vocat Alciden fugiente carina,  
 omnis Hylan, medio pereunt iam nomina ponto. 725  
 Dat procul interea toto pater aequore signum  
 Phorcys et immanes intorto murice phocas  
 contrahit antra petens. simul et Massylus et una  
 Lyctius et Calabris redit armentarius arvis.  
 ilicet extremi nox litore Solis Hiberas 730  
 condidit alta domos et sidera sustulit axis.



flumina conticuere, iacet cum flatibus aequor.  
Amphitryoniades nec quae nova lustra requirat  
nec quo temptet iter comitis nec fata parenti  
quae referat videt aut socios qua mente revisat.  
urit amor solisque negat decedere silvis.  
non aliter gemitu quondam lea prolis ademptae  
terga dedit: sedet inde viis inclusaque longo  
pervigilant castella metu, dolor attrahit orbis  
interea et misero manat iuba sordida luctu.

## Liber IV

Atque ea non oculis divum pater amplius aequis  
sustinuit natiq̄ue pios miseratus amores  
Iunonem ardenti trepidam gravis increpat ira:  
' ut nōa nunc tacito <se> pectore gaudia tollunt!  
haeret inops solisque furit Tirynthius oris,                   5  
at comite immemores Minyae facilesque relicto  
alta tenent. sic Iuno ducem fovet anxia curis  
Aesonium, sic arma viro sociosque ministrat.  
iam quibus incertam bellis Scythicaeque paventem  
gentis opes, quanta trepidam formidine cernam!                   10  
tum precibus, tum me lacrimis et supplice dextra  
attemptare veto. rerum mihi firma potestas.  
i, Furias Veneremque move, dabit impia poenas  
virgo nec Aetae gemitus patiemur inultos.'  
dixit et arcano redolentem nectare rorem,                   15  
quem penes alta quies liquidique potentia somni,  
detulit inque vagi libavit tempora nati.  
ille graves oculos et Hylan resonantia semper  
ora ferens, ut nulla deum superare potestas,  
procumbit. tandem fessis pax reddita silvis                   20  
fluminaque et vacuis auditae montibus aurae.  
ecce puer summa se tollere visus ab unda  
frondibus in croceis et iniquae munera nymphae  
stansque super carum talis caput edere voces:  
' quid, p̄ter, in vanos absumis tempora questus?                   25  
hoc nemus, hoc fatis mihi iam domus, improba quo me  
nymphā rapit saevae monitu Iunonis, in amne.  
nunc Iovis accessus et iam mihi limina caeli  
conciliat iungitque <toros> et fontis honores.  
o dolor, o dulces quas gessimus ante pharetrae!                   30  
iam socii laetis rapuerunt vincula ventis,  
hortator postquam furiis et voce nefanda  
impulit Oenides. verum cum gente domoque  
ista luet saevaeque aderunt tua numina matri.  
surge age et in duris haud umquam defice, caelo                   35  
mox aderis teque astra ferent: tu semper amoris  
sis memor et cari comitis ne abscedat imago.'  
talibus orantem dictis visuque fruentem  
ille ultro petit et vacuis amplexibus instat  
languentisque movet frustra conamina dextrae:                   40  
corpus hebet somno refugaque eluditur umbra.  
tum lacrimis, tum voce sequi, tum rumpere questus,  
cum sopor et vano spes maesta resolvitur actu.  
fluctus ab undisoni ceu forte crepidine saxi

cum rapit halcyonis miserae fetumque laremque, 45  
 it super aegra parens queritur<que> tumentibus undis  
 certa sequi quocumque ferant audetque pavetque,  
 icta fatiscit aquis donec domus haustaque fluctu est;  
 illa dolens vocem dedit et se sustulit alis:  
 haud aliter somni maestus labor. exsilit amens 50  
 effusisque genas lacrimis rigat. ' **ibmus**' inquit  
 ' solus est hos montes desertaque lustra tenebis,  
 care puer, nec res ultra mirabere nostras?'  
 haec fatus relegitque vias et vallibus exit  
 incertus quid Iuno ferat, quas apparet iras. 55  
 nec minus et socios cernit procul aequore ferri  
 praecipites tacitumque pudet potuisse relinqui.  
 Iamque iter ad Teucros atque hospita moenia Troiae  
 flexerat Iliaci repetens promissa tyranni,  
 cum maesto Latona simul Dianaque vultu 60  
 ante Iovem stetit et supplex sic fatur Apollo:  
 ' in ~~quam~~ alium Alciden, in quae iam tempora differs  
 Caucaseum, rex magne, senem? nullumne malorum  
 finem adeo poenaeque dabis? te cuncta precatur  
 gens hominum atque ipsi iam te, pater <optime>, montes 65  
 fessaque cum silvis orant iuga. sat tibi furtum  
 ignis et aetheriae defensa silentia mensae!  
 dixit ubi, e scopulis media inter pabula diri  
 vulturis ipse etiam gemitu maestaque fatigat  
 voce Iovem saevis relevans ambusta pruinis 70  
 lumina, congeminant amnes rupesque fragorem  
 Caucaseae, stupet ipse dei clamoribus ales.  
 tunc etiam super<as> Acheronte auditus ad arces  
 Iapetus, gravis orantem procul arcet Erinys  
 respiciens celsi legem Iovis. ille dearum 75  
 fletibus et magno Phoebi commotus honore  
 velocem roseis demittit nubibus Irin.  
 ' i, **Frygas** Alcides et Troiae differat arma.  
 nunc' ait 'eripiat dirae Titana volucris.'  
 diva volat defertque viro celeranda parentis 80  
 imperia atque alacrem laetis hortatibus implet.  
 Iam Minyae mediis clarae per sidera noctis  
 fluctibus intulerant placido cava lintea cursu  
 multaque deserto memores super Hercule volvunt.  
 Thracius at summa sociis e puppe sacerdos 85  
 fata deum et miserae solans incommoda vitae  
 securum numeris agit et medicabile carmen.  
 quod simul adsumpta pulsum fide, luctus et irae  
 et labor et dulces cedunt e pectore nati.  
 Interea magni iamiam subeuntibus astris 90  
 Oceani genitale caput Titania frenis  
 antra sonant, Sol auricomis urgentibus horis  
 multifidum iubar et bissenno sidere textam

lorica induitur; ligat hanc qui nubila contra  
 balteus undantem variat mortalibus arcum. 95  
 inde super terras et eoi cornua montis  
 emicuit traxitque diem candentibus undis  
 et Minyas viso liquerunt flamina Phoebus.

Proxima Bebrycii panduntur litora regni,  
 pingue solum et duris regio non invida tauris. 100  
 rex Amycus. regis fati et numine freti  
 non muris cinxere domos, non foedera legum  
 ulla colunt placidas aut iura tenentia mentes.  
 quales Aetnaeis rabidi Cyclopes in antris  
 nocte sub hiberna servant freta, sicubi saevis 105  
 advectet ratis acta notis tibi pabula dira  
 et miseris, Polypheme, dapes, sic undique in omnes  
 prospiciunt cursantque vias, qui corpora regi  
 capta trahant. ea Neptuno trux ipse parenti  
 sacrifici pro rupe iugi media aequora supra 110  
 torquet agens. sin forma viris praestantior adsit,  
 tum legere arma iubet sumptisque occurrere contra  
 caestibus: haec miseri sors est aequissima leti.  
 huc ubi devectam Neptunus gurgite puppem  
 sensit et extremum nati prospexit in oras 115  
 et quondam laetos domini certamine campos,  
 ingemit ac tales evolvit pectore questus:  
 ' infelix imas quondam mihi rapta sub undas  
 nec potius magno Melie tum mixta Tonanti!  
 usque adeone meam quacumque ab origine prolem 120  
 tristia fata manent? sic te olim pergere sensi,  
 Iuppiter, iniustae quando mihi virginis armis  
 concidit infelix et nunc chaos implet Orion.  
 nec tibi nunc virtus aut det fiducia nostri,  
 nate, animos opibusque ultra ne crede paternis. 125  
 iamiam aliae vires maioraque sanguine nostro  
 vincunt fata Iovis, potior cui cura suorum est.  
 atque ideo nec ego hanc tumidis avertere ventis  
 temptavi tenuive ratem nec iam mora morti  
 hinc erit ulla tuae. reges preme, dure, secundos!' 130  
 abstulit inde oculos natumque et tristia linquens  
 proelia sanguineo terras pater adluit aestu.

Principio fluvios gentemque et litora ductor  
 explorare iubet paulumque egressus Echion 135  
 invenit obscura gemitus in valle trahentem  
 clam iuvenem et caesi maerentem nomen amici.  
 ille virum ut contra venientem umbrataque vidit  
 tempora Parrhasio patris de more galero  
 paciferaeque manu nequiquam insignia virgae,  
 ' tu fuge' ait 'certo quicumque es, perditte, passu 140  
 dum datur!' obstipuit visu Nonacria proles  
 quid ferat admirans. postquam remeare monentem

ocius et dictis perstantem cernit in isdem,  
abripit et sociis quae sint ea promere cogit.  
ille manum tendens ' non haec' i' hospiti vobis 145  
terra, viri, non hic ullos reverentia ritus  
pectora: mors habitat saevaeque hoc litore pugnae.  
iam veniet diros Amycus qui tollere caestus  
imperet et vasto qui vertice nubila pulset.  
talis in advectos Neptuni credita proles 150  
aeternum furit atque aequae virtutis egentes  
ceu superum segnes ad iniqua altaria tauros  
constituit, tandem ut misero lavet arma cerebro.  
consultite atque fugae medium ne temnite tempus.  
namque isti frustra quisquam concurrere monstro 155  
audeat et quaenam talem vidisse voluptas?'  
ductor ad haec: 'Bebryxne venis diversaque regi  
corda gerens--melior vulgi nam saepe voluntas--  
hostis an externis fato delatus ab oris?  
et tua cur Amycus caestu nondum obruit ora?' 160  
' non nomen i' pædulce mihi ~nomen~que secutus  
Otreos unanimi. decus ille et laeta suorum  
gloria nec vestros comes aspernandus in actus  
Hesionam et Phrygiae peteret cum gaudia nuptae,  
hic Amycum contra iussus stetit atque ego palmas 165  
implicui. sed prima procul vixdum ora levantis  
fulminea frontem dextra disiectaque fudit  
lumina. me numquam leto dignatus et armis,  
sed lacrimis potius luctuque absumor inertis.  
spes tamen, his fando si nuntius extitit oris 170  
et Mariandynum patrias penetravit ad urbes,  
unde genus fraterque viro--sed et ille quierit  
oro nec vanis cladem Lycus augeat armis.'

Haec ubi non ulla iuvenes formidine moti  
accipiunt (dulce et dura sic pergere mente), 175  
terga sequi properosque iubet coniungere gressus.  
litore in extremo spelunca apparuit ingens  
arboribus super et dorso contacta minanti,  
non quae dona deum, non quae trahat aetheris ignem,  
infelix domus et sonitu tremebunda profundi. 180  
at varii pro rupe metus: hinc trunca rotatis  
bracchia rapta viris strictoque immortua caestu  
ossaue taetra situ <et> capitum maestissimus ordo  
per piceas, quibus adverso sub vulnere nulla  
iam facies nec nomen erat; media ipsius arma 185  
sacra metu[que] magnique aris imposta parentis.  
hospitis hic primum monitus rediere Dymantis  
et pavor et monstri subiit absentis imago  
atque oculos cuncti inter se tenuere silentes,  
donec sidereo Pollux interritus ore 190  
' et tamen hac, quicumque es,' ait 'formidine faxo

iam tua silva ferat, modo sint tibi sanguis et artus!  
 omnibus idem animus forti decernere pugna  
 exoptantque virum contra<que> occurrere poscunt.  
 qualiter ignotis spumantem funditus amnem 195  
 <.....>  
 pandit iter, mox omne pecus formidine pulsa  
 pone subit iamque et mediis procedit ab undis.  
 At procul e silvis sese gregibusque ferebat  
 saevus in antra gigas, quem nec sua turba tuendo 200  
 it taciti secreta metus. mortalia nusquam  
 signa manent; instar scopuli, qui montibus altis  
 summus abit longeque iugo stat solus ab omni.  
 devolat inde furens nec quo via curve profecti  
 nec genus ante rogat, sed tali protonat ira: 205  
 ' incipite, o iuvenes! etenim fiducia, credo,  
 huc tulit auditas et sponte lacessitis oras.  
 sin errore viae necdum mens gnara locorum,  
 Neptuni domus atque egomet Neptunia proles. 213  
 hic mihi lex caestus adversaque tollere contra 209  
 bracchia, sic ingens Asiae plaga quique per Arcton  
 dexter et in laevum pontus iacet haec mea visit  
 hospitia, hoc cuncti remeant certamine reges.  
 iam pridem caestus resides et frigida raris 214  
 dentibus aret humus. quis mecum foedera iunget?  
 prima manu cui dona fero? mox omnibus idem  
 ibit honos. fuga sub terras, fuga nulla per auras.  
 nec lacrimae--ne ferte preces--superive vocati  
 pectora nostra movent: aliis rex Iuppiter oris.  
 faxo Bebrycium nequeat transcendere puppis 220  
 ulla fretum et ponto volitet Symplegas inani.'  
 Talia dicta dabat, cum protinus asper Iason  
 et simul Aeacidae simul et Calydonis alumni  
 Nelidesque Idasque prior quae maxima surgunt  
 nomina, sed nudo steterat iam pectore Pollux. 225  
 tum pavor et gelidus defixit Castora sanguis,  
 nam nec ad Elei pugnam videt ora parentis  
 nec sonat Oebalius caveae favor aut iuga nota  
 Taygeti, lavitur patrios ubi victor ad amnes,  
 nec pretium sonipes aut sacrae taurus harenae, 230  
 praemia sed manes reclusaque ianua leti.  
 illum Amycus nec fronte trucem nec mole tremendum,  
 vixdum etiam primae spargentem signa iuventae,  
 ore ridenti lustrans obit et fremit ausum  
 sanguineosque rotat furiis ardentibus orbis. 235  
 non aliter iam regna poli, iam capta Typhoeus  
 astra ferens Bacchum ante acies primamque deorum  
 Pallada et oppositos doluit sibi virginis angues.  
 sic adeo insequitur rabidoque ita murmure terret:  
 ' quisquis es infelix celeras puer, haud tibi pulchrae 240

manserit hoc ultra frontis decus orave matri  
nota ferēs. tunc a sociis electus iniquis?  
tunc Amyci moriere manu?' ~~ac~~ plura moratus  
ingentes umeros spatiosaque pectoris ossa  
protulit horrendosque toris informibus artus. 245  
deficiunt visu Minyae, miratur et ipse  
Tyndarides. redit Alcidae iam sera cupido  
et vacuo maestos lustrarunt lumine montes.  
at satus aequoreo fatur tunc talia rege:  
'aspice et haec crudis durata volumina tauris 250  
nec peto sortis opem, sed quos potes indue caestus.'  
Dixit et urgentis post saeva piacula fati  
nescius extremum hoc armis innectere palmas  
dat famulis, dat et inde Lacon. odia aspera surgunt  
ignotis prius atque incensa mente feruntur 255  
in medium sanguis Iovis et Neptunia proles.  
hinc illinc dubiis intenta silentia votis  
et pater orantis caesorum Tartarus umbras  
nube cava tandem ad meritae spectacula pugnae  
emittit. summi nigrescunt culmina montis. 260  
Continuo Bebryx, Maleae velut arce fragosa  
turbo rapax, vix ora virum, vix tollere passus  
bracchia torrenti praeceps agit undique nimbo  
cursibus involvens totaque immanis harena  
insequitur. vigil ille metu cum pectore et armis 265  
huc alternus et huc, semper cervice reducta  
semper et in digitis et summi pulvere campi,  
proiectusque redit. spumanti qualis in alto  
Pliade capta ratis, trepidi quam sola magistri  
cura tenet, rapidum ventis certantibus aequor 270  
intemerata secat, Pollux sic providus ictus  
servat et Oebalia dubium caput eripit arte.  
ut deinde urgentes effudit nubibus iras  
ardoremque viri, paulatim insurgere fesso  
integer et summos ~manibus~ deducere caestus. 275  
ille dies aegros Amyci sudoribus artus  
primus et arenti cunctantem vidit hiatu  
nec sua defessum noscunt loca nec sua regem  
agmina. respirant ambo paulumque reponunt  
bracchia, ceu Lapithas aut Paeonas aequore in ipso 280  
cum refovet fixaque silet Gradivus in hasta.  
vix steterant et iam ecce ruunt inflictaque late  
terga sonant. nova vis iterum, nova corpora surgunt.  
hunc pudor, hunc noto iam spes audentior hoste  
instimulat. fumant crebro praecordia pulsu, 285  
avia responsant gemitu iuga. pervigil ut cum  
artificum notat Aet<na> manus et fulmina Cyclops  
prosubigit, pulsus strepitant incudibus urbes.  
emicat hic dextramque parat dextramque minatur

Tyndarides, rediv huc oculis et pondere Bebryx 290  
 sic ratus, ille autem celeri rapit ora sinistra:  
 conclamant socii et subitas dant gaudia voces.  
 illum insperata turbatum fraude furentemque  
 Oebalides prima refugit dum detonet ira,  
 territus ipse etiam atque ingentis conscius ausi. 295  
 saevit inops Amycus nullo discrimine sese  
 praecipitans avidusque viri (respectat ovantes  
 quippe procul Minyas), tunc caestu elatus utroque  
 inruit. hos inter Pollux subit et trucis ultro 300  
 advolat ora viri nec spes effecta, sed ambae  
 in pectus cecidere manus. hoc saevior ille  
 ecce iterum vacuas agit inconsulta per auras  
 brachia. sentit ubi Pollux rationis egentem,  
 dat genibus iunctis latus effusumque secutus  
 haud revocare gradum patitur turbatque premitque 305  
 ancipitem crebros et liber congerit ictus  
 desuper averso. sonat omni vulnere vertex  
 inclinis ceditque malis. iam tempora manant  
 sanguineaeque latent aures, vitalia donec  
 vincula, qua primo cervix committitur artu, 310  
 solvit dextra gravis. labentem propulit heros  
 ac super insistens 'Pollux ego missus Amyclis  
 et Iove natus.' *ia* nome mirantibus umbris  
 hoc referes. sic et memori noscere sepulchro.'  
 Bebrycas extemplo spargit fuga, nullus adempti 315  
 regis amor: montem celeres silvamque capessunt.  
 haec sors, haec Amycum tandem manus arcuit ausis  
 effera servantem Ponti loca vimque iuventae  
 continuam et magni sperantem tempora patris.  
 tenditur ille ingens hominum pavor arvaque late 320  
 occupat, annosi veluti si decidat olim  
 pars Erycis vel totus Athos. qua mole iacentis  
 ipse etiam expleri victor nequit oraque longo  
 comminus obtutu mirans tenet. at manus omnis  
 heroum densis certatim amplexibus urgent 325  
 armaque ferre iuvat fessasque attollere palmas.  
 'salve, vera Iovis, vera o Iovis' undique *poles*  
 ingeminant 'o magnanimis memoranda palaestris  
 Taygeta et primi felix labor ille magistri!'  
 dumque ea dicta ferunt, tenues tamen ire cruores 330  
 siderea de fronte vident nec sanguine Pollux  
 territus averso siccabat vulnera caestu.  
 illius excelsum ramis caput armaque Castor  
 implicat et viridi conectit tempora lauro  
 respiciensque ratem 'patriis' *ia* *hs* precor oris, 335  
 diva, refer frondes cumque hac freta curre corona.'  
 dixerat. hinc valida caedunt armenta bipenni  
 perfusique sacro placati gurgitis amne



graminea sternuntur humo, tunc liba dapesque  
 frondibus accumulunt; exsortia terga Laconi 340  
 praecipiant pecudum. toto mox tempore mensae  
 laetus ovat nunc laude virum, nunc vatis honoro  
 carmine, victori geminans cratera parenti.  
 Iamque dies auraeque vocant rursusque capessunt  
 aequora, qua rigidos eructat Bosporos amnes. 345  
 illos, Nile, tuis nondum dea gentibus Io  
 transierat fluctus, unde haec data nomina ponto.  
 tum pius Oeagri claro de sanguine vates  
 admonita genetrice refert casusque locorum  
 Inachidosque vias pelagusque emensa iuvencae 350  
 exilia intentisque canit. ' idere priores  
 saepe Iovem <in> terras Argivaque regna Pelasgum  
 virginis Iasiae blandos descendere ad ignes.  
 sentit Iuno dolos curaque accensa iugali  
 aethere desiluit (dominam Lyrceia tellus 355  
 antraque deprensae tremuerunt conscia culpae),  
 cum trepida Inachiae paelex subit ora iuvencae  
 sponte dei; plausu fovet hanc et pectora mulcet  
 Iuno renidenti cohibens suspiria vultu.  
 mox ita adorta Iovem: "da quam modo ditibus Argis 360  
 campus alit primae referentem cornua Phoebes  
 indomitamque bovem, da carae munera nuptae.  
 ipsa ego dilectae pecudi iam pascua digna  
 praecipuosque legam fontes." qua fraude negaret  
 aut quos inventos tenuisset Iuppiter astus? 365  
 muneris illa potens custodem protinus Argum  
 adiungit. custos Argus placet, inscia somni  
 lumina non aliter toto cui vertice quam si  
 Lyda nurus sparso telas maculaverit ostro.  
 Argus et in scopulos et monstris horrida lustra 370  
 ignotas iubet ire vias heu multa morantem  
 conantemque preces inclusaque pectore verba.  
 ultima tum patriae cedens dedit oscula ripae;  
 flevit Amymone, flerunt Messeides undae,  
 flevit et effusis revocans Hyperia lacertis. 375  
 illa, ubi vel fessi tremerent erroribus artus  
 vel rueret summo iam frigidus aethere vesper,  
 heu quotiens saxo posuit latus aut, ubi longa  
 aegra siti, quos ore lacus, quae pabula carpsit,  
 verbere candentes quotiens exhorruit armos! 380  
 quin et ab excelso meditantem vertice saltus  
 audentemque mori valles citus egit in imas  
 Argus et arbitrio durus servavit erili,  
 cum subito Arcadio sonuit cava fistula ritu  
 imperiumque patris celerans Cyllenius ales 385  
 advenit et leni modulatur carmen avena  
 "quo" que ait "hinc diversus abis? heus respice cantus!"

haud procul insectans Argum languentia <cantu>  
 lumina cuncta notat dulcesque sequentia somnos  
 et celerem mediis in cantibus exigit harpen. 390  
 iamque refecta Iovi paulatim in imagine prisca  
 ibat agris Io victrix Iunonis et ecce  
 cum facibus spirisque et Tartareo ululatu  
 Tisiphonen videt: ac primo vestigia visu  
 figit et in miserae rursus bovis ora recurrit. 395  
 nec qua valle memor <nec> quo se vertice sistat  
 Inachias errore etiam defertur ad undas,  
 qualis et a prima quantum mutata iuvenca!  
 nec pater aut trepidae temptant accedere nymphae.  
 ergo iterum silvas, iterum petit invia retro 400  
 ceu Styga dilectum fugiens caput. inde per urbes  
 raptatur Graias atque ardua flumina ripis,  
 oblato donec paulum cunctata profundo  
 incidit. absistunt fluctus et gnara futuri  
 dant pavida alta viam, celsis procul ipsa refulget 405  
 cornibus ac summa palearia sustinet unda.  
 ast Erebi virgo ditem volat aethere Memphin  
 praecipere et Pharia venientem pellere terra.  
 contra Nilus adest et toto gurgite torrens  
 Tisiphonen agit atque imis inlidit harenis 410  
 Ditis opem ac saevi clamantem numina regni.  
 apparent sparsaeque faces disiectaque longe  
 verbera et abruptis excussi crinibus hydri.  
 nec Iovis interea cessat manus: intonat alto  
 insurgens caelo genitor curamque fatetur 415  
 atque ipsa imperium Iuno pavet. haec procul Io  
 spect[ab]at ab arce <Phari>, iam divis addita iamque  
 aspide cincta comas et ovanti persona sistro.  
 Bosporon hinc veteres errantis nomine divae  
 vulgavere. iuвет nostros nunc ipsa labores 420  
 immissisque ratem sua per freta provehat Euris.'  
 Dixerat et placidi tendebant carbasa venti.  
 postera non cassae Minyis Aurora retextit  
 noctis iter: nova cuncta vident Thyneaque iuxta  
 litora fatidici poenis horrentia Phinei, 425  
 dira deum summo quem vis urgebat in aevo.  
 quippe neque extorrem tantum nec lucis egentem  
 insuper Harpyiae Typhonides, ira Tonantis,  
 depopulant ipsoque dapes praedantur ab ore.  
 talia prodigia et tales pro crimine poenas 430  
 perpetitur. spes una seni, quod pellere saevam  
 quondam fata luem dederant Aquilone creatis.  
 ergo ubi iam Minyas certamque accedere Phineus  
 sentit opem, primas baculo defertur ad undas  
 vestigatque ratem atque oculos attollit inanes. 435  
 tunc tenuem spirans animam ' ~~se~~ o mihi longum

exspectata manus nostrisque' **in** 'agnita votis.  
 novimus et divis geniti quibus et via iussos  
 quae ferat ac vestri rebar sic tempora cursus  
 proxima quaeque legens, quantum Vulcania Lemnos 440  
 traxerit, infelix tulerit quae Cyzicus arma.  
 sensi et Bebrycio supremam in litore pugnam  
 iam propior iamque hoc animam solamine mulcens.  
 non ego nunc magno quod cretus Agenore Phineus  
 aut memorem mea quod vates insedit Apollo 445  
 pectora: praesentis potius miserescite fati!  
 nec mihi diversis erratum casibus orbem  
 amissas aut flere domos aut dulcia tempus  
 lumina; consuetis serum est ex ordine fatis  
 ingemere. Harpyiae semper mea pabula servant, 450  
 fallere quas nusquam misero locus: ilicet omnes  
 deveniunt niger intorto ceu turbine nimbus  
 iamque alis procul et sonitu mihi nota Celaeno.  
 diripiunt verruntque dapes foedataque turbant  
 pocula, saevit odor surgitque miserrima pugna 455  
 parque mihi monstisque fames. sprevere quod omnes  
 pollueruntque manu quodque unguibus excidit atris  
 has mihi fert in luce moras. nec rumpere fata  
 morte licet, trahitur victu crudelis egestas.  
 sed vos o servate precor, praedicta deorum 460  
 si non falsa mihi, vos finem imponite poenis.  
 nempe adsunt qui monstra fugent, Aquilonia proles  
 non externa mihi: nam rex ego divitis Hebri  
 iunctaque vestra meo quondam Cleopatra cubili.'  
 Nomen ad Actaeae Calais Zetesque sororis 465  
 prosiliunt Zetesque prior ' **quae** cernimus?' inquit  
 ' **tua** ille Odrysiae Phineus rex inclitus orae?  
 tu Phoebi comes et nostro dilecte parenti?  
 o ubi nunc regni generisque ubi gloria? quam te  
 exedit labor et miseris festina senectus! 470  
 quin age mitte preces: namque est tibi nostra voluntas,  
 si non ira deum--vel si placabilis--urget.'  
 sustulit hic geminas Phineus ad sidera palmas  
 ' **et** **quae** ait ' **if**esti, quae nunc premis, ira Tonantis,  
 ante precor, nostrae tandem iam parce senectae, 475  
 sit modus. et fore credo equidem, nam vestra voluntas  
 quid, iuvenes, sine pace deum? nec credite culpam  
 saevitiae scelerumve mihi nunc crimina pendi:  
 fata loquax mentemque Iovis quaeque abdita solus  
 consilia et terris subito ventura parabat 480  
 prodideram miserans hominum genus. hinc mihi tanta  
 pestis et offusae media inter dicta tenebrae.  
 iam tandem cessere irae nec casus ab alto,  
 ipse volens nostris sed vos deus adpulit oris.'  
 sic ait et fatis ita iam cedentibus omnes 485

impulit et durae commovit imagine poenae.  
 instituere toros mediisque tapetibus ipsum  
 accipiunt circumque iacent; simul aequora servant,  
 astra simul, vescique iubent ac mittere curas,  
 cum subitus misero tremor et pallentia primae 490  
 ora senis fugere manus. nec prodita pestis  
 ante, sed in mediis dapibus videre volucres.  
 fragrat acerbus odor patriique exspirat Averno  
 halitus, unum omnes incessere planctibus, unum  
 infestare manus. inhiat Cocytia nubes 495  
 luxurians ipsoque ferens fastidia visu.  
 tum sola conluvie atque inluisis stramina mensis  
 foeda rigant, stridunt alae praedaque retenta  
 saevit utrimque fames. nec solum horrenda Celaeno  
 Phinea, sed miseram etiam prohibere sorores. 500  
 emicat hic subito seseque Aquilonia proles  
 cum clamore levat, genitor simul impulit alas.  
 hoste novo turbata lues lapsaeque rapinae  
 faucibus et primum pavidae Phineia tecta  
 pervolitant, mox alta petunt. stant litore fixi 505  
 Haemonidae atque oculis palantia monstra sequuntur.  
 sicut, prorupti tonuit cum forte Vesevi  
 Hesperiae letalis apex, vixdum ignea montem  
 torsit hiems, iamque eoas cinis induit urbes:  
 turbine sic rapido populos atque aequora longe 510  
 transabeunt nullaque datur considerare terra.  
 iamque et ad Ionii metas atque intima tendunt  
 saxa, vocat magni Strophadas nunc incola ponti.  
 hic fessae leti<que> metu propioris anhelae  
 dum trepidant humilique graves timidoque volatu 515  
 implorant clamore patrem Typhona nefando,  
 extulit adsurgens noctem pater imaque summis  
 miscuit et mediis vox exaudita tenebris:  
 'aim satis huc pepulisse deas. cur tenditis ultra  
 in famulas saevire Iovis, quas fulmina quamquam 520  
 aegidaeque ille gerens magnas sibi legit in iras?  
 nunc quoque Agenoreis idem decedere tectis  
 imperat: agnoscunt monitus iussaeque recedunt.  
 mox tamen et vobis similis fuga, cum premet arcus  
 letifer. Harpyiae numquam nova pabula quaerent 525  
 donec erunt divum meritae mortalibus irae.'  
 haesit uterque polo dubiisque elanguit alis,  
 mox abit et sociae victor petit agmina puppis.  
 Interea Minyae pulsa lue prima Tonanti  
 sacra novant, tum vina toris epulasque reponunt. 530  
 ipse inter medios ceu dulcis imagine somni  
 laetus ad oblitae Cereris suspirat honores;  
 agnoscit Bacchi latices, agnoscit et undam  
 et nova non pavidae miratur gaudia mensae.

hunc ubi reclinem stratis et pace fruentem 535  
 aspicit ac longae ducentem oblivia poenae  
 talibus appellat supplexque ita fatur Iason:  
 ' vā, senex, perfecta tibi. nunc me quoque curis  
 eripe et ad nostros animum converte labores.  
 omnis adhuc sors laeta quidem nec numine vano, 540  
 siqua fides curae superum, tantum aequor adorti  
 tendimus: ipsa mihi puppem Iovis optima proles  
 instituit, dedit et socios Saturnia reges.  
 fidere mens sed nostra nequit quantumque propinquat  
 Phasis et ille operum summus labor, hoc magis angunt 545  
 proxima nec vates sat iam mihi Mopsus et Idmon.'  
 ille ducem nec ferre preces nec dicere passus  
 amplius hic demum vittas laurumque capessit  
 numina nota ciens. stupet Aesonis inclita proles  
 Phinea ceu numquam poenis nullaque gravatum 550  
 peste Iovis: tam largus honos, tam mira senectae  
 maiestas infusa; vigor novus auxerat artus.  
 tum canit: ' oērras fama venture per omnes,  
 quem sociis ducibusque deis atque arte benigna  
 Pallados ipse ultro Pelias ad sidera tollit, 555  
 demens, dum profugi non sperat vellera Phrixi,  
 fata locosque tibi, possum quas reddere grates,  
 expediam rerumque vias finemque docebo.  
 ipse etiam, qui me prohibet sua pandere terris  
 saecula, te propter fandi mihi Iuppiter auctor. 560  
 hinc iter ad Ponti caput errantesque per altum  
 Cyaneas. furor his medio concurrere ponto;  
 necdum ullas videre rates: sua comminus actae  
 saxa premunt cautesque suas. ceu vincula mundi  
 ima labant, tremere ecce solum, tremere ipsa repente 565  
 tecta vides: illae redeunt, illae aequore certant.  
 di tibi progresso propius, di forsitan ipsi  
 auxilium mentemque dabunt. ast ipse iuvare  
 ausa quibus monitis possim tua? quippe per altum  
 tenditis unde procul venti, procul unde volucres, 570  
 et pater ipse maris pavidas detorquet habenas.  
 siqua brevis scopulis fieret mora, si semel orsis  
 ulla quies, fuga tunc medio speranda recursu:  
 vix repetunt primae celeres confinia terrae  
 iamque alio clamore ruunt omnisque tenetur 575  
 pontus et infestis anceps cum montibus errat.  
 verum animo redit illa meo sors cognita divum  
 (fabor enim nec spe dubios solabor inani):  
 cum mihi Tartareas saevo clangore volucres  
 protulit ira Iovis, vox haec simul excidit auris: 580  
 "ne vanas impende preces finemque malorum  
 expete, Agenoride! Pontum penetraverit ulla  
 cum ratis et rabidi steterint in gurgite montes,

tum sperare modum poenae veniamque licebit." 585  
 sic deus. aut vobis ergo fera [per] saxa patescunt  
 aut mea iam saevae redeunt ad pabula Dirae.  
 verum inter medias dabitur si currere cautes  
 (certe digna manus) vacuumque exhibis in aequor,  
 proxima regna Lyci, remeat qui victor ab oris  
 Bebryciis. toto non ullus litore Ponti 590  
 mitior. hic lecto comitum de robore siquem  
 perculerit vicina lues, ne defice casus  
 praedicti memor atque animos accinge futuris.  
 illic pestiferas subter iuga concava torquet  
 alter aquas Acheron vastoque exundat hiatu 595  
 fumeus et saeva sequitur caligine campos.  
 linque gravem fluvium et miseris sua fata colonis:  
 sic quoque non uno dabitur transcurrere luctu.  
 quid tibi nubifera surgentem rupe Carambin,  
 quid memorem quas Iris aquas aut torqueat Ancon? 600  
 proxima Thermodon hinc iam secat arva--memento--  
 inclita Amazonidum magnoque exorta Gradivo  
 gens ibi: femineas nec tu nunc crede catervas,  
 sed qualis, sed quanta viris insultat Enyo  
 divaque Gorgonei gestatrix innuba monstri. 605  
 ne tibi tunc horrenda rapax ad litora puppem  
 ventus agat, ludo volitans cum turma superbo  
 pulvereis exsultat equis ululataque tellus  
 intremit et pugnas mota pater incitet hasta.  
 non ita sit metuenda tibi saevissima quamquam 610  
 gens Chalybum, duris patiens cui cultus in arvis  
 et tonat adflicta semper domus ignea massa.  
 inde omnem innumeri reges per litoris oram,  
 hospitii quis nulla fides, sed limite recto  
 puppis et aequali transcurrat carbasus aura: 615  
 sic demum rapidi venies ad Phasidis amnem.  
 castra ibi iam Scythiae fraternaque surgit Erinys.  
 ipse truces illic Colchos hostemque iuvabis  
 auxiliis. nec plura equidem discrimina cerno.  
 fors etiam optatam dabitur contingere pellem. 620  
 sed te non animis nec solis viribus aequum  
 credere: saepe acri potior prudentia dextra.  
 quam tulerit deus, arripe opem. iamque ultima nobis  
 promere fata nefas. sileo prior.' atque ita facto  
 fine dedit tacitis iterum responsa tenebris. 625  
 Tum subita resides socios formidine Iason  
 praecipitat rumpitque moras tempusque timendi.  
 ipse viros gradiens ad primi litoris undam  
 prosequitur Phineus. ' quamnam tibi praemia,' dixi  
 ' quas, decus o Boreae, possim persolvere grates? 630  
 me Pangaea super rursus iuga meque paterna  
 stare Tyro dulcesque iterum mihi surgere soles

nunc reor. exactae (verumne?) abiere volucres  
nec metuam tutaeque dapes? date tangere vultus,  
dem sinite amplexus propiusque accedite dextrae.' 635  
dixerat. abscedunt terris et litora condunt.

Omnibus extemplo saeva sub imagine rupes  
Cyanaeae propior<que> labor. quando adfore quaque  
parte putent? stant ora metu nec fessa recedunt  
lumina diversas circum servantibus undas, 640

cum procul auditi sonitus insanae saxa,  
saxa neque illa viris, sed praecipitata profundo  
siderei pars visa poli. dumque ocius instant,  
ferre fugam maria ante ratem, maria ipsa repente  
deficere adversosque vident discedere montes, 645

omnibus et gelida rapti formidine remi.  
ipse per arma volans et per iuga summa carinae  
hortatur supplexque manus intendit Iason  
nomine quemque premens: ' ubi nunc promissa superba  
ingentesque minae, mecum quibus ista secuti? 650

idem Amyci certe visus timor omnibus antro  
perculerat; stetimus tamen et deus adfuit ausis.  
quin iterum idem aderit, credo, deus.' ~~h~~ec ubi fatus  
corripit abiecti remumque locumque Phaleri  
et trahit, insequitur flammata pudore iuventus. 655

unda laborantes praeceps rotat ac fuga ponti  
obvia. miscentur rupes iamque aequore toto  
Cyanaeae iuga praecipites inlisa remittunt.  
bis fragor infestas cautes adversaque saxis  
saxa dedit, flamma expresso bis fulsit in imbri. 660

sicut multifidus ruptis e nubibus horror  
effugit et tenebras nimbosque intermicat ignis  
terrificique ruunt tonitrus elisaque noctem  
lux dirimit (pavor ora virum, pavor occupat aures),  
haud secus implevit pontum fragor; effluit imber 665  
spumeus et magno puppem procul aequore vestit.

Advertere dei defixaque numina ponto,  
quid scopulis praeclusa ratis, quid dura iuventus  
expediat. pendet magnis favor ortus ab ausis.  
prima coruscanti signum dedit aegide virgo 670  
fulmineam iaculata facem. vixdum ardua cautes

cesserat, illa volans tenui per concita saxa  
luce fugit. rediere viris animique manusque  
ut videre viam. ' ~~o~~ quor, o quicumque deorum,'  
Aesonides ' ~~o~~ fallis' ait praecepsque fragores 675  
per medios ruit et fumo se condidit atro.

coeperat hinc cedens abductis montibus unda  
ferre ratem pelagoque dies occurrere aperto.  
sed neque permissis iam fundere rector habenis  
vela neque eniti remis pote, cum super adsunt 680  
Cyanaeae. premit umbra ratem scopulique feruntur

cominus. hic <Iuno> praecepsque ex aethere Pallas  
 insiliunt pariter scopulos: hunc nata coercet,  
 hunc coniunx Iovis, ut valido qui robore tauros  
 sub iuga et invito detorquet in ilia cornu. 685  
 inde, velut mixtis Vulcanius ardor harenis  
 verset aquas, sic ima fremunt fluctuque coacto  
 angitur et clausum scopulos super effluit aequor.  
 contra omnes validis tenui discrimine remis  
 pergere iter mediosque ratem transferre per ictus. 690  
 saxa sed extremis tamen increpuere corymbis  
 parsque (nefas) deprensa iugis, nam cetera caelo  
 debita. conclamant Minyae, latera utraque quippe  
 dissiluisse putant. fugit ipse novissimus ictus  
 Tiphys et <e> mediis sequitur freta rapta ruinis 695  
 nec prius obsessum scopulis respexit ad aequor  
 aut sociis temptata quies, nigrantia quam iam  
 litora longiniquae exirent flumina Rhebae.  
 tunc fessas posuere manus, tunc arida anhelii  
 pectora, discussa quales formidine Averni 700  
 Alcides Theseusque comes pallentia iungunt  
 oscula vix primis amplexi luminis oris.  
 nec vero ipse metus curasque resolvere ductor,  
 sed maria aspectans ' heu quidatus iste deorum  
 sorte labor nobis! serum ut veniamus ad amnem 705  
 Phasidis et mites' inquit ' ntevellera Colchi,  
 unde per hos iterum montes fuga?' alia fundit  
 imperio fixos Iovis aeternumque revinctos  
 nescius. id fati certa nam lege manebat,  
 siqua per hos undis umquam ratis isset apertis. 710  
 Tum freta, quae longis fuerant impervia saeculis,  
 ad subitam stupuerat ratem Pontique iacentis  
 omne solum regesque patent gentesque repostae.  
 non alibi effusis cesserunt longius undis  
 litora, non, tantas quamvis Tyrrhenus et Aegon 715  
 volvat aquas, geminis tot desint Syrtibus undae.  
 nam super huc vastos tellus quoque congerit amnes;  
 non septemgemini memorem quas exitus Histri,  
 quas Tanais flavusque Tyres Hypanisque Novasque  
 addat opes quantosque sinus Maeotia laxent 720  
 aequora. flumineo sic agmine fregit amari  
 vim salis hinc Boreae cedens glaciantibus auris  
 Pontus et exorta facilis concreescere bruma.  
 utque vel immotos Ursae rigor invehit amnes  
 vel freta versa vadis, hiemem sic unda per omnem 725  
 aut campo iacet aut tumido riget ardua fluctu,  
 atque hac Europam curvis anfractibus urget,  
 hac Asiam, Scythicum specie sinuatus in arcum.  
 illic umbrosae semper stant aequore nubes  
 et non certa dies, primo nec sole profundum 730



solvitur aut vernis cum lux aequata tenebris,  
sed redit extremo tandem in sua litora Tauro.

Iam Mariandynis advertit puppis harenis  
atque celer terras regemque exquirat Echion  
dicta ferens lectos (fama est si nominis umquam) 735

Haemoniae subiisse viros, det litora fessis.  
adproperat Lycus auditis laetatus Achivis  
ac simul Aesoniden omnemque in regia turbam  
tecta trahit modo Bebryciis praefixa tropaeis,  
mitis et in mediis effatur talia Grais: 740

' ~~aud~~ temere est, fato divum reor ad mea vectos  
litora vos, odium quibus atque eadem ira furentis  
Bebryciae saevaue pares de gente triumphis:  
certa fides animis, idem quibus incidit hostis.  
nos quoque, nos Amycum tanto procul orbe remoti 745  
sensimus et saevis frater mihi fusus harenis.

ultor ego atque illuc cunctis accensus in armis  
tunc aderam, cum vos mediis contenta ferebant  
vela fretis. illum in sanie taboque recenti  
vidimus aequoreo similem per litora monstro. 750

nec vero praerepta mihi suprema tyranni  
fata queror bello magis laetarer et armis  
procubuisse meis, quam lege quod occidit ultus  
ipse sua meritoque madent quod sanguine caestus.'  
excipit Aesonides: ' tuus ego in montibus ignis 755  
ille? tuas acies medio de gurgite vidi?'

fatur et ostentans prolem Iovis ' ~~hi~~ tibi Pollux  
en,' ait 'inviso solvit cui pectore poenas.'  
ille virum circa mirantia lumina volvit.  
festa dehinc mediis ineunt convivia tectis 760  
communesque vocant superos, quorum eruta nutu  
Bebrycia, et votis pariter praeda<que> fruuntur.

## Liber V

Altera lux haud laeta viris emersit Olympo:  
Argolicus morbis fatisque rapacibus Idmon  
labitur extremi sibi tum non inscius aevi.  
at memor Aesonides nimium iam vera locuti  
Phineos hinc alios raptō pavet Idmone luctus. 5  
tum comiti pia iusta tulit caelataque multa  
arte Dolionii donat velamina regis,  
hospes humum sedemque Lycus. flens arma revellit  
Idmonis e celsa Mopsus rate. robora caedunt  
pars silvis portantque arae, pars auguris alba 10  
fronde <caput> vittisque ligant positumque feretro  
congemuere; dies simul et suus admonet omnes.

Ecce inter lacrimas interque extrema virorum  
munera, quem cursus penes imperiumque carinae,  
Tiphyn agit violenta lues cunctique pavore 15  
attoniti fundunt maestas ad sidera voces:  
'arquipotens adverte, precor, nunc denique Apollo!  
hoc, pater, hoc nobis refove caput, ulla laboris  
si nostri te cura movet, qui cardine summo  
vertitur atque omnis manibus nunc pendet ab unis!' 20  
dicta dabant ventis nec debita fata movebant.  
qualem praecipiti gravidum iam sorte parentem  
natorum flet parva manus trepidique precantur  
duret ut invalidis et adhuc genitoris egenis,  
haud aliter socii supremo in tempore Tiphyn 25  
ante alios superesse volunt. mors frigida contra  
urget et ille recens oculis intervolat Idmon.  
exanimum frustra Minyae clamore morantur  
avellique negant: vix membra rigentia tandem  
imposuere rogo lacrimasque et munera flammis 30  
vana ferunt, crescit donis feralis acervus.  
ut vero amplexus fessi rupere supremos  
et rapidae sonuere faces, tunc ipsa cremari  
visa ratis medioque viros deponere ponto.  
non tulit Aesonius geminis flagrantia cernens 35  
corpora cara rogis, sed pectore ductor ab imo  
taliam voce gemit: 'quid tantum infensa repente  
numina? quas nostri poenas meruere labores?  
bina (nefas) toto pariter mihi funera surgunt  
litore. magna adeo comitum numerosaque pubes? 40  
aut socios rapit atra dies aut ipse relinquo  
sontibus impulsus Furiis. ubi Tiphys? ubi Idmon  
fata canens? ubi monstri feræ par ille novercae?  
te sine, Thespiade, nos ulla movebimus ultra

aequora? nec summa speculantem puppe videbo 45  
 Pleiadumque globos et agentes noctibus Arctos?  
 cui Minyas caramque ratem, cui sidera tradis?  
 carpere securas quis iam iubet Aesona noctes?  
 hoc labor, hoc dulci totiens fraudata sopore  
 lumina et admotis nimium mens anxia Colchis 50  
 profuit? heu quantum Phasis, quantum Aea recessit!  
 nunc quoque, si tenui superant in imagine curae,  
 adsis umbra, precor, venturi praescia caeli  
 rectoremque tuae moneas ratis.' haec ubi fatus,  
 sola virum flammis vidit labentibus ossa. 55  
 ' quodamen externis unum solamen in oris  
 restat,' ait 'caras humus haec non dividat umbras  
 ossaque nec tumulo nec separe contegat urna,  
 sed simul, ut iunctis venistis in aequora fatis.'  
 haud mora, reliquias socii defletaque miscent 60  
 nomina. tum vivo frondens e caespite tellus  
 aggeritur cinerem Lyco commendat Iason.  
 Maesti omnes dubiique, ratem fidissima cuius  
 dextra regat. simul Ancaeus sollersque petebat  
 Nauplius. Erginum fato vocat ipsa monenti 65  
 quercus et ad tonsas victi rediere magistri.  
 ac velut i<lle>, gregis cessit cui regia, taurus  
 fertur ovans, hunc omnis honos, hunc omnis in unum  
 transit amor. primo laetus sic tempore rector  
 ingreditur cursus. etenim dat candida certam 70  
 nox Helicen. iam prora fretum commoverat et iam  
 puppe sedes < . . > dimiserat ancora terras.  
 Inde premente noto tristes Acherusidos oras  
 praeterit et festa vulgatum nocte Lyaei  
 Callichoron. nec vana fides: his Bacchus in undis 75  
 abluit eoo rorantes sanguine thyrsos.  
 illum post acies rubrique novissima claustra  
 aequoris hic resides thiasos, hic aera moventem  
 udaqque pampinea nectentem cornua vitta  
 nunc etiam meministis, aquae, Boeotia qualem 80  
 Thyias et infelix cuperet vidisse Cithaeron.  
 Fama per extremos quin iam volat improba manes  
 interea et magnis natorum laudibus implet,  
 addita <ia>mque fretis repetens freta iamque patentem  
 Cyaneas. ardent avidos attollere vultus 85  
 quos pietas vel tangit adhuc quos aemula virtus.  
 fata immota manent; unum, qui litore in illo  
 conditus, ad carae mittunt spectacula turbae.  
 it Sthenelus. qualem Mavortia vidit Amazon  
 cumque suis comitem Alcides ut condidit armis, 90  
 talis ab aequorei consurgens aggere busti  
 emicuit. fulsere undae, sol magnus ut orbem  
 tolleret aut nubem quater<et> polus. atque ea vixdum

visa viris atra nox protinus abstulit umbra.  
 ille dolens altum repetit chaos. omina Mopsus 95  
 dum stupet, in prima tumulum procul aspicit acta  
 obnubensque caput cineri dat vina vocato.  
 carmina quin etiam visos placantia manes  
 Odrysius dux rite movet mixtoque sonantem  
 percutit ore lyram nomenque relinquit harenis.100  
 Altius hinc ventos recipit ratis ac fugit omne  
 Crobiali latus et fatis tibi, Tiphy, negatum  
 Parthenium, ante alios Triviae qui creditur amnis  
 fidus et Inopi materna gratior unda.  
 mox etiam Cromnae iuga pallentem<que> Cytoron 105  
 te cita penitus conduunt, Erythia, carina.  
 iamque reducebat noctem polus: alta Carambis  
 raditur et magnae pelago tremit umbra Sinopes.  
 Assyrios complexa sinus stat opima Sinope, 110  
 nympa prius blandosque Iovis quae luserat ignes  
 caelicolis immota procis: deceptus amatae  
 fraude deae nec solus Halys nec solus Apollo.  
 Addidit hic casu comites fortuna benigno  
 Autolycum Phlogiumque et Deileonta, secutos  
 Herculis arma viros. vagus hos ibi fixerat error. 115  
 ut Graiam videre manum puppemque Pelasgam  
 prima ruunt celeres ad litora seque precantur  
 accipiant socios. nova dux accedere gaudet  
 nomina desertos et iam sibi currere remos.  
 transit Halys longisque fluens anfractibus Iris 120  
 saevaque Thermodon medio sale murmura volvens,  
 Gradivo sacer et spoliis ditissimus amnis,  
 donat equos, donat votas cui virgo secures  
 cum redit ingenti per Caspia claustra triumpho  
 Massageten Medumque trahens. est vera propago 125  
 sanguinis, est ollis genitor deus. hinc magis alta  
 Haemonidae petere et monitus non temnere Phinei.  
 ipse autem comitum conversus ad ora novorum  
 ' vos mihi nunc pugnas' in 'et victricia' datur  
 ' Herculis arma mei vestrasque in litore Martis 130  
 interea memorate manus.' sic fatus et aegro  
 corde silens audit currus bellique labores  
 virginei, exciderit frenis quae prima remissis,  
 semianimem patrius quam sanguine vexerit amnis, 135  
 quae pelta latus atque umeros nudata pharetris  
 fugerit, Herculeae mox vulnere prensa sagittae,  
 utque securigeras stimulaverit Ira catervas  
 fleturusque pater, quantus duce terror in ipsa,  
 qui furor in signis, quo balteus arserit auro.  
 Nocte sub extrema clausis telluris ab antris 140  
 pervigil auditur Chalybum labor: arma fatigant  
 ruricolae, Gradive, tui; sonat illa creatrix

prima manus belli, terras crudelis in omnes.  
nam prius ignoti quam dura cubilia ferri  
eruerent ensesque darent, Odi aegra sine armis 145  
errabant Iraeque inopes et segnis Erinys.  
inde Genetaei rupem Iovis, hinc Tibarenum  
dant virides post terga lacus, ubi deside mitra  
feta ligat partuque virum fovet ipsa soluto.  
vos quoque non notae mirati vela carinae, 150  
Mossynoeci, et vos stabulis, Macrones, ab altis  
Byzeresque vagi Philyraeque a nomine dicta  
litora, quae cornu pepulit Saturnus equino.

Ultimus inde sinus saevumque cubile Promethei  
cernitur, in gelidas consurgens Caucasus Arctos. 155  
ille etiam Alciden Titania fata morantem  
attulerat tum forte dies iamque aspera nisu  
undique convellens veteris cum strage pruinae  
vincula presa manu saxis abduxerat imis  
arduus et laevo gravior pede. consonat ingens 160  
Caucasus et summo pariter cum monte secutae  
incubuere trabes abductaque flumina ponto.  
fit fragor, aetherias ceu Iuppiter arduus arces  
impulerit imas manus aut Neptunia terras.  
horruit immensum Ponti latus, horruit omnis 165  
Armeniae praetentus Hiber penitusque recusso  
aequore Cyaneas Minyae timuere relictas.  
tum gemitu propiore chalybs densusque revulsis  
rupibus audiri montis labor et grave Titan  
vociferans, fixos scopulis dum vellitur artus. 170  
contra autem ignari (quis enim nunc credat in illis  
montibus Alciden dimissave vota retemptet?)  
pergere iter socii. tantum mirantur ab alto  
litora discussa sterni nive ruptaque saxa  
et simul ingentem moribundae desuper umbram 175  
alitis atque atris rorantes imbribus auras.

Sol propius flammabat aquas extremaque fessis  
coeperat optatos iam lux ostendere Colchos,  
magnus ubi adversum spumanti Phasis in aequor 180  
ore ruit. cuncti pariter loca debita noscunt  
signaque commemorant emensasque ordine gentes  
dantque ratem fluvio. simul aethere plena corusco  
Pallas et alipedum Iuno iuga sistit equorum.

Ac dum prima gravi ductor subit ostia pulsu  
populeos flexus tumulumque virentia supra 185  
flumina cognati medio videt aggere Phrixi,  
quem comes infelix Pario de marmore iuxta  
stat soror, hinc saevae formidine maesta novercae,  
inde maris, pecudique timens imponere palmas.  
sistere tum socios iubet atque hinc prima ligari 190  
vincula, ceu Pagasas patriumque intraverit amnem.

ipse gravi patera sacri libamina Bacchi  
 rite ferens umbram vocat et sic fatur ad aras:  
 ' ~~q~~ genus atque pares tecum mihi, Phrixe, labores,  
 tu precor orsa regas meque his tuteris in oris 195  
 tot freta, tot ~durae properanti~ sidera passum.  
 Phrixe, fave et patrias < . . . > reminiscere terras.  
 tu quoque nunc, tumulo nequiquam condita inani,  
 adnue, diva maris, numeroque accede tuorum.  
 quando egomet rursus per te vehar? aurea quando 200  
 Seston et infaustos agnoscent vellera fluctus?  
 vos etiam, silvae, vos, Colchidos hospitis orae,  
 pandite dives ubi pellis micet arbore sacra.  
 tunc tibi, fecundi proles Iovis, orte nivali  
 Arcados axe deae, fluvio modo, Phasi, quieto 205  
 Palladium patiare ratem. nec dona nec arae  
 defuerint tellure mea: veneranda fluentis  
 effigies te, Phasi, manet, quam magnus Enipeus  
 et pater aurato quantus iacet Inachus antro.'  
 dixerat atque illi dextra sine versa magistri 210  
 protinus in proram rediit ratis omine certo  
 fluminis os pontumque tuens. 'promittis ut ecce  
 utque vocas, revehemur!' ~~i~~. sic deinde precatus  
 arma iubet celsa socios depromere puppe.  
 dona dehinc Bacchi casusque ut firmet in omnes 215  
 rapta Ceres viridesque premunt longo ordine ripas.  
 Incipe nunc cantus alios, dea, visaque vobis  
 Thessalici da bella ducis. non mens mihi, non haec  
 ora satis. ventum ad furias infandaque natae  
 foedera et horrenda trepidam sub virgine puppem; 220  
 impia monstiferis surgunt iam proelia campis.  
 ante dolos, ante infidi tamen exsequar astus  
 Soligenae falli meriti meritique relinqui,  
 inde canens: Scythica senior iam Solis in urbe  
 fata laborati Phrixus compleverat aevi. 225  
 illius extremo sub funere mira repente  
 flamma poli magnoque aries apparuit astro  
 aequora cuncta movens. at vellera Martis in umbra  
 ipse sui Phrixus monumentum insigne pericli  
 liquerat ardenti quercum complexa metallo. 230  
 quondam etiam tacitae visus per tempora noctis  
 effigie vasta socerumque exterruit ingens  
 prodita vox: '<o> qui patria tellure fugatum  
 quaerentemque domos his me considerare passus  
 sedibus, oblata generum mox prole petisti, 235  
 tunc tibi regnorum labes luctusque supersunt  
 rapta soporato fuerint cum vellera luco.  
 praeterea infernae quae nunc sacrata Dianae  
 fert castos Medea choros, quemcumque procorum  
 pacta petat, maneat regnis ne virgo paternis.' 240

dixit et admota pariter fatalia visus  
tradere terga manu, tum falso fusus ab auro  
currere per summi fulgor laquearia tecti.  
membra toris rapit ille tremens patriumque precatur  
numen et eoo surgentes litore currus: 245  
' ~~haec~~ tibi fatorum, genitor, tutela meorum,  
omnituens, tua nunc terris, tua lumina toto  
sparge mari. seu nostra dolos molitur opertos  
sive externa manus, primus mihi nuntius esto.  
tu quoque, sacrata rutilant cui vellera quercu, 250  
excubias, Gradive, tene. praesentia luco  
arma tubaeque sonent, vox et tua noctibus exstet.'  
vix ea, Caucaseis cum lapsus montibus anguis  
haud sine mente dei spiris nemus omne refusis  
implicuit Graiumque procul respexit ad orbem. 255  
ergo omnes prohibere minas praedictaque Phrixi  
invigilat, plena necdum Medea iuventa  
adnuitur thalamis Albani virgo tyranni.  
Interea auguriis monstribusque minacibus urbem  
territat ante monens semper deus et data seri 260  
signa mali, reddi iubet exitiale sacerdos  
vellus et Haemoniis infaustum mittere terris.  
contra Sole satus Phrixi praecepta volutans  
aegro corde negat nec vulgi cura tyranno  
dum sua sit modo tuta salus. tunc ordine regi 265  
proximus et frater materno sanguine Perses  
increpitare virum, sequitur duce turba reperto.  
ille furens ira solio se proripit alto  
praecipitatque patres ipsumque ut talibus ausis  
spem sibi iam rerum vulgi levitate serentem 270  
ense petit. rapit inde fugam crudelia Perses  
signa gerens omnemque quatit rumoribus Arcton.  
iamque aderat magnis regum cum milibus urbi  
primaque in adversos frustratus proelia muros  
constiterat. datus et sociis utrimque cremandis 275  
ille dies alterque dies, cum Marte remisso  
debitus Aeaes dux Thessalus adpulit oris.  
Nox hominum genus et duros mi<se>rata labores  
rettulerat fessis optata silentia terris.  
at Iuno et summi virgo Iovis intima secum 280  
consilia et varias sociabant pectore curas.  
virgo prior ' magna pariter quos mole petamus?  
cernis,' ~~ia~~ ' Colchos hancant quae proelia quique  
nunc status. hinc Perses, illinc non viribus aequis  
apparat Aeetes aciem. quibus addimur armis?' 285  
cui Iuno: ' dinte metus, ne proelia forte  
hinc tibi grata negem. < . . . > manet aegida sudor  
et nostros iam sudor equos. stat pectore fixum  
Aetae sociare manus. scio perfida regis

corda quidem, nullos Minyis exsolvet honores. 290  
 verum alios tunc ipsa dolos, alia orsa movebo.' –  
 ' sint pecor haec; tua namque mihi comitanda potestas,'  
 Pallas ait 'liceat Grais ut reddere terris  
 Aesonium caput et puppem, quam struximus ipsae,  
 iactatam tandem nostro componere caelo.' 295  
 talia tunc hominum superi pro laude movebant.  
 Tristior at numquam tantove paventibus ulla  
 nox Minyis egesta metu. nil quippe reperto  
 Phaside, nil domitis actum Symplegados undis  
 cunctaque adhuc, magni veniant dum regis ad urbem, 300  
 ambigua et dubia rerum pendentia summa.  
 praecipue Aesoniden varios incerta per aestus  
 mens rapit undantem curis ac multa novantem.  
 qualiter ex alta cum Iuppiter arce coruscat  
 Pliadas ille movens mixtumque sonoribus imbrem 305  
 horriferamve nivem, canis ubi tollitur omnis  
 campus aquis, aut sanguinei magna ostia belli  
 aut alios duris fatorum gentibus ortus,  
 sic tum diversis hinc atque hinc motibus anceps  
 pectora dux crebro gemitu quatit, optat et alium 310  
 iam iubar et certi tandem discriminis horas.  
 tunc defixa solo coetuque intenta silenti  
 versus ad ora virum ' quod primum ingentibus ausis  
 optavistis' ait ' alterumque quod horrui aetas, 315  
 adsumus en tantumque fretis enavimus orbem.  
 nec pelagi nos mille viae nec fama fefellit  
 Soligenam Aeeten media regnare sub Arcto.  
 ergo ubi lux altum sparget mare, tecta petenda  
 urbis et ignoti mens experienda tyranni.  
 adnuet ipse, reor, neque inexorabile certe 320  
 quod petimus. sin vero preces et dicta superbus  
 respuerit, iam nunc animos firmate repulsae  
 quaque via patriis referamus vellera terris,  
 stet potius: rebus semper pudor absit in artis.'  
 dixerat et Scythicam qui se comitentur ad urbem 325  
 sorte petit numeroque novem ducuntur ab omni.  
 inde viam, qua Circaei plaga proxima campi,  
 corripiunt regemque petunt iam luce reducta.  
 Forte deum variis per noctem territa monstros  
 senserat ut pulsas tandem Medea tenebras 330  
 rapta toris primi iubar ad placabile Phoebi  
 ibat et horrendas lustrantia flumina noctes.  
 namque soporatos tacitis in sedibus artus  
 dum premit alta quies nullaeque in virgine curae,  
 visa pavens castis Hecates excedere lucis, 335  
 dumque pii petit ora patris, stetit arduus inter  
 pontus et ingenti circum stupefacta profundo  
 fratre tamen conante sequi. mox stare paventes



viderat intenta pueros nece seque trementem  
 spargere caede manus et lumina rumpere fletu. 340  
 his turbata minis fluvios ripamque petebat  
 Phasidis aequali Scythidum comitante caterva.  
 florea per verni qualis iuga duxit Hymetti  
 aut Sicula sub rupe choros hinc gressibus haerens  
 Pallados, hinc carae Proserpina iuncta Dianae, 345  
 altior ac nulla comitum certante, priusquam  
 palluit et viso pulsus decor omnis Averno;  
 talis et in vittis geminae cum lumine taedae  
 Colchis erat nondum miseros exosa parentes.  
 ut procul extremi gelidis a fluminis undis 350  
 prima viros tacito vidit procedere passu,  
 substitit ac maesto nutricem adfata timore est:  
 ' quae manus haec, certo ceu me petat agmine, mater,  
 advenit haud armis, haud umquam cognita cultu?  
 quaere fugam, precor, et tutos circumspice saltus.' 355  
 audit virginei custos grandaeva pudoris  
 Henioche, cultus primi cui creditus aevi,  
 tum trepidam dictis firmans hortatur alumnam.  
 ' non tibi ab hoste minae nec vis' ait 'ulla propinquat  
 nec [te] metus: externo iam flammea murice cerno 360  
 tegmina, iam vittas frondemque imbellis olivae.  
 Graius adest, Graio sic cuncta simillima Phrixo.'  
 Sic ait. at Iuno, pulchrum longissima quando  
 robur cura ducis magnique edere labores,  
 mole nova et roseae perfudit luce iuventae. 365  
 iam Talaum iamque Ampyciden astroque comantes  
 Tyndaridas ipse egregio supereminet ore.  
 non secus autumnno quam cum magis asperat ignes  
 Sirius et saevo cum nox accenditur auro  
 luciferas crinita faces, hebet Arcas et ingens 370  
 Iuppiter. ast illum tanto non gliscere caelo  
 vellet ager, vellent calidis iam fontibus amnes.  
 regina, attonito quamquam pav<or> ore silentem  
 exanimet, mirata tamen paulumque reductis  
 passibus in solo stupuit duce. nec minus inter 375  
 ille tot ignoti socias gregis haeret in una  
 defixus sentitque ducem dominamque catervae.  
 ' si ca, si magni decus huc ades' inquit ' Olympi,  
 has ego credo faces, haec virginis ora Dianae,  
 teque renodatam pharetris ac pace fruentem 380  
 ad sua Caucaseae producunt flumina nymphae.  
 si domus in terris atque hinc tibi gentis origo,  
 felix prole parens olimque beatior ille,  
 qui tulerit longis et te sibi iunxerit annis.  
 sed fer opem, regina, viris! nos hospita pubes 385  
 advehimur, Graium proceres [ta] tua tecta petentes.  
 duc, precor, ad vestri quicumque est ora tyranni

ac tu prima doce fandi tempusque modumque.  
nam mihi sollicito deus ignaroque locorum  
te dedit, in te animos atque omnia nostra repono.'390

Dixit et opperrens trepidam stetit. illa parumper  
virgineo cunctata metu sic orsa vicissim:

'~~q~~em petis Aeeten genitor meus ipsaque iuxta  
moenia, si vivos possis discernere calles.  
hac adeo duce ferte gradus! ingentia namque 395  
castra alios aditus atque impius obsidet hostis.'  
dixerat haec patrium<que> viam detorquet ad amnem  
sacraque terrificae supplex movet inrita Nocti.

Ille autem inceptum famula duce protinus urget  
aere saeptus iter, patitur nec regia cerni 400  
Iuno virum, prior Aeetae ne nuntius adsit.

iamque inerat populo mediaeque incognitus urbi  
cum comes orsa loqui: ' Phoebi ~~g~~enitoris ad aras  
ventum.' ~~i~~ ~~h~~adytis iam se de more paternis  
rex feret, hic proceres audit populosque precantes 405  
adloquiis facilis: praesens pater admonet aequi.'

Dixerat. ast illi prope monstrata capessunt 426  
limina. non aliter quam si radiantis adirent 407

ora dei verasque aeterni luminis arces,  
tale iubar <per> tecta micat. stat ferreus Atlans  
Oceano genibusque tumens infringitur unda. 410

at medii per terga senis rapit ipse nitentes  
altus equos curvoque diem subtexit Olympo.  
pone rota brevior soror densaeque sequuntur  
Pliades et madidis rorantes crinibus ignes.  
nec minus hinc varia dux laetus imagine templi 415

ad geminas fert ora fores cunabula gentis  
Colchidos hic ortusque tuens, ut prima Sesostris  
intulerit rex bella Getis, ut clade suorum  
territus hos Thebas patriumque reducat ad amnem,  
Phasidis hos imponat agris Colchosque vocari 420

imperet. Arsinoen illi tepidaeque requirunt  
otia laeta Phari pinguemque sine imbribus annum  
et iam Sarmaticis permutant carbasa braxis.

barbarus in patriis sectatur montibus Aean  
Phasis amore furens. pavidas iacit illa pharetras 425

virgineo turbata metu, discursibus et iam 427

deficit ac volucris victam deus alligat unda.  
flebant populeae iuvenem Phaethonta sorores  
ater et Eridani trepidum globus ibat in amnem. 430

at iuga vix Tethys sparsumque recolligit axem  
et formidantem patrios Pyroenta dolores.

aurea quin etiam praesaga Mulciber arte  
vellera venturosque olim caelarat Achivos.  
textur Argea pinus Pagasaea securi 435  
iamque eadem remos, eadem dea flectit habenas,

ipsa subit nudaque vocat dux agmina dextra.  
 exoritur Notus et toto ratis una profundo  
 cernitur, Odrysio gaudebant carmine phocae.  
 apparent trepidi <per> Phasidis ostia Colchi 440  
 clamantemque procul linquens regina parentem.  
 urbs erat hinc contra gemino circumflua ponto,  
 ludus ubi et cantus taedaeque in nocte iugales  
 regalique toro laetus gener; ille priorem  
 deserit: ultrices spectant a culmine Dirae. 445  
 deficit in thalamis turbataque paelice coniunx  
 pallam et gemmiferae donum exitiale coronae  
 apparat ante omnes secum dequesta labores.  
 munere quo patrias paelex ornatur ad aras  
 infelix et iam rutilis correpta venenis 450  
 implicat igne domos. haec tum miracula Colchis  
 struxerat Ignipotens nondum noscentibus, ille  
 quis labor, aligeris aut quae secet anguibus auras  
 caede madens. odere tamen visusque reflectunt.  
 Quin idem Minyas operum defixerat error, 455  
 cum se Sole satus patriis penetralibus infert.  
 filius hunc iuxta primis Absyrtus in annis,  
 dignus avo quemque insontem meliora manerent.  
 tum gener Albanis Styrys qui advenerat oris,  
 distulerant sed bella toros. tum Phrontis et Argus 460  
 Aeolidae fraterque Melas, quos advena Phrixus  
 progenuit, pariterque levi Cytisorus in hasta.  
 post alii, quos praecipuo Titania tellus  
 legit honore patres, motique ad proelia reges.  
 admonet hic socios nebulamque erumpit Iason 465  
 sideris ora ferens; nova lux offusa Cytaeis.  
 conveniunt ~rogitant~que viros rogitantque, quid ausi  
 quidve ferant. postquam primis inhiantia dictis  
 agmina suppressumque videt iam murmur Iason  
 talia miranti propius tulit orsa tyranno: 470  
 'rex Hyperionide, quem per freta tanta petendum  
 caelicolae et prima dignum statuere carina,  
 siquando hic aliquam nostro satus orbe solebat  
 Thessaliam, siquos Phrixus memorare Pelasgos,  
 hi tibi tot casus, horrenda tot avia mensi 475  
 cernimur. ipse egomet proprio de sanguine Phrxi:  
 namque idem Cretheus ambobus et Aeolus auctor  
 cum Iove Neptunoque et cum Salmonide nympha.  
 me neque nunc enses araeque egere paternae  
 nec tua Thessalicis quamquam inclita nomina terris 480  
 sponte sequor. cui non iusso tot adire voluptas  
 monstra maris, cui Cyaneos intrare fragores?  
 scepra tui toto Pelias sub numine Phoebi  
 maxima sorte tenens totque illa ~cremantia~ clivos  
 oppida, tot vigili pulcherrima flumina cornu, 485

ille meum imperiis urget caput, ille labores  
 dat varios, suos ut magnum rex spargit ab Argis  
 Alciden, Sthenelo ipse satus. tamen aspera regum  
 perpetimur iuga nec melior parere recuso.

hic sibi me auratae pecudis quiscumque periclis 490  
 exuvias perferre iubet. tibi gratia nostri  
 sit precor haec meritique locus, quod iussa recepi  
 teque alium quam quem Pelias speratque cupitque  
 promisi et meliora tuae mihi foedera dextrae.

si petere hoc saevi statuissem sanguine belli, 495  
 Ossa dabat Pindusque rates quotque ante secuti  
 inde nec audacem Bacchum nec Persea reges.  
 sed me nuda fides sanctique potentia iusti  
 huc tulit ac medii sociatrix gratia Phrxi

iamque tibi nostra geniti de stirpe nepotes. 500  
 nec tamen aut Phrygios reges aut arva furentis  
 Bebryciae spernendus adi: seu fraude petivit  
 seu quis honore meos, sua reddita dona deumque  
 nos genus atque ratem magnae sensere Minervae.

vix tandem longis quaesitam Colchida votis 505  
 contigimus qualemque dabat te fama videmus.  
 tu modo ne claros Minyis invideris actus!  
 non aliena peto terrisve indebita nostris  
 (siquis et in precibus vero locus) atque ea Phrixo

crede dari, Phrixum ad patrios ea ferre penates. 510  
 munera tu contra victum mihi vecta per aequor  
 accipe, Taenarii chlamydem de sanguine aeni  
 frenaque et accinctum gemmis fulgentibus ensem:  
 hoc patrium decus, haec materni texta laboris,

his Lapithes adsuerat eques. da iungere dona, 515  
 da Scythicas sociare domos. sciat effera regis  
 ira mei, quem te horrifero sortitus in axe  
 Caucasus atque tuis quantum mitescat habenis.'

Talibus orantem vultu gravis ille minaci  
 iamdudum premit et furiis ignescit opertis. 520  
 ceu tumet atque imo sub gurgite concipit austros  
 unda silens, trahit ex alto sic barbarus iras  
 et nunc ausa viri, nunc heu sua prodita Grais  
 regna fremit. quin et facili sibi mente receptum

iam Phrixum dolet et Scythiae periisse timores. 525  
 nunc quassat caput ac iuvenis spes ridet inanes,  
 quid vesanus agat, quod vellera poscat ab angue.  
 urit et antiquae memorem vox praescia sortis:  
 cur simul ac Persen illinc sibi moverit atque hinc

Thessalicam fortuna ratem, num debitus ista 530  
 finis agat saevaeque petant iam vellera Parcae.  
 interea quoniam belli pugnaeque propinqua  
 cura prior, fingit placidis fera pectora dictis  
 reddit et haec: 'cuperem haut tali vos tempore tectis

advenisse meis, quo me gravis adsidet hostis. 535  
 frater enim--scepri sic omnibus una cupido--  
 excidium parat et castris me ingentibus urget.  
 quare age cognatas primum defendite sedes  
 nec decus oblatis dimiseris advena belli;  
 namque virum trahit ipse chalybs. tum vellera victor 540  
 tam meritis nec sola dabo.' contra inscius astus  
 'ergo nec hic nostris derat labor arduus actis'  
 excipit Aesonides 'et ceu nihil aequore passis  
 additus iste dies? veniant super haec quoque fato  
 bella meo? non hunc parva mihi caede dolorem 545  
 quasque dedit luet ille moras.' tum Castora mittit,  
 qui ferat Aeaëi sociis responsa tyranni.  
 acribus ast illos curis mora saeva trahebat  
 ac simul ut medio viderunt Castora campo  
 crebrior incussit mentem pavor. ' o Iovis alma 550  
 progenies, fare an patriam spes ulla videndi,  
 fare!' omnes, ille in mediis sic orsus Achivis:  
 ' ~~ec~~ ferus Aetes, ut fama, nec aurea nobis  
 terga negat, bello interea sed pressus iniquo  
 auxilium petit: armatos dux protinus omnes 555  
 accelerare iubet, longo nam tuta recessu  
 puppis et apposita fluviis defenditur urbe.'  
 Haud mora. prosiliunt quos nec Rhipaea iuventus  
 quos nec Hiber aut tota suis Aurora pharetris  
 sustineat. stetit explicito prius agmine pubes 560  
 expertique simul si tela artusque sequantur.  
 nec quisquam freta nec patrias iam respicit urbes,  
 sed magis ad praesens itur decus. incita cristas  
 aura quatit, variis floret via discolor armis,  
 qualis ab Oceano nitidum ~chorus~ aethera vestit, 565  
 qualibus adsurgens nox aurea cingitur astris.  
 illos Sole satus tacita maestissimus ira  
 miratur temere adsumptos nec talia mallet  
 robora quam medios hostem subiisse penates.  
 interea laeto patitur convivium cultu 570  
 et iuxta Aesoniden magno cratere lacessit  
 nunc sibi monstrantem natos Iovis oraque iuxta  
 Aeacidum, nunc ingentes Calydonis alumnos.  
 audit et Alciden infando errore relictum  
 defletosque duces terraeque marisque labores. 575  
 ipse autem tantis concita furoribus arma  
 expetit Aesonides et amicos ordine reges.  
 ' quis ~~po~~cul ille virum nobis, quem balteus asper  
 subligat et stricto stat proximus armiger arcu  
 ceu pugnam paret et positas confundere mensas?' 580  
 contra flammigeri proles Perseia Solis  
 ' ~~qm~~ rogitas, Carmeus.' ~~ia~~. 'mos comminus arma  
 semper habere viro, semper meminisse pharetrae.'

' Ilum' ~~ia~~ Aesonides 'pariter refer, horrida signis 587  
cui chlamys et multa spirat coma flexilis aura.'  
respicit Aeetes atque hunc quoque nomine reddit:  
' ~~di~~s Aron. croceos sic illius omnis odores 590  
iactat eques, cunctis sic est coma culta manipulis;  
sed ne sperne virum et comptis diffide capillis.  
Campesus hic spoliis in tigris. ille profundo  
incumbens Odrussa mero; viden alta comantem  
pectora et ingenti turbantem pocula barba?' 595  
hic et Iaxarten dictis stupet hospes acerbis  
immodicum linguaque gravem, cui nulla minanti  
non superum, non praesentis reverentia belli.  
contra autem Aeetes 'non frustra magna superbo  
dicta volant' ~~ai~~et vocem paria arma sequuntur 600  
nec requies quin Marte diem noctemque fatiget.  
atque ubi Rhipaea stupuerunt flumina bruma  
iam pavidi cum prole Getae, iam pervigil illum  
Medus et oppositis exspectat Hiberia claustris.  
quid Latagum, quid si amnigenam mirere Choaspen? 584  
bellatoris equi potantem cerne cruores  
nec tamen immissis hic segnior ibit habenis.  
hos autem quae quemque manus, <quae> signa sequantur 605  
si memorem, prius umentem lux solverit umbram.  
cras acies atque illa ducum cras regna videbis  
dissona, saxiferae surgat quibus imber habenae,  
quae iaculo gens apta levi, quae picta pharetris  
venerit. ingentes animo iam prospice campos 610  
atque hanc alipedi pulsantem corpora curru  
Euryalen, quibus exsultet Mavortia turmis  
et quantum elata valeat peltata securi,  
cara mihi et veras inter non ultima natas.'  
fatur et occiduo libat cratera parenti. 615  
quisque suis tum vota deis et pocula fundit,  
dent aciem, dent belligeros superare labores.  
Ecce autem Geticis veniens Gradivus ab antris  
ingentemque trahens Arctoa per aequora nubem  
aspicit Aeaea Minyas stupefactus in urbe 620  
ambitumque senem promissaque vellera puppi  
Thessalicae. citus ad summi stellantia patris  
tectata ruit questuque Iovem testatur acerbo:  
' ~~quae~~ studiis, rex magne, quies? iam mutua divi  
exitia in solos hominum molimur honores 625  
teque ea cuncta iuvant, rabidam qui Pallada caelo  
non abigis neque femineis ius obicis ausis.  
non queror exstructa quod vexerit ipsa carina  
vellera sacra meis sperantem avertere lucis  
quodque palam tutata viros. sic cetera pergat, 630  
si valet. insidiis quid nunc fallacibus ambit,  
nostra ut Phrixeo spolientur templa metallo?

non opus auxilio Colchis nec foedere vestro:  
 et Persen simul et Minyas deposcimus hostes.  
 quin age (quid tantae coeunt in proelia gentes, 635  
 quid tuus Aesonides?) imus nos, protinus imus  
 in nemus auriferum et sumptis decernimus armis?  
 vel tu sola polo tacitis inopina tenebris  
 labere: quantus ibi deus experiere nec illas  
 adstiteris impune trabes. an Martia templa 640  
 intemeranda minus, tantum mihi lucus et agger  
 quod rudis et sola colimur si gentibus umbra?  
 est amor et rerum cunctis tutela suarum.  
 et tibi, magne pater, terris donaria certant;  
 est honor his etiam silvis. ego cara Mycenes 645  
 culmina, virgineas praeder si Cecropis arces,  
 iam coniunx, iam te gemitu lacrimisque tenebit  
 nata querens. metuant ergo nec talia possint.'

Non tulit haec animis quin longa silentia Pallas  
 rumperet inridens strepitumque minasque Gradivi. 650  
 ' non tibi Aloidae quibus haec fera <mur>mura iactes,  
 non Lapithae, sed Pallas' ait 'neque ego aegide digna  
 nec vocer ulterius proles Iovis, excidat iste  
 ni tibi corde tumor: lituos miser armaque faxo  
 oderis et primis adimam tua nomina bellis. 655  
 quin simili matrem demens gravitate secutus?  
 digna quidem, monstrum superis quae tale creatit.  
 quod tamen adgressae scelus aut quo crimine sontes  
 si iuvenem, qui iussa sui tam dira tyranni  
 impavidus maria et nondum qui nota subibat, 660  
 iuvimus et magnis aliquam spem movimus ausis?  
 an nullas praeferre preces nec foedera regis  
 ulla sequi, caeca sed cuncta impellere pugna  
 debuimus? sic Thraces agunt, sic turbidus iste  
 siqua petit. cuperem haec etiamnum bella remitti 665  
 nec socias armare manus. da vellera, rector,  
 et medio nos cerne mari. quod sin ea Mavors  
 abnegat et solus nostris sudoribus obstat,  
 ibimus indecores frustra que tot aequora vectae?' --  
 'fas aliquid nequeat sit femina--' oeperat ardens 670  
 hic iterum alternis Mavors insurgere dictis.  
 excipit hinc contra pater et sic voce coercet:  
 ' quid, osane, fremis? cum vos iam paenitet acti  
 peccatumque satis, tunc ad mea iura venitis.  
 quolibet ista modo quacumque impellite pugna, 675  
 quae coepistis, habent quoniam sua fata furores.  
 te tamen hoc, coniunx, et te, mea nata, monebo:  
 sit Persen pepulisse satis nec vana retentet  
 spes Minyas finemve velint imponere bello.  
 illum etenim talis rerum manet, accipite, ordo: 680  
 victa retro nunc castra dabit bellumque remittet

territus adventu ducis et virtute Pelasgi.  
mox ubi Thessalicis referent hos flamina terris,  
tunc aderit victorque domos et scepra tenebit,  
donec et Aeeten inopis post longa senectae 685  
exilia, heu magnis quantum licet, impia, fatis,  
nata iuvet Graiusque nepos in regna reponat.  
hic labor amborum<que> haec sunt discrimina fratrum.  
vadite et adversis, ut quis volet, inruat armis.'

Dixerat. instaurat mensas pacemque reducit 690  
et iam sidereo noctem demittit Olympo.  
tunc adsuetus adest Phlegraeas [qui] reddere pugnas  
Musarum chorus et citharae pulsator Apollo  
fertque gravem Phrygius circum cratera minister.  
surgitur in somnos seque ad sua limina flectunt.



## Liber VI

At vigil isdem ardet furiis Gradivus et acri  
corde tumet nec quas acies, quae castra sequatur  
invenit. ire placet tandem[que] praesensque tueri,  
sternere si Minyas magnoque rependere luctu  
regis pacta queat Graiamque absumere pubem. 5  
impulit hinc currus monstrum inrevocabile belli  
concutiens Scythiaeque super tentoria sistit.  
protinus e castris fugit sopor: excita tela,  
turbati coiere duces. hos insuper ingens  
fama movet, rate quae sacra vulgabat Achivos 10  
advenisse sui repe<te>nte<s> vellera Phrivi,  
quos malus hospitio iunctaque ad foedera dextra  
luserit Aeetes atque in sua traxerit arma.

Ergo consiliis dum nox vacat alta movendis  
legatos placet ire duces mandataque Perses 15  
edocet, adfari Minyas fraudemque tyranni  
ut moneant. quinam hinc animos averterit error?  
se primum Haemoniis hortatum ea vellera terris  
reddere et exuvias pecudis dimittere sacrae:  
hinc odium et tanti venisse exordia belli. 20  
quin potius dextramque suam suaque arma sequantur  
aut remeant (neque enim Aeetae promissa fidemque  
esse loco). abstineant alienae sanguine pugnae.  
non illos ideo tanti venisse labores  
per maris. ignotis quid opus concurrere nec quos 25  
oderis? haec medio Perses dum tempore mandat,  
aureus effulsit campis rubor armaque et acres  
sponte sua strepuere tubae. Mars saevus ab altis  
' hostis io,' onclamat equis 'agite ite [ite], propinquat!  
ac simul hinc Colchos, hinc fundit in aequora Persen. 30  
[tum gens quaeque suis commisit proelia telis  
voxque dei pariter pugnas audita per omnes.]

Hinc age Rhipaeo quos videris orbe furores,  
Musa, mone, quanto Scythiam molimine Perses  
concierit, quis fretus equis per bella virisque. 35  
verum ego nec numero memorem nec nomine cunctos  
mille vel ora movens. neque enim plaga gentibus ulla  
ditior: aeterno quamquam Maeotia pubes  
Marte cadat, pingui numquam tamen ubere defit  
quod geminas Arctos magnumque quod impleat Anguem 40  
ergo duces solasque, deae, mihi promite gentes.

Miserat ardentis mox ipsa secutus Alanos  
Heniochosque truces iam pridem infensus Anausis,  
pacta quod Albano coniunx Medea tyranno,

nescius heu quanti thalamos ascendere monstri arserit atque urbes maneat qui terror Achaeas, gratior ipse deis orbaque beatior aula.	45
proxima Bisaltae legio ductorque Colaxes, sanguis et ipse deum, Scythicis quem Iuppiter oris progenuit viridem Myracen Tibisenaque iuxta ostia, semifero--dignum si credere--captus corpore, nec nymphae geminos exhorruit angues. cuncta phalanx insigne Iovis caelataque gestat tegmina dispersos trifidis ardoribus ignes; nec primus radios, miles Romane, corusci fulminis et rutilas scutis diffuderis alas.	50 55
insuper auratos collo gerit ipse dracones, matris Horae specimen, linguisque adversus utrimque congruit et tereti serpens dat vulnere gemmae. tertius unanimis veniens cum milibus Auchus Cimmerias ostentat opes, cui candidus olim crinis inest, natale decus; dat longior aetas iam speciem; triplici percurrens tempora nodo demittit sacro geminas a vertice vittas.	60
Datin Achaemeniae gravior de vulnere pugnae misit in arma Daraps, acies quem Martia circum Gangaridum potaque Gerus quos efferat unda quique lacum cinxere Bycen. non defuit Anxur, non Radalo cum fratre Sydon, Acesinaque laevo omine fatidicae ~Phrixus~ movet agmina cervae.	65 70
ipsa comes saetis fulgens et cornibus aureis ante aciem celsi vehitur gestamine conti maesta nec in saevae lucos reditura Dianae. movit et Hylaea supplex cum gente Syenen impia germani praetentans vulnera Perses. densior haud usquam nec celsior extulit ulla silva trabes fessaeque prius rediere sagittae <.....>	75
quin et ab Hyrcanis Titanius expulit antris Ciris in arma viros plaustrisque ad proelia cunctas Coelaetae traxere manus. ibi sutilis illis est domus et crudo residens sub vellere coniunx et puer e primo torquens temone cateias. linquitur abruptus pelago Tyra, linquitur et mons Ambenus et gelidis pollens Ophiusa venenis degeneresque ruunt Sindi glomerantque paterno crimine nunc etiam metuentes verbera turmas. hos super aeratam Phalces agit aequore nubem cum fremitu densique levant vexilla Coralli, barbaricae quis signa rotae ferrataque dorso forma suum truncaequae, Iovis simulacra, columnae. proelia nec rauco curant incendere cornu indigenas sed rite duces et prisca suorum	80 85 90

facta canunt veterumque, viris hortamina, laudes.  
 ast ubi Sidonicas inter pedes aequat habenas 95  
 illinc iuratos in se trahit Aea Batarnas,  
 quos duce Teutagone crudi mora corticis armat  
 aequaque nec ferro brevior nec rumpia ligno.  
 nec procul albentes gemina ferit aclyde parmas  
 hiberni qui terga Novae gelidumque securi 100  
 eruit et tota non audit Alazona ripa.  
 < . . . . . > 101a  
 quosque Taras niveumque ferax Euarchus olorum.  
 te quoque venturis, ingens Ariasmene, saeculis  
 tradiderim, molem belli lateque ferentem  
 undique falcatos deserta per aequora currus. 105  
 insequitur Drangea phalanx claustrisque profusi  
 Caspiadae, quis turba canum non segnius acres  
 exsilit ad lituos pugnasque capessit eriles.  
 inde etiam par mortis honos tumulisque recepti  
 inter avos positusque virum. nam pectora ferro 110  
 terribilesque innexa iubas ruit agmine nigro  
 latratu<que> cohors quanto sonat horrida Ditis  
 ianua vel superas Hecates comitatus in auras.  
 ducit ab Hyrcanis vates sacer agmina lucis  
 Vanus, eum Scythiae iam tertia viderat aetas 115  
 magnanimos Minyas Argoaque vela canentem.  
 illius et dites monitis spondentibus Indi  
 et centumgeminae Lagea novalia Thebes  
 totaque Rhipaeo Panchaia rapta triumpho.  
 discolor hastatas effudit Hiberia turmas, 120  
 quas Otaces, quas Latris agunt, et raptor amorum  
 Neurus et expertes canentis Iazyges aevi.  
 namque ubi iam vires gelidae notusque refutat  
 arcus et inceptus iam lancea temnit eriles  
 magnanimis mos ductus avis haud segnia mortis 125  
 iura pati, dextra sed carae occumbere prolis  
 ense dato, rumpuntque moras natusque parensque,  
 ambo animis, ambo miri tam fortibus actis.  
 hic et odorato spirantes crine ~Mycael~  
 Cessaeaeque manus et qui tua iugera nondum 130  
 eruis, ignotis insons Arimaspe metallis,  
 doctus et Auchates patulo vaga vincula gyro  
 spargere et extremas laqueis adducere turmas.  
 non ego sanguineis gestantem tympana bellis  
 Thyrsaget<en> cinctumque vagis post terga silebo 135  
 pellibus et nexus viridantem floribus hastas.  
 fama ducem Iovis et Cadmi de sanguine Bacchum  
 hac quoque turiferos, felicia regna, Sabaeos,  
 hac Arabas fudisse manu, mox rumperet Hebri  
 cum vada Thyrsagetas gelida liquisse sub Arcto. 140  
 illis omnis adhuc veterum tenor et sacer aeris

pulsus et eoae memoratrix tibia pugnae.  
 iungit opes Emeda suas, sua signa secuti  
 Exomatae Torynique et flavi crine Satarchae.  
 mellis honor Torynis, ditant sua mulctra Satarchen, 145  
 Exomatas venatus alit nec clarior ullis  
 Arctos equis. abeunt Hypanin fragilemque per undam  
 tigridis aut saevae profugi cum prole leaenae  
 maestaque suspectae mater stupet aggere ripae.  
 impulit et dubios Phrixei velleris ardor 150  
 Centoras et diros magico terrore Choatras.  
 omnibus in superos saevus honor, omnibus artes  
 monstrificae, nunc vere novo compescere frondes,  
 nunc subitam trepidis Maeotin solvere plaustris.  
 maximus hos inter Stygia venit arte Coastes. 155  
 sollicitat nec Martis amor, sed fama Cytaeae  
 virginis et paribus spirans Medea venenis.  
 gaudet Averno palus, gaudet iam nocte quieta  
 portitor et tuto veniens Latonia caelo.  
 ibant et geminis aequantes cornibus alas 160  
 Balloniti comitumque celer mutator equorum  
 Moesus et ingentis frenator Sarmata conti.  
 nec tot ab extremo fluctus agit aequore nec sic  
 fratribus adversa Boreas respondet ab unda  
 aut is apud fluvios volucrum canor, aethera quantus 165  
 tunc lituum concentus adit lymphataque miscet  
 milia, quot foliis, quot floribus incipit annus.  
 ipse rotis gemit ictus ager tremibundaque pulsu  
 nutat humus, quatit ut saevo cum fulmine Phlegram  
 Iuppiter atque imis Typhoea verberat arvis. 170  
 Prima tenent illinc patriis Absyrtus in armis  
 et gener ingentesque inter sua milia reges.  
 at circa Aesoniden Danaum manus ipsaque Pallas  
 aegide terrifica, quam nec dea lassat habendo  
 nec pater horrentem colubris vultuque tremendam 175  
 Gorgoneo. nec semineces ostendere crines  
 tempus adhuc primasque sinit concurrere pugnas.  
 impulit hos contra Mavors pater et mala leti  
 Gaudia Tisiphoneque caput per nubila tollens  
 ad sonitum litui mediaque altissima pugna 180  
 necdum clara quibus sese Fuga mentibus addat.  
 Illi ubi consertis iunxere frementia telis  
 agmina virque virum galeis adflavit adactis  
 continuo hinc obitus perfractaque caedibus arma  
 corporaque, alternus cruor alternaeque ruinae. 185  
 volvit ager galeas et thorax erigit imbres  
 sanguineos. hinc barbarici glomerantur ovatus,  
 hinc gemitus mixtaeque virum cum pulvere vitae.  
 Caspius Aeaum correpto crine Monesen  
 abstulit; hinc pariter Colchi Graique sequuntur 190

missilibus; rapit ille necem praedamque relinquit  
 nec sociis iam cura viri. Dipsanta Caresus  
 Strymonaque obscura spargentem vulnera funda  
 deicit. Albani cadit ipse Chremedoni[di]s hasta  
 iamque latet currusque super turmaeque feruntur. 195  
 processere Melas et Idasmenus. incipit hasta  
 ante Melas, levis ast abies elusit utrumque.  
 ensibus inde ruunt. prior occupat aere citato  
 cassidis ima Melas, infracta est vulnere cervix.  
 mixta perit virtus: nescit cui debeat Ocheus 200  
 aut cui fata Tyres. dum sibila respicit Iron  
 cuspidis Argivae, Pyliam latere accipit hastam.  
 Viderat Hyrcanos paribus discurrere fratres  
 Castor equis, pater armento quos dives ab omni  
 nutrierat fatisque viam monstra<ra>t iniquis. 205  
 tum magis atque magis peditem candore notato  
 Tyndariden incendit amor. simul obvius hastam  
 pectus in adversum ~gleacit~ alipedemque  
 insilit excusso victor duce. risit ab alta  
 nube pater prensisque equitem cognovit habenis. 210  
 at pariter luctuque furens visuque Medores  
 Tyndariden petit et superos sic voce precatur:  
 ' huc age vel caeso comitem me reddite fratri!  
 primus at hic nostra sonipes cadat impius hasta  
 credita qui misero non rettulit arma parenti 215  
 meque venit contra captivaque terga ministrat.'  
 dixerat, Actaei sed eum prior hasta Phaleri  
 deicit; ad socias sonipes citus effugit alas.  
 Quis tibi fatales umquam metuisset Amyclas  
 Oebaliamque manum, tot, Rhyndace, montibus inter 220  
 diviso totidemque fretis? cadit impiger una  
 inguine transfosso clari Taulantis alumnus  
 semidea genetrice Tages, cui plurima silvis  
 pervigilat materna soror cultusque laborat.  
 tenuia non illum candentis carbasa lini, 225  
 non auro depicta chlamys, non flava galeri  
 caesaries pictoque iuvant subtegmine braciae.  
 iamque novus mediae stupefacta per agmina pugnae  
 vadit eques densa spargens hastilia dextra  
 fulmineumque viris profundens ingerit ensem 230  
 huc alternus et huc, cum saevior ecce iuventus  
 Sarmaticae coiere manus fremitusque virorum  
 semiferi. riget his molli lorica catena,  
 id quoque tegmen equis; at equi porrecta per armos  
 et caput ingentem campis hostilibus umbram 235  
 fert abies obnixa genu vaditque virum vi,  
 vadit equum, docilis relegi docilisque relinqui  
 atque iterum medios non altior ire per hostes.  
 orbibus hos rapidis mollique per aequora Castor

anfractu levioris equi deludit anhelos 240  
 immemoresque mori; sed non isdem artibus aequae  
 concurrunt ultroque ruunt in funera Colchi.  
 Campesus impacta latus inter et ilia quercu  
 tollitur ac mediam moriens descendit in hastam.  
 Oebasus infestum summisso poplite Phalcen 245  
 evasisse ratus laevum per luminis orbem  
 transigitur; tenerae tinguuntur vulnere malae.  
 contra autem geminis fidens thoracibus ictum  
 sustulit et gladio Sibotes ferit ultima teli  
 nequiquam. iam cuspis inest nec fragmina curat 250  
 Ambenus et trunco medium subit Ocrea ligno.  
 seminecem Taxes Hypanin vehit atque remissum  
 pone trahit fugiens et cursibus exiit hastam  
 dumque recollectam rursus locat, inruit ultro  
 turbatumque Lacon et adhuc invadit inermem. 255  
 impulit adverso praeceps equus Onchea conto  
 nequiquam totis revocantem viribus armos  
 in latus. accedit sonipes, accedit et ipse  
 frigidus. arma cadunt, rorat procul ultima cuspis.  
 qualem populeae fidentem nexibus umbrae 260  
 siquis avem summi deducat ab aere rami  
 ante manu tacita cui plurima crevit harundo;  
 illa dolis viscoque super correpta sequaci  
 implorat ramos atque inrita concitat alas.  
 Parte alia infestis (nam fors ita iunxit) in armis 265  
 Styryus adest laetusque virum cognoscit Anausis  
 et prior 'en cuius thalamis Aetia virgo  
 dicta manet nostrosque feret qui victor amores.  
 non' ~~in~~ 'invitoque gener mutabere patri.'  
 tum simul adversas conlatis cursibus hastas 270  
 coniciunt, fugit adductis Albanus habenis  
 saucius atque datum leto non sperat Anausin  
 nec videt. ille autem telo moribundus adacto  
 'ad soceros pactaeque sinus en coniugis,' inquit  
 'Stre, fugis vulnus referens, quod carmine nullo 275  
 sustineat nullisque levet Medea venenis.'  
 dixerat, extremus cum lumina corripit error  
 voxque repressa gelu percussaue vertice tellus.  
 Hinc animos acies auget magnoque doloris  
 turbine Gesandrum Mavors rapit. ille morantes 280  
 increpat et stricto sic urget Iazygas ense:  
 'ompe omnes cecidere senes, nempe omnis ademptus  
 ante pater. quae vos subito tam foeda senectus  
 corripuit fregitque animos atque abstulit iras?  
 aut mecum mediam, iuvenes, agite ite per urbem 285  
 Argolicamque manum aut caris occumbite natis.'  
 inruit et patrias coeptis ferus advocat umbras:  
 'sacte mihi Vorapte pater, tua pectora nato

suggere nunc animamque parem, si fata peroso  
 tarda tibi turpesque moras non segnius ipsi                   290  
 paruimus parvique ea<de>m didicere nepotes.'  
 haec ait auditusque Erebo. tunc corripit ensem  
 turbidus et furiis ardens quatit arma paternis.  
 indigenis sacratus aquis magnique sacerdos  
 Phasidis Arctois Aquites errabat in armis                   295  
 (populeus cui frondis honor conspectaque glauco  
 tempora nectuntur ramo) te, Cyrne, parentis  
 immemorem durae cupiens abducere pugnae.  
 iamque omnes impune globos diversaque lustrans  
 agmina non usquam videt utque iterum intrat < . . . >                   300  
 vociferans, iterum belli diversa peragrat,  
 lancea caeruleas circum strepit incita vittas.  
 opprimit admissis ferus hinc Gesander habenis.  
 ille manum trepidans atque inrita sacra tetendit  
 ' et quae per hanc, genitor,' inquit ' tibi manet, oro                   305  
 canitiem, compesce minas et sicubi nato  
 parce meo!' dixit. contra sic victor adacto  
 ense refert: ' genitor, turpi durare senecta  
 quem mihi reris adhuc, ipse hac occumbere dextra  
 maluit atque ultro segnes abrumpere metas.                   310  
 et tibi si pietas nati, si dextra fuisset,  
 haud medii precibus tereres nunc tempora belli,  
 praeda future canum. iuveni sors pulchrior omnis:  
 et certasse manu decet et caruisse sepulchro.'  
 dixerat. ille deos moriens caelumque precatur,                   315  
 dextera ne misero talis foret obvia nato.  
 Te quoque, Canthe, tui non inscia funeris Argo  
 flevit ab invita rapientem tela carina.  
 iam Scythicos miserande sinus, iam Phasidis amnem  
 contigeras nec longa dies, ut capta videres                   320  
 vellera et Euboicis patrios de montibus ignes.  
 illum ubi congressu subiit Gesander iniquo  
 territat his: ' tu quia faciles hominumque putasti  
 has, Argive, domos, alium hic miser aspicias annum  
 altricemque nivem festinaque taedia vitae.                   325  
 non nos aut levibus componere bracchia remis  
 novimus aut ventos opus exspectare ferentes:  
 imus equis qua vel medio riget aequore pontus  
 vel tumida fremit Hister aqua. nec moenia nobis  
 vestra placent: feror Arctois nunc liber in arvis                   330  
 cuncta tenens; mecum omnis amor iacturaque plaustrum  
 sola nec hac longum victor potiere rapina.  
 ast epulae quodcumque pecus, quaecumque ferarum.  
 mitte Asiae, mitte Argolicis mandata colonis,  
 ne trepident. numquam has hiemes, haec saxa relinquam,                   335  
 Martis agros, ubi tam saevo duravimus amne  
 progeniem natosque rudes, ubi copia leti

tanta viris. sic in patriis bellare pruinis  
 praedarique iuvat talemque hanc accipe dextram!  
 dixit et Edonis nutritum missile ventis 340  
 concitat. it medium per pectus et horrida nexu  
 letifer aera chalybs. trepidus super advolat Idas  
 ac simul Oenides pariterque Menoetius et qui  
 Bebrycio ~propius~ remeavit ab hospite victor.  
 at vero ingentem Telamon procul extulit orbem 345  
 exanimem te, Canthe, tegens. ceu saeptus in arto  
 dat catulos post terga leo, sic comminus astat  
 Aeacides gressumque tenet contraque ruentem  
 septeno validam circumfert tegmine molem.  
 nec minus hinc urget Scythiae manus armaque Canthi 350  
 quisque sibi et Graio poenam de corpore poscens.  
 arduus inde labos medioque in corpore pugna  
 conseritur. magno veluti cum turbine sese  
 ipsius Aeoliae frangunt in limine venti,  
 quem pelagi rabies, quem nubila quemque sequatur 355  
 ille dies, obnixa virum sic comminus haeret  
 pugna nec arrepto pelli de corpore possunt.  
 ut bovis exuvias multo qui frangit olivo  
 dat famulis, tendunt illi tractuque vicissim  
 taurea terga domant, pingui fluit unguine tellus. 360  
 talis utrimque labos raptataque limite in arto  
 membra viri miseranda meant. hi tendere contra,  
 hi contra alternaeque virum non cedere dextrae.  
 hinc medium Telamon Canthum rapit, hinc tenet ardens  
 colla viri et molles galeae Gesander habenas, 365  
 insonuit quae lapsa solo dextramque fefellit.  
 ille iterum in clipei septemplicis improbus orbem  
 arietat et Canthum sequitur Canthumque reposit,

quem manus a tergo socium rapit atque receptum  
 virginis Euryales curru locat. advolat ipsa 370  
 ac simul Haemonidae Gesandrumque omnis in unum  
 it manus. ille novas acies et virginis arma  
 ut videt ' haetiam contra bellabimus?' riquit  
 ' tu pudor!' in Lycen ferit ad confine papillae,  
 inde Thoen, qua pelta vacat iamque ibat in Harpen 375  
 vixdum prima levi ducentem cornua nervo  
 et labentis equi tendentem frena Menippen,  
 cum regina gravem nodis auroque securem  
 congeminans partem capitis galeaeque ferinae  
 dissipat. hic pariter telorum immanis in unum 380  
 it globus. ille diu coniectis sufficit hastis--  
 quin [etiam] gravior nutuque carens exterruit Idan--,  
 tunc ruit ut montis latus aut ut machina muri,  
 quae scopulis trabibusque diu confectaque flammis  
 procubuit tandem atque ingentem propulit urbem. 385  
 Ecce locum tempusque ratus iamque et sua posci



proelia falcatos infert Ariasmenus axes  
 saevaque diffundit socium iuga protinus omnes  
 Graiugenas, omnes rapturus acumine Colchos. 390  
 qualiter exosus Pyrrhae genus aequora rursus  
 Iuppiter atque omnes fluvium si fundat habenas,  
 ardua Parnasi lateant iuga, cesserit Othrys  
 piniger et mersis decrescant rupibus Alpes:  
 diluvio tali paribusque Ariasmenus urget  
 excidiis nullo rapiens discrimine currus. 395  
 aegida tum primum virgo spiramque Medusae  
 ter centum saevis squalentem sustulit hydris,  
 quam soli vidistis, equi. pavor occupat ingens  
 excussis in terga viris diramque retorquent  
 in socios non sponte luem. tunc ensibus uncis 400  
 implicat et trepidos lacerat discordia currus.  
 Romanas veluti saevissima cum legiones  
 Tisiphone regesque movet, quorum agmina pilis,  
 quorum aquilis utrimque micant eademque parentes 405  
 rura colunt, idem lectos ex omnibus agris  
 miserat infelix non haec ad proelia Thybris:  
 sic modo concordem externaque fata petentes  
 Palladii rapere metus, sic in sua versi  
 funera concurrunt dominis revocantibus axes.  
 non tam foeda virum Laurentibus agmina terris 410  
 eiecere Noti, Libyco nec talis imago  
 litore cum fractas involvunt aequora puppes.  
 hinc biiuges, illinc artus tenduntur eriles  
 quos radii, quos frena secant trahiturque trahiturque  
 currus caede madens atque in pulvere regum 415  
 viscera nunc aliis, aliis nunc curribus haerent.  
 haud usquam Colchorum animi ~neque in peste revinctos~  
 tela, sed implicitos miseraque in peste revinctos  
 confodiunt ac forma necis non altera surgit  
 quam cervos ubi non Umbro venator edaci, 420  
 non penna petit, haerentes sed cornibus altis  
 invenit et caeca constrictos occupat ira.  
 ipse recollectis audax Ariasmenus armis  
 desilit. illum acies curvae secat undique falcis  
 partiturque rotis atque inde furentia raptus 425  
 in iuga Circaeos tetigit non amplius agros.

Talia certatim Minyae sparsique Cytaei  
 funera miscebant campis Scythiamque premebant.  
 cum Iuno Aesonidae non hanc ad vellera cernens  
 esse viam nec sic reditus regina parandos 430  
 extremam molitur opem, funesta priusquam  
 consilia ac saevas aperit rex perfidus iras.  
 increpat et seris Vulcanum maesta querellis,  
 cuius flammiferos videt inter regia tauros  
 pascua Tartaream proflantes pectore noctem. 435

haec etenim Minyas ne iungere Marte peracto  
 monstra satis iubeat Cadmei dentibus hydri  
 ante diem, timet et varias circumspicit artes.  
 sola animo Medea subit, mens omnis in una  
 virgine, nocturnis qua nulla potentior aris. 440  
 illius adflatus sparsosque per avia sucos  
 sidera fixa pavent et avi stupet orbita Solis.  
 mutat agros fluviumque vias, ~suus~ alligat ignis  
 ~cuncta sopor~ recolit fessos aetate parentes  
 datque alias sine lege colus. hanc maxima Circe 445  
 terrificis mirata modis, hanc advena Phrixus  
 quamvis Atracio lunam spumare veneno  
 sciret et Haemoniis agitari cantibus umbras.  
 ergo opibus magicis et virginitate tremendam  
 Iuno duci sociam coniungere quaerit Achivo. 450  
 non aliam tauris videt et nascentibus armis  
 quippe parem nec quae medio stet in agmine flammae,  
 nullum mente nefas, nullos horrescere visus:  
 quid si caecus amor saevusque accesserit ignis?  
 hinc Veneris thalamos semperque recentia sertis 455  
 tecta petit. visa iamdudum prosilit altis  
 diva toris volucrumque exercitus omnis Amorum.  
 ac prior hanc placidis supplex Saturnia dictis  
 adgreditur veros metuens aperire timores.  
 ' in manibus spes nostra tuis omnisque potestas 460  
 nunc.' ait ' hoc etiam magis adnue vera fatenti.  
 durus ut Argolicis Tirynthius exsulat oris  
 mens mihi non eadem Iovis atque adversa voluntas,  
 nullus honor thalamis flammaeve in nocte priores.  
 da, precor, artificis blanda adspiramina formae 465  
 ornatusque tuos terra caeloque potentes!  
 sensit diva dolos iam pridem sponte requirens  
 Colchida et invisi genus omne excindere Phoebi.  
 tum vero optatis potitur nec passa precari 470  
 ulterius dedit acre decus fecundaque monstris  
 cingula, non pietas quibus aut custodia famae,  
 non pudor, at contra levis et festina cupido  
 adfatusque mali dulcisque labantibus error  
 et metus et demens alieni cura pericli.  
 ' omnia in imperium natorumque arma meorum 475  
 cuncta dedi. quascumque libet nunc concute mentes.'  
 Cingitur arcanis Saturnia laeta venenis  
 atque hinc virgineae venit ad penetralia sedis  
 Chalciopen imitata sono formaque sororem.  
 fulsit ab invita numen procul et pavor artus 480  
 protinus atque ingens Aetida perculit horror.  
 'ergo nec ignotis Minyas huc fluctibus' inquit  
 'advenisse, soror, nec nostro sola parenti  
 scis socias iunxisse manus? at cetera muros

turba tenet fruiturque virum caelestibus armis. 485  
 tu thalamis ignava sedes, tu sola paterna  
 fixa domo, tales quando tibi cernere reges?  
 illa nihil contra. nec enim dea passa manumque  
 implicat et rapidis mirantem passibus aufert.  
 ducitur infelix ad moenia summa futuri 490  
 nescia virgo mali et falsae commissa sorori,  
 lilia per vernos lucent velut alba colores  
 praecipue, quis vita brevis totusque parumper  
 floret honor, fuscis et iam Notus imminet alis.  
 hanc residens altis Hecate Perseia lucis 495  
 flebat et has imo referebat pectore voces:  
 ' cseris heu nostrum nemus aequalesque catervas,  
 a misera, ut Graias haud sponte vageris ad urbes.  
 non invisata tamen neque te, mea cura, relinquam.  
 magna fugae monumenta dabis, spernere nec usquam 500  
 mendaci captiva viro meque ille magistram  
 sentiet et raptu famulae doluisse pudendo.'  
 dixerat. ast illae murorum extrema capessunt  
 defixaeque virum lituumque fragoribus horrent,  
 quales instanti nimborum frigore maestae 505  
 succedunt ramis haerent<que> pavore volucres.  
 Iamque Getae iamque omnis Hiber Drangeaque densa  
 strage cadit legio et latis prosternitur arvis.  
 semineces duplicesque inter sua tela suosque  
 inter equos saevam misero luctamine versant 510  
 congeriem et longis campos singultibus implent.  
 victores patrium contra paeana Geloni  
 congeminant, eadem redeunt mox gaudia victis  
 qua deus et melior belli respexit imago.  
 Quis tales obitus dederit, quis talia facta 515  
 dic age tuque feri reminiscere, Musa, furoris.  
 Absyrtus clipei radiis curruque coruscus  
 Solis avi (cuius vibrantem cominus hastam  
 cernere nec galeam gentes potuere minantem,  
 sed trepidae redeunt et verso vulnera tergo 520  
 accipiunt magnisque fugam clamoribus augent)  
 proterit impulsu gravis agmina corporaque atris  
 sternit equis gemitusque premit spirantis acervi.  
 nec levior comitatur Aron, horrentia cuius  
 discolor arma super squalentesque aere lacertos 525  
 barbarica chlamys ardet acu tremefactaque vento  
 implet equum, qualis roseis it Lucifer alis,  
 quem Venus inlustri gaudet producere caelo.  
 at non inde procul Rambelus et acer Otaxes  
 dispulerant Colchos pariterque inglorius Armis, 530  
 fraude nova stabula et furtis adsuetus inultis  
 depopulare greges frontem cum cornibus auxit  
 hispidus inque dei latuit terrore Lycae;

hac tunc attonitos facie defixerat hostes.  
 quem simul ac nota formidine bella moventem 535  
 vidit Aron, 'pavidos te' inquit ' nuncere magistros  
 et stolidum petiisse pecus? non pascua nec bos  
 hic tibi: nocturni mitte haec simulamina Panis  
 neve deum mihi finge. deus quoque consere dextram.'  
 sic ait intentaque adiutum missile planta 540  
 derigit et lapsis patuerunt vulnera villis.  
 nec minus Aeolii proles Aeetia Phrixi  
 fertur et ipsa furens ac se modo laeta Cytæis  
 agminibus, modo cognatis ostentat Achivis.  
 atque hos in medio duri discrimine belli 545  
 laudibus inque ipsis gaudens ubi vidit Iason  
 ' macte' in 'o nostrum genus et iam certa propago  
 Aeoliae nec opina domus. sat magna laborum  
 dona fero, satis hoc visu quaecumque rependo.'  
 dixit et in Sueten magnique in fata Ceramni 550  
 emicuit clipeumque rotans hunc poplite caeso  
 deicit, illum aperit lato per pectus hiatu.  
 Argus utrumque ab equis ingenti porrigit arvo  
 et Zacorum et Phalcen, peditem pedes haurit Amastrin.  
 sanguinis ille globos effusaque viscera gestat 555  
 barbarus et cassa <st>ridens sublabitur ira.  
 dat Calais Barisanta neci semperque propinquas  
 Riphea venali comitantem sanguine pugnas.  
 centum lecta boum bellator corpora, centum  
 pactus equos; his ille animam lucemque rependit 560  
 credulus; at tandem dulces iam cassus in auras  
 respicit ac nulla caelum reparabile gaza.  
 labitur intortos per tempora caerulea crines  
 tunc quoque materna velatus harundine Peucon.  
 at genetrix imis pariter Maeotis ab antris 565  
 implevit plangore lacus natumque vocavit  
 iam non per ripas, iam non per curva volantem  
 stagna nec in medio truncantem marmore cervos.  
 Eurytus Exomatas agit aequore. Nestoris hastae  
 immoritur primaevus Helix nec reddita caro 570  
 nutrimenta patri, brevibus ereptus in annis.  
 at Latagum Zetemque Daraps, illum exigit hasta,  
 hic fugit, ingentem subiti cum sanguinis undam  
 vidit et extremo lucentia pectora ferro.  
 Ecce autem muris residens Medea paternis 575  
 singula dum magni lustrat certamina belli  
 atque hos ipsa procul densa in caligine reges  
 agnoscit quaeritque alios Iunone magistra,  
 conspicit Aesonium longe caput ac simul acres  
 huc oculos sensusque refert animumque faventem, 580  
 nunc quo se raperet, nunc quo diversus abiret  
 ante videns, quotque unus equos, quot funderet arma

errantesque viros quam densis sisteret hastis.  
 quaque iterum tacito sparsit vaga lumina vultu  
 aut fratris quaerens aut pacti coniugis arma, 585  
 saevus ibi miserae solusque occurrit Iason.  
 tunc his germanam adgreditur ceu nescia dictis:  
 ' quis p̄cor hic toto iamdudum fervere campo  
 quem tueor quemque ipsa vides? nam te quoque tali  
 attonitam virtute reor.' contra aspera Iuno 590  
 reddit agens stimulis ac diris fraudibus urget.  
 ' ipsum'it à Aconiden cernis, soror, aequore tanto  
 debita cognati repetit qui vellera Phrixi  
 nec nunc laude prior generis nec sanguine quisquam.  
 aspicias ut Minyas inter proceresque Cytæos 595  
 emicet effulgens quantisque insultet acervis?  
 et iam vela dabit, iam litora nostra relinquet  
 Thessaliae felicis opes dilectaque Phrixi  
 rura petens. eat atque utinam superetque labores!  
 tantum effata magis campis intendere suadet 600  
 dum datur ardentisque viri percurrere pugnas,  
 ac simul hanc dictis, illum dea Marte secundo  
 impulit atque novas egit sub pectora vires.  
 ora sub excelso iamdudum vertice coni  
 saeva micant cursuque ardescit nec tibi, Perse, 605  
 nec tibi, virgo, iubae laetabile sidus Achivæ,  
 acer ut autumnis canis iratoque vocati  
 ab Iove fatales ad regna iniusta cometae.  
 nec sua Crethiden latuit dea vimque recentem  
 sentit agi membris ac se super agmina tollit, 610  
 quantus ubi ipse gelu magnoque incanuit imbre  
 Caucasus et summas abiit hibernus in Arctos.  
 tunc vero, stabulis qualis leo saevit opimis  
 luxurians spargitque famem mutatque cruores,  
 sic neque parte ferox nec caede moratur in una 615  
 turbidus inque omnes pariter furit ac modo saevo  
 ense, modo infesta rarescunt cuspide pugnae.  
 tunc et terrificis undantem crinibus Hebrum  
 et Geticum Priona ferit, caput eripit Auchii  
 ~bracchiaque~ et vastis volvendum mittit harenis. 620  
 At genitus Iove complebat sua fata Colaxes  
 iamque pater maesto contristat sidera vultu  
 talibus aegra movens nequiquam pectora curis:  
 'ei mihi, si durae natum subducere sorti  
 moliar atque meis ausim confidere regnis, 625  
 frater adhuc Amyci maeret nece cunctaque divum  
 turba fremunt quorum nati cecidere cadentque.  
 quin habeat sua quemque dies cunctisque negabo  
 quae mihi.' ūpremos misero sic fatus honores  
 congerit atque animis moriturum ingentibus implet. 630  
 ille volat campis immensaque funera miscet

per cuneos, velut hiberno proruptus ab arcu  
 imber agens scopulos nemorumque operumque ruinas,  
 donec ab ingenti bacchatus vertice montis  
 frangitur inque novum paulatim deficit amnem. 635  
 talis in extremo proles Iovis emicat aevo  
 et nunc magnanimos Hypetaona Gessithoumque  
 nunc Arinen Olbumque rotat. iam saucius Aprem  
 et desertus equo Thydrum pedes excipit hasta  
 Phasiaden, pecoris custos de more paterni 640  
 Caucasus ad primas genuit quem Phasidis undas.  
 hinc puero cognomen erat famulumque ferebant  
 Phasidis intonso nequiquam crine parentes.  
 iamque aliis instabat atrox cum diva supremas  
 rumpit iniqua colus victorque advenit Iason. 645  
 excipit hunc saeva sic fatus voce Colaxes:  
 ' vos Scythiae saturare canes Scythiaeque volucres  
 huc miseri venis<tis>?' ~~ia~~ saxumque prehensum,  
 illius et dextrae gestamen et illius aevi,  
 concussa molitur humo, quod regia Iuno 650  
 flexit ad ignotum caput infletumque Monesi.  
 praeceps ille ruit. nato non depulit ictus  
 Iuppiter, Aesoniae vulnus fatale sed hastae  
 per clipeum, per pectus abit lapsoque cruentus  
 advolat Aesonides mortemque cadentis acerbat. 655  
 spargitur hinc miserisque venit iam notus Alanis.  
 At regina virum (neque enim deus amovet ignem)  
 persequitur lustrans oculisque ardentibus haeret.  
 et iam laeta minus praesentis imagine pugnae  
 castigatque metus et quas alit inscia curas 660  
 respiciens an vera soror nec credere falsos  
 audet atrox vultus eademque in gaudia rursus  
 labitur et saevae trahitur dulcedine flammae.  
 ac velut ante comas ac summa cacumina silvae  
 lenibus adludit flabris levis Auster, at illum 665  
 protinus immanem miserae <sensere> carinae,  
 talis ad extremos agitur Medea furores.  
 interdum blandae derepta monilia divae  
 contrectat miseroque aptat flagrantia collo,  
 quaque dedit teneros aurum furiale per artus, 670  
 deficit; ac sua virgo deae gestamina reddit  
 non gemmis, non illa levi turbata metallo,  
 sed facibus, sed mole dei, quem pectore toto  
 iam tenet. extremus roseo pudor errat in ore.  
 ac prior his: 'credisne patrem promissa daturum, 675  
 o soror, Argolicus cui dis melioribus hospes  
 contigit? aut belli quantum iam restat acerbi?  
 heu quibus ignota sese pro gente periculis  
 obicit!' ~~haec~~ fantem medio in sermone reliquit  
 incepti iam Iuno potens securaque fraudis. 680

imminet e celsis audentius improba muris  
 virgo nec ablatam sequitur quaeritve sororem.  
 at quotiens vis dura ducum densique repente  
 Aesoniden pressere viri cumque omnis in unum  
 imber iit, totiens saxis pulsatur et hastis. 685  
 primaque ad infesti Lexanoris horruit arcus,  
 alta sed Aesonium supra caput exit harundo  
 teque, Caice, petit. coniunx miseranda Caico  
 linquitur et primo domus imperfecta cubili.  
 Regius Eois Myraces interpres ab oris 690  
 venerat ut Colchos procul atque Aeetia Parthis  
 foedera donato non inrita iungeret auro.  
 tum iuvenem terris Parcae tenuere Cytaeis  
 ac subiti Mavortis amor: simul armiger ibat  
 semivir impubemque gerens sterilemque iuventam. 695  
 ipse ~pharetratis~ residens ad frena tapetis  
 nunc levis infesto procurrat in agmina curru,  
 nunc fuga conversas spargit mentita sagittas.  
 at viridem gemmis et eoae stamine silvae  
 subligat extrema patrium cervice tiaran 700  
 insignis manicis, insignis acinace dextro;  
 improba barbaricae procurrunt tegmina plantae.  
 nec latuere diu saevum spolia illa Syenen  
 perque levem et multo maculatam murice tigrin  
 concita cuspis abit. subitos ex ore cruores 705  
 saucia tigris hiat vitamque effundit erilem.  
 ipse puer fracto pronum caput implicat arcu.  
 sanguine tunc atro chlamys ignea, sanguine vultus  
 et gravidae maduere comae, quas flore Sabaeo  
 nutrierat liquidoque parens signaverat auro. 710  
 qualem siquis aquis et fertilis ubere terrae  
 educat ac ventis oleam felicibus implet  
 nec labor adsiduus nec spes sua fallit alentem  
 iamque videt primam tenero de vertice frondem,  
 cum subito immissis praeceps Aquilonia nimbis 715  
 venit hiems nigraque evulsam tendit harena:  
 haud secus ante urbem Myraces atque ipsius ante  
 virginis ora cadit. sed non magis illa movetur  
 unius aegra metu quam te, Meleagre, furentem,  
 quam Talaum videt aut pugnans miratur Acasti. 720  
 at satis hos ipsae gentes campique videbant  
 tempestate pari versis incumbere turmis.  
 ante oculos fuga foeda ducum largusque cadentum  
 it cruor et currus dominis ingentibus orbi.  
 Non tulit hos Perses gemitus clademque suorum 725  
 tergaque versa tuens his caelum questibus implet:  
 ' quid mēam patriis eiectum sedibus istas  
 ut struerem pugnans Scythiamque in bella moverem  
 vos superi, vos augurio lusistis inani?

quid fratris meritas tum, Iuppiter, omina poenas 730  
promisere mihi? nobis Argoa parabas  
scilicet auxilia et tantas coniungere vires.  
saeva quidem lucis miseris mora, dent tamen oro  
unum illum mihi fata diem, qui fallat Achivos  
sic meritos quoque hunc videam virtute superbum 735  
Aesoniden tantos flentem sine honore labores!  
dixerat haec pectusque suis everberat armis  
et galeam fletu, galeam singultibus implet.  
ibat et in medii praeceps incendia belli,  
ni prior adversis Pallas vidisset ab armis 740  
et secum: 'ruit ecce ferox in funera Perses,  
quem genitor Colchis solioque imponere fratris  
iam statuit. nostra vereor ne fraude peremptum  
inrepet et culpam hanc magno terrore rependat.'  
haec dicens atro nebulam diffundit amictu 745  
striden<te>sque viri circum caput amovet hastas.  
ille super socias clementi turbine gentes  
erigitur paulum<que> levi raptatus in aethra  
iam tandem extremas pugnae defertur in oras,  
forte ubi serus Hiber Issedoniaeque phalanges 750  
Marte carent solisque iuvant clamoribus agmen.  
Nox simul astriferas profert optabilis umbras  
et cadit extemplo belli fragor aegraque muris  
digreditur longum virgo perpessa timorem.  
ut fera Nyctelii paulum per sacra resistunt, 755  
mox rapuere deum iamiam <in> quodcumque paratae  
Thyiades, haud alio remeat Medea tumultu  
atque inter Graiumque acies patriasque phalangas  
semper inexpletis agnoscit Iasona curis  
armaque quique cava superest de casside vultus.



## Liber VII

Te quoque Thessalico iam serus ab hospite vesper  
dividit et iam te tua gaudia, virgo, relinquunt  
noxque ruit soli veniens non mitis amanti.  
ergo ubi cunctatis extremo in limine plantis  
contigit aegra toros et mens incensa tenebris, 5  
vertere tunc varios per longa insomnia questus  
nec pereat quo scire malo tandemque fateri  
ausa sibi ~paulum~ medio sic fata dolore est:  
' nunc ego quo casu vel quo sic per<vi>gil usque  
ipsa volens errore trahor? non haec mihi certe 10  
nox erat ante tuos, iuvenis fortissime, vultus,  
quos ego cur iterum demens iterumque recordor  
tam magno discreta mari? quid in hospite solo  
mens mihi? cognati potius iam vellera Phrixi  
accipiat, quae sola petit quaeque una laborum 15  
causa viro. nam quando domos has ille reviset  
aut meus Aesonias quando pater ibit ad urbes?  
felices mediis qui se dare fluctibus ausi  
nec tantas timuere vias talemque secuti  
huc qui deinde virum; sed, sit quoque talis, abito.' 20  
tum iactata toro <to>tumque experta cubile  
ecce videt tenui candescere limen Eoo.  
nec minus insomnem lux orta refecit amantem  
quam cum languentes <levis> erigit imber aristas  
grataque iam fessis descendunt flamina remis. 25  
At sua longarum Minyas iam cura viarum  
admonet inque ipso nequiquam tempore regem  
laetitiae meritique petunt. quem passus Iason  
vota prius captasque deis accendere praedas  
prominet atque oculos longe tenet, aurea si iam 30  
pellis et oblatis clarescant atria villis.  
ille autem iamiam vultus vocesque parantem  
ante capit rumpitque moras inque ipsa morantis  
prosilit ora viri talique effunditur ira:  
' rbe satos alio, sua litora regnaque habentes, 35  
quis furor has mediis tot fluctibus egit in oras  
quisve mei vos tantus amor? tu prima malorum  
causa mihi, tu, Phrixe gener! non te aequore mersum  
quo sor<or>, ut felix nullos nunc nomine Graios  
nossem ego! quis regum Pelias, quis Thessalus aut quae 40  
Graecia? quodnam hominum Minyae genus aut ubi cautes  
Cyanaeae? venit Scythicas en hospes in oras.  
quingenta Asiam (pudet heu) penetrarit Iason  
exulibus meque ante alios sic spreverit una,

una ratis, spoliū ut vivo de rege reportet? 45  
 ipsum offerre meos, ipsum <iam> pandere lucos  
 imperet et nullo dignetur vincere bello?  
 cur age non templis sacrata avellere dona  
 omnibus atque ipsas gremiis abducere natas,  
 praedo, libet? vobisne domos, vobisne parentes 50  
 esse putem, ratis infandis quos sola rapinis  
 saevaue pascit hiems et quos, credamus ut ipsis,  
 rex suus inlisit pelago vetuitque reverti,  
 scilicet Aeoliae pecudis poteretur ut auro?  
 ante meus caesa descendet Caucasus umbra 55  
 ac prior Haemonias repetet super aequora praedas,  
 ante ego cum vittis cernam feralibus Hellen.  
 si tamen his aliter perstas non cedere terris  
 teque pudor cassi reditus movet ac latet una  
 nescioquid plus puppe viris, haud ipse morabor 60  
 quae petitis; modo nostra prior tu perfice iussa.  
 Martius ante urbem longis iacet horridus annis  
 campus et ardentis ac me quoque vomere presso,  
 me quoque cunctantes interdum agnoscere tauri.  
 his magis atque magis rabiem nunc nostra senectus 65  
 luxuriemque dedit solitoque superbior ignis  
 ore fremit. succede meae, fortissime, laudi  
 et nostros recale, hospes, agros! nec semina derunt,  
 quae prius ipse dabam, et messes, quas solus obibam.  
 consiliis nox una satis tecumque retracta 70  
 cumque tuis haec iussa deis, ac siquid in isto est  
 robore praedicti venies in rura laboris.  
 ipse incertus adhuc tenebris te protinus illis  
 involvi flammisque velim, durare parumper  
 an magis, everso iacias dum semina campo, 75  
 ac tibi Cadmei dum dentibus exeat hydri  
 miles et armata florescant pube novalis.'

Filia prima trucis vocem mirata tyranni  
 haesit et ad iuvenem pallentia rettulit ora  
 contremuitque metu <ne> nescius audeat hospes 80  
 seque miser ne posse putet. perstrinxerat horror  
 ipsum etiam et maesta stabat defixus in ira.  
 non ita Tyrrhenus stupet Ionius<que> magis<ter>  
 qui iam te, Tiberine, tuens clarumque serena  
 arce pharon praeceps subito nusquam ostia, nusquam 85  
 Ausoniam videt et saevas accedere Syrtes.  
 par tum tamen infando quae det responsa tyranno  
 colligit et tandem obtutu consurgit ab alto.  
 ' non' ita hos natus, non hanc, Aeeta, dedisti  
 spem Minyis cum prima tuis pro moenibus arma 90  
 induimus. quo versa fides? quos vestra volutant  
 iussa dolos? alium hic Pelian, alia aequora cerno.  
 quin agite [et] hoc omnes odiisque urgete tyranni

imperiisque caput: numquam mihi dextera nec spes  
 defuerit. mos iussa pati nec cedere duris. 95  
 unum oro, seu me illa suis seges obruet hastis  
 hauriet adverso seu crastinus ignis hiatu,  
 nuntius hinc saevas Peliae mittatur ad aures  
 hic periisse viros et me, si vestra fuisset  
 ulla fides, reducem patriae potuisse referri.' 100  
 Talibus attonitos dictis natamque patremque  
 linquit et infida praeceps prorumpit ab aula.  
 at trepida et medios inter deserta parentes  
 virgo silet nec fixa solo servare parumper  
 lumina nec potuit maestos non flectere vultus 105  
 respexitque fores et adhuc invenit euntem.  
 visus et heu miserae tunc pulchrior hospes amanti  
 discedens; tales umeros, ea terga relinquit.  
 illa domum atque ipsos paulum procedere postes  
 optat, at ardentem tenet intra limina gressus. 110  
 qualis ubi extremas Io vaga sentit harenas  
 fertque refertque pedem, tumido quam cogit Erinys  
 ire mari Phariaeque vocant trans aequora matres,  
 circuit haud aliter foribusque impendit apertis  
 an melior Minyas revocet pater, oraque quaerens 115  
 hospitis aut solo maeret defecta cubili  
 aut venit in carae gremium refugitque sororis  
 atque loqui conata silet rursusque recedens  
 quaerit, ut Aeaes hospes consederit oris  
 Phrixus, ut aligeri Circen rapuere dracones. 120  
 tum comitum visu fruitur miseranda suarum  
 implerique nequit subitoque parentibus haeret  
 blandior et patriae circumfert oscula dextrae.  
 sic adsueta toris et mensae dulcis erili  
 aegra nova iam peste canis rabieque futura 125  
 ante fugam totos lustrat queribunda penates.  
 tandem etiam molli semet sic increpat ira:  
 'ergis, ai' dicens, teque illius angit imago  
 curaque, qui profuga forsitan tenet alta carina  
 quique meum patrias referet nec nomen ad urbes? 130  
 quid me autem sic ille movet, superetne labores  
 an cadat et tanto turbetur Graecia luctu?  
 saltem, fata virum si iam suprema ferebant,  
 iussus ad ignotos potius foret ire tyrannos  
 o utinam et tandem non hac moreretur in urbe! 135  
 namque et sidereo nostri de sanguine Phrivi  
 dicitur et caram vidi indoluisse sororem  
 seque ait has iussis actum miser ire per undas.  
 at redeat quocumque modo meque ista precari  
 nesciat atque meum non oderit ille parentem.' 140  
 dixerat haec stratoque graves proiecerat artus,  
 si veniat miserata quies, cum saevior ipse

turbat agitque sopor; supplex hinc sternitur hospes,  
 hinc pater. illa nova rumpit formidine somnos  
 erigiturque toro. famulas carosque penates 145  
 agnoscit, modo Thessalicas raptata per urbes:  
 turbidus ut poenis caecisque pavoribus ensem  
 corripit et saevae ferit agmina matris Orestes;  
 ipsum angues, ipsum horrisoni quatit ira flagelli  
 atque iterum infestae se fervere caede Lacaenae 150  
 credit agens falsaque redit de strage dearum  
 fessus et in miserae conlabitur ora sororis.  
 His ubi nequiquam nutantem Colchida curis  
 Iuno videt necdum extremo parere furori  
 non iam mentitae vultum vocemque resumit 155  
 Chalciopes. quando ardor hebet leviorque pudori  
 mensque obnixa malo, tenues sublimis in auras  
 tollitur et fulvo Venerem vestigat Olympo.  
 ' sum amor ut ~tecum~ mecum partita laborem.  
 illa nimis sed dura manet conversaque in iram 160  
 et furias dolet ac me nunc decepta reliquit.  
 i precor atque istum quo me frustratur amorem  
 vince ~precor~ patriis ut tandem evadere tectis  
 audeat atque meum casu defendere ab omni  
 Aesoniden. quis illa sacris, quo freta veneno! 165  
 illum etiam totis adstantem noctibus anguem,  
 qui nemus omne suum quique aurea (respice porro)  
 vellera tot spiris circum, tot ductibus implet,  
 fallat et in somnos ingenti solvat ab orno.  
 haec tibi nunc, Furiis atque ipsi cetera mando.' 170  
 Tum Venus aligerum mater sic fatur Amorum:  
 ' ec tibi cum primos adgressa es flectere sensus  
 virginis ignotaque animum contingere cura  
 defuimus, data continuo <quin> cingula soli  
 nostra tibi, quis mota loco labefactaque cessit. 175  
 haud satis est, sed me ipsa opus et cunctantia poscunt  
 pectora me dubiusque pudor. iam foedera faxo  
 Aesonii petat ipsa viri metuatque morari.  
 tu fac luciferae citus ad delubra Dianae  
 deveniat, sacras solita est ubi fundere taedas 180  
 Colchis et aequali dominam lustrare caterva.  
 nec te nunc Hecates subeat metus aut mea forte  
 impediat ne coepta time. quin audeat opto:  
 continuo transibit amor cantuque trilingui  
 ipsam flammiferos cogam compescere tauros 185  
 amplexumque pati.' volucrem tunc aspicit Irin  
 festinamque iubet monitis parere Diones  
 et iuvenem Aesonium praedicto sistere luco.  
 protinus hinc Iris Minyas, Cytherea petivit  
 Colchida, Caucaseis speculatrix Iuno resedit 190  
 rupibus attonitos Aeaea in moenia vultus

speque metuque tenens et adhuc ignara futuri.

Vix primas occulta Venus prospexerat arces,  
virginis ecce novus mentem perstringere languor  
incipit, ingeminant commotis questibus aestus. 195

ergo iterum sensus varios super hospite volvens  
maeret et absenti nequiquam talia fatur:

' si tibiThessalicis, nunc si tua forte venenis  
mater et heu siqua est posset succurrere coniunx!  
quidne tuos virgo possim nisi flere labores? 200

hoc satis ipse ~etiam spectare supremos~ 201a

ei mihi, ne casus etiam spectare supremos 201b

atque iterum durae cogar comes ire sorori!

et nunc ille sua non quemquam sorte moveri,

non ullum meminisse putat cumque omnibus odit

me quoque. siquando fuerit tamen ulla potestas 205

illum ego qui diris cinis ultimus haeserit arvis

ossaque quis tauri saevusque pepercerit ignis

componam sedem<que> dabo. fas tunc mihi manes

dilexisse viri tumuloque has reddere curas.'

Dixerat. ecce toro Venus improvisa resedit, 210

sicut erat mutata deam mentitaque pictis

vestibus et magica Circen Titanida virga.

illa, velut lenti fallatur imagine somni,

sic oculos incerta tenet magnique sororem

paulatim putat esse patris. tum flebile gaudens 215

prosiluit saevaeque ultro tulit oscula divae

ac prior: ' o tandem, vix tandem reddita Circe

dura tuis, quae te biiugis serpentibus egit par

hinc fuga quaeve fuit patriis mora gratior oris?

ante et Thessalicae Phasin petiere carinae 220

perque tot infelix frustra vada venit Iason

quam patriae te movit amor.' tum cetera rumpit

occurritque Venus: ' tu nunc mihi causa viarum

sola, tuae venio iam pridem ignava iuventae.

cetera parce queri neu me meliora secutam 225

argue; quippe etiam reputentur munera divum.

omnibus hunc potius communem animantibus orbem

communes et crede deos. patriam inde vocato

qua redit itque dies, nec nos, o nata, malignus

clauserit hoc uno semper sub frigore mensis. 230

fas mihi non habiles, fas et tibi linquere Colchos.

et nunc Ausonii coniunx ego regia Pici

nec mihi flammiferis horrent ibi pascua tauris

meque vides Tusci dominam maris: at tibi quinam

Sauromatae, miseranda, proci? cui vadis Hiberno, 235

ei mihi, vel saevo coniunx non una Gelono?'

Illa deae contra iamdudum spernere voces.

' non itane immemorem magnae Perseidos,' inquit

'cernis ut infelix thalamos ego cogar in illos.

i precor atque illum pro me dimitte timorem. 240  
 sed magis his miseram, quando potes, eripe curis  
 unde metus aestusque mihi quaeque aspera, mater,  
 perpetior dubiae iamdudum incendia mentis.  
 nulla quies animo, nullus sopor, arida ~menti~.  
 quaere malis nostris requiem mentemque repone, 245  
 redde diem noctemque mihi, da prendere vestes  
 somniferas ipsaque oculos componere virga.  
 tu quoque nil, mater, prodes mihi; fortior ante  
 sola fui. tristes thalamos infestaque cerno  
 omnia, vipereos ipsi tibi surgere crines.' 250  
 talia verba dabat conlapsaque flebat iniquae  
 in Veneris Medea sinus pestemque latentem  
 ossibus atque imi monstrabat pectoris ignem.  
 Occupat amplexu Venus et furialia figit  
 oscula permixtumque odiis inspirat amorem 255  
 dumque illam variis maerentem vocibus ambit  
 inque alio sermone tenet 'quin hoc' ait 'audi  
 atque attolle genas.' lacrimisque haec infit obortis:  
 'cum levis a superis ad te modo laberer auris  
 forte ratem primo fulgentem litore cerno 260  
 qualem nostra suo numquam dimittere portu  
 vellet adhuc omnes quae detinet insula nautas.  
 unus ibi ante alios qui tum mihi pulchrior omnes  
 visus erat, longeque ducem mirabar et ipsa,  
 advolat atque unam comitum ratus esse tuarum 265  
 "per tibi siquis," ait "morituri protinus horror  
 et quem non meritis videas occurrere monstis,  
 haec precor, haec dominae referas ad virginis aurem.  
 tu fletus ostende meos. illi has ego voces,  
 qua datur, hasque manus, ut possum, a litore tendo. 270  
 ipsae quas mecum per mille pericula traxi  
 defecere deae. spes et via sola salutis  
 quam dederit, si forte dabit. ne vota repellat,  
 ne mea totque animas, quales nec viderit ultra,  
 dic precor auxilio iuuet atque haec nomina servet. 275  
 ei mihi quod nullas hic possum exsolvere grates!  
 284  
 at tamen hoc saeva corpus de morte receptum,  
 hanc animam sciat esse suam! miserebitur ergo?  
 dic" ait "an potius--?" strictumque ruebat in ensem.  
 promisi (ne falle precor) cumque ipsa moverer  
 adloquio casuque viri te passa rogari  
 sum potius: tu laude nova, tu supplice digno 290  
 dignior es et fama meis iam parta venenis.  
 si Pelopis duros prior Hippodamia labores 276  
 expediit totque ora simul vulgata procorum  
 respiciens tandem patrios exhorruit axes,  
 si dedit ipsa neci fratrem Minoia virgo,  
 cur non hospitibus fas sit succurrere dignis 280

te quoque et Aeaeos iubeas mitescere campos?  
 occidat aeterna tandem Cadmeia morte  
 iam seges et viso fumantes hospite tauri!  
     Torserat illa gravi iamdudum lumina vultu                     292  
 vix animos dextramque tenens quin ipsa loquentis  
 iret in ora deae; tanta pudor aestuat ira.  
 iamque toro trepidas infelix obruit aures                     296  
 verba cavens; horror molles invaserat annos.                     295  
 nec quo ferre fugam nec quo se vertere posset                     297  
 prensa videt. rupta condi tellure premique  
 iamdudum cupit ac diras evadere voces.  
 illa sequi iubet et portis exspectat in ipsis                     300  
 saevus Echionia ceu Penthea Bacchus in aula  
 deserit infectis per roscida cornua vittis,  
 cum tenet ille deum pudibundaque tegmina matris  
 tympanaque et mollem subito miser accipit hastam.  
 haud aliter deserta pavet perque omnia circum                     305  
 fert oculos tectisque negat procedere virgo.  
 contra saevus amor, contra periturus Iason  
 urget et auditae crescunt in pectore voces.  
 heu quid agat? videt externo se prodere patrem  
 dura viro, famam scelerum iamque ipsa suorum                     310  
 prospicit et questu superos questuque fatigat  
 Tartara. pulsat humum manibusque immurmurat uncis  
 noctis eram Ditemque ciens, succurrere tandem  
 morte velint ipsumque simul demittere leto  
 quem propter furit. absentem saevissima poscit                     315  
 nunc Pelian, tanta iuvenem qui perderet ira:  
 saepe suas misero promittere destinat artes,  
 denegat atque una potius decernit ~in ira~  
 ac neque tam turpi cessuram semet amori  
 proclamat neque opem ignoto viresque daturam                     320  
 atque toro proiecta manet, cum visa vocari  
 rursus et impulso sonuerunt cardine postes.  
     Ergo ubi nescioquo penitus se numine vinci  
 sentit et abscisum quicquid pudor ante monebat,                     325  
 tum thalami penetrare petit quae maxima norat  
 auxilia Haemoniae quaerens pro rege carinae.  
 utque procul magicis spirantia tecta venenis  
 et saevae patuere fores oblataque contra  
 omnia quae ponto, quae manibus eruit imis  
 et quae sanguineo lunae destrinxit ab ore                     330  
 ' tuam sequeris' ai' quidquam aut patiere pudendum  
 cum tibi tot mortes scelerisque brevissima tanti  
 effugia?' haec dicens qua non velocior ulla  
 pestis erat toto nequiquam lumine lustrat  
 cunctaturque super morituraque colligit iras.                     335  
 o nimium iucunda dies, quam cara sub ipsa  
 morte magis! stetit <et> sese mirata furentem est.

' occidis heu; primo potes hoc durare sub aevo?  
 nec tu lucis' a' oc videris ulla iuventae  
 gaudia, non dulces fratris pubescere malas? 340  
 hunc quoque, quicumque est, crudelis, Iasona nescis  
 morte perire tua, qui te nunc invocat unam,  
 qui rogat et nostro quem primum in litore vidi?  
 cur tibi fallaces placuit coniungere dextras  
 tunc, pater, atque istis iuvenem non perdere monstris 345  
 protinus? ipsa etiam, fateor, tunc ipsa volebam.  
 testor cara tuas Circe Titania voces,  
 te ducente sequor, tua me, grandaeva, fatigant  
 consilia et monitis cedo minor.' haec ubi fata  
 rursus ad Haemonii iuvenis curamque metumque 350  
 vertitur, hunc solum propter seu vivere gaudens  
 sive mori, quodcumque velit. maiora precatur  
 carmina, maiores Hecaten immittere vires  
 nunc sibi, nec notis stabat contenta venenis.  
 cingitur inde sinus et, qua sibi fida magis vis 355  
 nulla, Prometheae florem de sanguine fibrae  
 Caucaseum promit nutritaque gramina monti,  
 quae sacer ille nives inter tristesque pruinas  
 durat alitque cruor cum viscere vultur adeso  
 tollitur e scopulis et rostro inrorat aperto. 360  
 idem nec longi languescit finibus aevi  
 immortale virens, idem stat fulmina contra  
 salvus et in mediis florescunt ignibus herbae.  
 prima Hecate Stygiis duratam fontibus harpen  
 intulit et validas scopulis effodit aristas, 365  
 mox famulae monstrata seges, quae lampade Phoebes  
 sub decima iuga feta metit saevitque per omnes  
 reliquias saniemque dei. gemit inritus ille  
 Colchidos ora tuens. totos tunc contrahit artus  
 ~monte~ dolor cunctaeque tremunt sub falce catena. 370  
 Talibus infelix contra sua regna venenis  
 induitur noctique tremens infertur opacae.  
 dat dextram blandisque ~pavens vocem Venus osquam~  
 adloquiis iunctoque trahit per moenia passu.  
 qualis adhuc teneros ubi primum pallida fetus 375  
 mater ab excelso produxit in aera nido  
 hortaturque sequi brevibusque insurgere pinnis;  
 illos caerulei primus ferit horror Olympi  
 iamque redire rogant adsuetaque quaeritur arbor.  
 haud aliter caecae per moenia deficit urbis 380  
 incedens horret<que> domos Medea silentes  
 hic iterum extremae nequiquam in limine portae  
 substitit atque iterum fletus animique soluti  
 respexitque deam paulumque his vocibus haesit:  
 ' ipsa rogat certe meque ipse implorat Iason? 385  
 nullane culpa subest, labes non ulla pudoris,



nullus amor? nec turpe viro servire precanti?  
 illa nihil contra vocesque abrumpit inanes.  
 et iamiam magico per opaca silentia Colchis  
 coeperat ire sono montanaque condere vultus 390  
 numina cumque suis averti fontibus amnes.  
 iam stabulis gregibusque pavor strepitusque sepulchris  
 inciderat, stupet ipsa gravi nox tardior umbra.  
 iamque tremens longe sequitur Venus. utque sub altas  
 pervenere trabes divaeque triformis in umbram 395  
 hic subito ante oculos nondum speratus Iason  
 emicuit viditque prior conterrita virgo.  
 atque hinc se profugam volucris Thaumantias ala  
 sustulit, inde Venus dextrae dilapsa tenenti.  
 obvius ut sera cum se sub nocte magistris 400  
 impingit pecorique pavor qualesve profundum  
 per chaos occurrunt caecae sine vocibus umbrae,  
 haud secus in mediis noctis nemoris<que> tenebris  
 inciderant ambo attoniti iuxtaque subibant  
 abietibus tacitis aut immotis cyparissis 405  
 adsimiles, rapidus nondum quas miscuit Auster.  
 Ergo ut erat vultu defixus uterque silenti  
 noxque suum peragebat iter, iamiam ora levare  
 Aesoniden farique cupit Medea priorem.  
 quam simul effusis pavitantiem fletibus heros 410  
 flagrantesque genas vidit miserumque pudorem,  
 has tandem voces dedit et solatus amantem [est]  
 'fersne aliquam spem lucis?' ai' miserata laborem  
 nempe venis? an et ipsa mea laetabere morte?  
 ne precor infando similem te, virgo, parenti 415  
 gesseris. haud tales decet inclementia vultus.  
 hascine nunc grates, haec exspectata laborum  
 dona dari decuit? sic te sub teste remitti  
 fas mihi, virgo, ~tuum~? iustas da vocibus aures.  
 nec pater ille tuus tantis me opponere monstris 420  
 (quid meritum?) aut tales voluit <ex>pendere poenas.  
 an iacet externa quod nunc mihi cuspide Canthus  
 quodque meus vestris cecidit pro moenibus Iphis  
 aut Scythiae tanta inde manus? iussisset abire  
 perfidus atque suis extemplo cedere regnis. 425  
 spem mihi promissam per quae discrimina rursus  
 et reddat qua lege vides. occumbere tandem  
 possumus idque sedet quam non quaecumque subire  
 patris iussa tui. numquam sine vellere abibo  
 hinc ego, degenerem nec tu me prima videbis.' 430  
 Haec ait. illa tremens, ut supplicis aspicit ora  
 conticuisse viri iamque et sua verba reposci,  
 nec quibus incipiat demens videt ordine nec quo  
 quove tenus, prima cupiens effundere voce  
 omnia, sed nec prima pudor dat verba timenti. 435

haeret et attollens vix tandem lumina fatur:  
 ' quid, precor, in nostras venisti, Thessale, terras?  
 unde mei spes ulla tibi tantosque petisti  
 cur non ipse tua fretus virtute labores?

nempe ego si patriis timuissem excedere tectis 440  
 occideras, nempe hanc animam cras saeva manebant  
 funera. Iuno ubi nunc, ubi nunc Tritonia virgo,  
 sola tibi quoniam tantis in casibus adsum  
 externae regina domus? miraris et ipse,  
 credo, nec agnoscunt hae nunc Aetida silvae. 445  
 sed fatis sum victa tuis. cape munera supplex  
 non mea teque iterum Pelias si perdere quaeret  
 inque alios casus, alias <si> mittet ad urbes,  
 heu formae ne crede tuae!' Titania iamque  
 gramina Persaeasque sinu depromere vires 450  
 coeperat. his iterum compellat Iasona dictis:  
 ' siamen aut superis aliquam spem ponis <in istis>  
 aut tua praesenti virtus [te] educere leto  
 si te forte potest, etiam nunc deprecor, hospes,  
 me sine et insontem misero dimitte parenti.' 455  
 dixerat. extemplo (neque enim <im>matura ruebant  
 sidera et extremum suspexerat axe Booten)  
 cum gemitu et multo iuveni medicamina fletu  
 non secus ac patriam pariter famamque decusque  
 obicit. ille manu subit et vim corripit omnem. 460

Inde ubi facta nocens et non revocabilis umquam  
 cessit ab ore pudor propiorque implevit Erinys,  
 carmina nunc totos volvit figitque per artus  
 Aesonidae et totum septeno murmure fertur  
 per clipeum atque viro graviolem reddidit hastam 465  
 iamque sui tauris languent absentibus ignes.  
 ' nunc age et has' inquit' cristas galeamque resume  
 quam modo funerea tenuit Discordia dextra.  
 hanc iace per medias, cum verteris aequora, messes.  
 protinus in sese conversa furoribus ibit 470  
 cuncta phalanx atque ipse fremens mirabitur et me  
 respiciet fortasse pater.' is deinde locuta  
 iam magis atque magis mentem super alta ferebat  
 aequora, pandentes Minyas iam vela videbat  
 se sine. tum vero extremo percussa dolore 475  
 arripit Aesoniden dextra ac summissa profatur:  
 ' sis memor, oro, mei, contra memor ipsa manebo,  
 crede, tui. quantum hinc aberis, dic quaeso, profundi?  
 quod caeli spectabo latus? sed te quoque tangat  
 cura mei quocumque loco, quoscumque per annos 480  
 atque hunc te meminisse velis et nostra fateri  
 munera, servatum pudeat nec virginis arte.  
 ei mihi, cur nulli stringunt tua lumina fletus?  
 an me mox merita morituram patris ab ira

dissimulas? te regna tuae felicia gentis, 485  
te coniunx natiq̄ue manent; ego prodita abibo  
nec queror et pro te lucem quoque laeta relinquam.'  
protinus hospes ad haec (tacitis nam cantibus illum  
flexerat et simili iamdudum adflarat amore)  
' tua' i' Aesoniden quicquam te velle relicta 490  
credis et ulla peti sine te loca? redde tyranno  
me potius, recipe ingratos atque exue cantus!  
quis mihi lucis amor? patriam cur amplius optem  
si non et genitor te primam amplectitur Aeson  
teque tuo longe fulgentem vellere gaudens 495  
spectat et ad primos procumbit Graecia fluctus?  
respice ad has voces et iam, precor, adnue, coniunx.  
per te, quae superis divisque potentior imis,  
perque haec, virgo, tuo redeuntia sidera nutu  
atque per has nostri iuro discriminis horas: 500  
umquam ego si meriti s<im> noctis <et> immemor huius,  
si te sceptrā, domum, si te liquisse parentes  
senseris et me iam non haec promissa tuentem,  
tum me non tauros iuuet evasisse ferosque  
terrigenas, tum me tectis tua turbet in ipsis 505  
flamma tuaeque artes. nullus succurrere contra  
ingrato queat et siquid tu saevius istis  
adicias meque in medio terrore relinquas.'  
audiit atque simul meritis periuria poenis  
despondet questus semper Furor ultus amantis. 510  
Haec ubi dicta, tamen perstant defixus uterque  
et nunc ora levant audaci laeta iuventa,  
ora simul totiens dulces rapiētia visus,  
nunc deicit vultus aeger pudor et mora dictis  
redditur ac rursus conterret Iasona virgo: 515  
'accipe perdomitis quae deinde pericula tauris  
et quis in Aeolio maneat te vellere custos.  
nondum cuncta tibi, fateor, promissa peregi.  
saevior ingenti Mavortis in arbore restat,  
crede, labor. quem--tanta utinam fiducia nostri 520  
sit mihi nocturnaeque Hecates--<. . . . . 521a  
. . . . .> nostrique vigoris.' 521b  
dixerat utque virum doceat, quae monstra supersint,  
protinus immensis recubantem anfractibus anguem  
turbat et Haemonii subito ducis obicit umbram.  
ille, quod haud alias, stetit et trepidantia torsit 525  
sibila seque metu postquam sua vellera circum  
sustulit atque omnis spiris exhorruit arbor,  
incipit inde sequi et vacuo furit ore per auras.  
' quisr̄igor hic? quaenam tantae, dic, virgo, ruinae?'  
exclamat stricto Aesonides stans frigidus ense. 530  
illa tacet retinens tandemque ait angue represso:  
' huc tibi postremum nostri parat ira parentis,

heu miser, heu tantis iterum mihi care periclis.  
 o utinam [ut] nullo te sim visura labore  
 ipsam caeruleis squalentem nexibus ornum 535  
 ipsaque pervigilis calcare volumina monstri.  
 contingat bis deinde mori!' is fata profugit  
 seque sub extremis in moenia rettulit umbris.  
 Et iam puniceo regem spes vana sub ortu  
 extulerat, quantis nox una diremerit undis 540  
 Aesoniden, liberne freto iam vultus aperto  
 utque prius totum sileat mare, dumque ea longe  
 explorare ~quaeat~, contra venit Arcas Echion  
 dicta ferens iam Circaeis Mavortis in agris  
 stare virum, daret aripedes in proelia tauros. 545  
 rex ' vor en ultro' ikit seque abripit aula  
 ' vos mihi nua primum ~in flammis~ invertite, tauri,  
 aequora, nunc totas aperite et volvite flammis.  
 exeat Haemonio messis memoranda colono.  
 tuque tuum pestem in Graium da, nata, draconem 550  
 ipsius aspectu pereant in velleris, ipsa  
 terga mihi diros servent infecta cruores.'  
 fatur et effusis pandi iubet aequora tauris.  
 pars et Echionii subeunt immania dentis  
 semina, pars diri portant grave robur aratri. 555  
 at sua magnanimum contra Pagasaea iuventus  
 prosequitur stipatque ducem. tum maxima quisque  
 dicta dedit saevisque procul discessit ab agris.  
 fixerat ille gradus totoque ex agmine solus  
 stabat ut extremis desertus ~ab orbibus axis~, 560  
 quem iam lassa dies Austrique ardentis harenae  
 aut quem Rhipaeas exstantem rursus ad arces  
 nix et caerulei Boreae ferus abstulit horror;  
 cum subito attoniti longissima Phasidis unda  
 Caucaseaeque trabes omnisque Aetia tellus 565  
 fulsit et ardentes stabula effudere tenebras.  
 ac velut ex una siquando nube corusci  
 ira Iovis torsit geminos mortalibus ignes  
 aut duo cum pariter ruperunt vincula venti  
 dantque fugam, sic tunc claustris evasit uterque 570  
 taurus et immani proflavit turbine flammis  
 arduus atque atro volvens incendia fluctu.  
 horruit Argoae legio ratis, horruit audax  
 qui modo virgineis servari cantibus Idas  
 flebat et invito prospexit Colchida vultu. 575  
 non tulit ipse moras seseque immisit Iason,  
 diversos postquam ire videt, galeamque minantem  
 quassat <et> errantem dextra ciet obvius ignem.  
 ut tandem stetit et torvo se lumine flexit,  
 qui prior adversi respexit Iasonis arma, 580  
 cunctatus paulum subito furit. aequora non sic

in scopulos irata ruunt eademque recedunt  
 fracta retro. bis fulmineis se flatibus infert  
 obnubitque virum, sed non incendia Colchis  
 adspirare sinit clipeoque inluditur ignis 585  
 frigidus et viso pallescit flamma veneno.  
 incit Aesonides dextram atque ardentia vincit  
 cornua, dein totis propendens viribus haeret.  
 ille virum atque ipsam tunc te, Medea, recusans  
 concutit et tota nitentem carminis ira 590  
 portat; iners tandem gravius mugire recedens  
 incipit et fesso victus descendere cornu.  
 respicit hinc socios immania vincula poscens  
 Aesonides iamque ora premit trahiturque trahiturque  
 obnixusque genu superat cogitque trementes 595  
 sub iuga aena toros. alium dehinc turbida Colchis  
 exarmat lentumque offert timideque minantem  
 iamque propinquanti noctem[que] implicat. ille fatiscens  
 in caput inque umeros ipsa vi molis et irae  
 proruit. invadit totusque incumbit Iason 600  
 desuper atque suis defixum flatibus urget  
 utque dedit vinclis validoque obstrinxit aratro  
 suscitatur ipse genu saevaue agit insuper hasta,  
 non secus a medio quam si telluris hiatu  
 terga recentis equi primumque invasit habenis 605  
 murmur et in summa Lapithes apparuit Ossa.  
 Ille, velut campos Libyes ac pingua Nili  
 fertilis arva secet, plena sic semina dextra  
 spargere gaudet agris oneratque novalia bello.  
 Martius hic primum ter vomere fusus ab ipso 610  
 clangor et ex omni sonuerunt cornua sulco,  
 bellatrix tunc gleba quati pariterque creari  
 armarique phalanx totisque insurgere campis.  
 cessit et ad socios paulum se rettulit heros  
 opperiens ubi prima sibi daret agmina tellus. 615  
 at vero ut summis iam rura recedere cristis  
 vidit et infesta vibrantes casside terras  
 advolat atque, imo tellus qua proxima collo  
 necdum umeri videre diem, prior ense sequaci  
 aequat humo truncos; rutilum thoraca sequenti 620  
 aut primas a matre manus premit obvius ante.  
 nec magis aut illis aut illis milibus ultra  
 sufficit, ad dirae quam cum Tirynthius Hydrae  
 agmina Palladios defessus respicit ignes.  
 ergo iter<um> ad socias convertere Colchidos artes 625  
 et galeae nexus ac vincula dissipat imae  
 cunctaturque tamen totique occurrere bello  
 ipse cupit. spes nulla datur, sic undique densant  
 terrigenae iam signa duces clamorque tubaeque.  
 iamque omnes videre virum iamque omnia contra 630

tela volant. tum vero amens discrimine tanto  
quam modo Tartareo galeam dedit illa veneno  
in medios torsit; conversae protinus hastae. 634

qualis ubi atto<nitos> maestae Phrygas annua Matris  
ira vel exsectos lacerat Bellona comatos,  
haud secus accensas subito Medea cohortes  
implicat et miseros agit in sua proelia fratres.  
omnis ibi Aesoniden sterni putat, omnibus ira  
aequalis. stupet Aeetes ultroque furentes 640  
ipse viros revocare cupit, sed cuncta iacebant  
agmina nec quisquam primus ruit aut super ullus  
linquitur atque hausit subito sua funera tellus.

Protinus in fluvium fumantibus evolat armis  
Aesonides, qualis Getico de pulvere Mavors 645  
intrat equis uritque gravem sudoribus Hebrum  
aut niger ex antris rutilique a fulminis aestu  
cum fugit et Siculo respirat in aequore Cyclops.  
redditus hinc tandem sociosque amplexus ovantes  
haud iam mendacem promissa reposcere regem 650  
dignatur nec, si ipse sibi terga ingerat ultro  
qui pepigit, velit in pacem dextramque reverti  
amplius. ambo truces, ambo abscessere minantes.

## Liber VIII

At trepidam in thalamis et iam sua facta paventem  
Colchida circa omnes pariter furiaeque minaeque  
patris habent, nec caerulei timor aequoris ultra  
nec miserae terra ulla procul: quascumque per undas  
ferre fugam, quamcumque cupit iam scandere puppem. 5  
ultima virgineis tunc flens dedit oscula vittis  
quosque fugit complexa toros crinemque genasque  
aegra per antiqui carpsit vestigia somni  
atque haec impresso gemuit miseranda cubili:  
' o nū si profugae genitor nunc ille supremos 10  
amplexus, Aeeta, dares fletusque videres  
ecce meos! ne crede, pater, non carior ille est  
quem sequimur--tumidis utinam simul obruar undis!  
tu precor haec longa placidus mox sceptrata senecta  
tuta geras meliorque tibi sit cetera proles!' 15  
dixit et Haemonio numquam spernenda marito  
condita letiferis promit medicamina cistis  
virgineosque sinus ipsumque monile venenis  
implicat ac saevum super omnibus addidit ensem.  
inde velut torto Furiarum erecta flagello 20  
prosilit, attonito qualis pede prosilit Ino  
in freta nec parvi meminit conterrita nati  
quem tenet; extremum coniunx ferit inritus Isthmon.  
Iam prior in lucos curis urgentibus heros  
venerat et nemoris sacra se nocte tegebat 25  
tum quoque siderea clarus procul ora iuventa.  
qualis adhuc sparsis comitum per lustra catervis  
Latmius aestiva residet venator in umbra  
dignus amore deae, velatis cornibus et iam  
Luna venit, roseo talis per nubila ductor 30  
implet honore nemus talemque exspectat amantem.  
ecce autem pavidae virgo de more columbae  
quae super ingenti circumdata praepetis umbra  
in quemcumque tremens hominem cadit, haud secus illa  
acta timore gravi mediam se misit. at ille 35  
exceptit blandoque prior sic ore locutus:  
' o cecus in nostros magnum ventura penates  
solaque tantarum virgo haud indigna viarum  
causa reperta mihi, <iam>iam non ulla requiro  
vellera teque meae satis est vexisse carinae. 40  
verum age et hoc etiam, quando potes, adice tantis  
muneribus meritisque tuis. namque aurea iussi  
terga referre sumus. socios ea gloria tangit.'  
sic ait et primis supplex dedit oscula palmis.

Contra virgo novis iterum singultibus orsa est: 45  
 ' hiquo domos patrias te propter opesque meorum  
 nec iam nunc regina loquor sceptrisque relictis  
 vota sequor; serva hanc profugae, prior ipse dedisti  
 quam (scis nempe) fidem. di nostris vocibus adsunt  
 sidera et haec te meque vident. tecum aequora, tecum 50  
 experiar quascumque vias, modo nequis abactam  
 huc referat me forte dies oculis<que> parentis  
 ingerar. hoc superos, hoc te quoque deprecor, hospes.'  
 Haec ait atque furens rapido per devia passu  
 tollitur. ille haeret comes et mi[se]ratur euntem 55  
 cum subito ingentem media inter nubila flammam  
 conspicit et saeva vibrantes luce tenebras.  
 ' quisubor iste poli? quod tam lugubre refulsit  
 sidus?' ~~id~~, reddit trepido cui talia virgo:  
 ' ipsius emoculos et lumina torva draconis 60  
 aspicias. ille suis haec vibrat fulgura cristis  
 meque pavens contra solam videt ac vocat ultro,  
 ceu solet, et blanda poscit me pabula lingua.  
 dic age nunc utrum vigilanti hostemque videnti  
 exuvias auferre velis an lumina somno 65  
 mergimus et domitum potius tibi tradimus anguem.'  
 ille silet, tantus subiit tum virginis horror.  
 Iamque manus Colchis ~crinem~que intenderat astris  
 carmina barbarico fundens pede teque ciebat,  
 Somne pater: ' Somne omnipotes, te Colchi[di]s ab omni 70  
 orbe voco inque unum iubeo nunc ire draconem,  
 quae freta saepe tuo domui, quae nubila cornu  
 fulminaque et toto quicquid micat aethere, sed nunc,  
 nunc age maior ades fratrique simillime Leto.  
 te quoque, Phrixae pecudis fidissime custos, 75  
 tempus ab hac oculos tandem deflectere cura.  
 quem metuis me adstante dolum? servabo parumper  
 ipsa nemus; longum interea tu pone laborem.'  
 ille haud Aeolio discedere fessus ab auro  
 nec dare permissae, quamvis iuвет, ora quieti 80  
 sustinet ac primi percussus nube soporis  
 horruit et dulces excussit ab arbore somnos.  
 contra Tartareis Colchis spumare <venenis>  
 cunctaque Lethaei quassare silentia rami  
 perstat et adverso luctantia lumina cantu 85  
 obruit atque omnem linguaque manuque fatigat  
 vim Stygiam ardentis donec sopor occupet iras.  
 iamque altae cecidere iubae nutatque coactum  
 iam caput atque ingens extra sua vellera cervix  
 ceu refluens Padus aut septem proiectus in amnes 90  
 Nilus et Hesperium veniens Alpheos in orbem.  
 ipsa caput cari postquam Medea draconis  
 vidit humi fuis circum proiecta lacertis



seque suumque simul flevit crudelis alumnum.  
 ' non ego te sera talem sub nocte videbam 95  
 sacra ferens epulasque tibi nec talis hianti  
 mella dabam ac nostris nutribam fida venenis.  
 quam gravida nunc mole iaces, quam segnis inertem  
 flatus habet! nec te saltem, miserande, peremi.  
 heu saevum passure diem, iam nulla videbis 100  
 vellera, nulla tua fulgentia dona sub umbra.  
 cede adeo inque aliis senium nunc digere lucis  
 immemor, oro, mei nec me tua sibila toto  
 exagitent infesta mari. sed tu quoque cunctas,  
 Aesonide, dimitte moras atque effuge raptis 105  
 velleribus. patrios exstingi noxia tauros,  
 terrigenas in fata dedi: fusum ecce draconis  
 corpus habes! iamque omne nefas, iam, spero, peregi.'  
 quaerenti tunc deinde viam, qua se arduus heros  
 ferret ad aurigerae caput arboris, ' tunc per ipsum 110  
 scande age et adverso gressus' ait ' impime dorso.'  
 nec mora fit. dictis fidens Cretheia proles  
 calcat et aeriam squamis perfertur ad ornum,  
 cuius adhuc rutilam servabant bracchia pellem,  
 nubibus accensis similem aut cum veste recincta 115  
 labitur ardenti Thaumantias obvia Phoebo.  
 corripit optatum decus extremumque laborem  
 Aesonides longosque sibi gestata per annos  
 Phrixeae monumenta fugae vix reddidit arbor  
 cum gemitu tristesque super coiere tenebrae. 120  
 egressi relegunt campos et fluminis ora  
 summa petunt. micat omnis ager villisque comantem  
 sidereis totos pellem nunc fundit in artus,  
 nunc in colla refert, nunc implicat ille sinistrae:  
 talis ab Inachiis Nemeae Tiryntius antris 125  
 ibat adhuc aptans umeris capitique leonem.  
 ut vero sociis, qui tunc praedicta tenebant  
 ostia, per longas apparuit aureus umbras,  
 clamor ab Haemonio surgit grege. se quoque gaudens  
 promovet ad primas iuveni ratis obvia ripas. 130  
 praecipites agit ille gradus atque aurea misit  
 terga prius, mox attonita cum virgine puppem  
 insilit ac rapta victor consistit in hasta.  
 Interea patrias saevus venit horror ad aures  
 fata domus luctumque ferens fraudemque fugamque 135  
 virginis. hinc subitis infelix frater in armis,  
 urbs etiam mox tota coit, volat ipse senectae  
 immemor Aeetes, complentur litora bello  
 nequiquam, fugit immissis iam puppis habenis.  
 Mater adhuc ambas tendebat in aequora palmas 140  
 et soror atque omnes aliae matresque nurusque  
 Colchides aequalesque tibi, Medea, puellae.

exstat sola parens impletque ululatibus auras:  
 ' sic fugam, medio refer huc ex aequore puppem,  
 nata, potes! quo' amat 'abis? hic turba tuorum 145  
 omnis et iratus nondum pater, haec tua tellus  
 sceptraque: quid terris solam te credis Achaeis?  
 quis locus Inachias inter tibi, barbara, natas?  
 istane vota domus exspectatique hymenaei?  
 hunc petii grandaeva diem? vellem unguibus uncis 150  
 ut volucris possem praedonis in ipsius ora  
 ire ratemque supra claroque reposcere cantu  
 quam genui. Albano fuit haec promissa tyranno,  
 non tibi; nil tecum miseri pepigere parentes,  
 Aesonide, non hoc Pelias evadere furto 155  
 te iubet aut ulla Colchis abducere natas:  
 vellus habe et nostris siquid super accipe templis!  
 sed quid ego quemquam immeritis incuso querellis?  
 ipsa fugit tantoque (nefas) ipsa ardet amore.  
 hoc erat, infelix, redeunt nam singula menti, 160  
 ex quo [to] Thessalici subierunt ~nam singula~  
 quod nullae te, nata, dapes, non ulla iuvabant  
 tempora. non ullus tibi tum color aeagraque verba  
 errantesque genae atque alieno gaudia vultu  
 semper erant. cur tanta mihi non prodita pestis, 165  
 ut gener Aesonides nostra consideret aula  
 nec talem paterere fugam, commune fuisset  
 aut certe nunc omne nefas iremus et ambae  
 in quascumque vias? pariter petiisse iuaret  
 Thessaliam et saevi, quaecumque est, hospitis urbem.' 170  
 sic genetrix similique implet soror omnia questu  
 exululans, famulae pariter clamore supremo  
 in vacuos dant verba notos dominamque reclamant  
 nomine; te venti procul et tua fata ferebant.  
 Inde diem noctemque volant. redeuntibus aura 175  
 gratior et notae Minyis transcurrere terrae,  
 cum subito Erginus puppi sic fatur ab alta:  
 ' vos,' t ai Aesonide, contenti vellere capto  
 nec via quae superet nec quae fortuna videtis.  
 crastina namque dies trucis ad confinia Ponti 180  
 Cyaneasque vocat meminique, o Tiphys, tuorum  
 saxa per illa, pater, memini, venerande, laborum.  
 mutandum, o socii, nobis iter: altera ponti  
 eluctanda via et cursu quem fabor eundum est.  
 haud procul hinc ingens Scythici ruit exitus Histri, 185  
 fundere non uno tantum quem flumina cornu  
 accipimus. septem exit aquis, septem ostia pandit.  
 illius adversi nunc ora petamus et undam  
 quae latus in laevum Ponti cadit, inde sequemur  
 ipsius amnis iter donec nos flumine certo 190  
 perferat inque aliud reddat mare. sint age tanti,

Aesonide, quaecumque morae quam saeva subire  
 saxa iterum, quam Cyaneos perrumpere montes.  
 sat mihi, non totis Argo redit ecce corymbis.'  
 haec ait ignarus fixas iam numine rupes 195  
 stare neque adversis ultra concurrere saxis.  
 reddidit Aesonides: 'et te, fidissime rector,  
 haud vani tetigere metus nec me ire recuso  
 longius et cunctis redeuntem ostendere terris.'  
 protinus inde alios flectunt regesque locosque 200  
 adsuetumque petunt plaustris migrantibus aequor.

Puppe procul summa vigilis post terga magistri  
 haeserat auratae genibus Medea Minervae  
 atque ibi deiecta residens in lumina palla  
 flebat adhuc, quamquam Haemoniis cum regibus iret 205  
 sola tamen nec coniugii secreta futuri.  
 illam Sarmatici miserantur litora ponti,  
 illa Thoanteae transit defleta Dianae,  
 nulla palus, nullus Scythiae non maeret euntem  
 amnis. Hyperboreas movit conspecta pruinas 210  
 tot modo regna tenens; ipsi quoque murmura ponunt  
 iam Minyae, iam ferre volunt. vix adlevat ora  
 ad seras siquando dapes, quas carus Iason  
 ipse dabat, iam nubiferam transire Carambin  
 significans, iam regna Lyci, totiensque gementem 215  
 fallit ad Haemonios hortatus surgere montes.

Insula Sarmaticae Peuce stat nomine nymphae  
 torvus ubi et ripa semper metuendus utraque  
 in freta per saevos Hister descendit alumnos.  
 solvere in hoc tandem resides dux litore curas 220  
 ac primum socios ausus sua pacta docere  
 promissamque fidem thalami foedusque iugale.  
 ultro omnes laeti instigant meritamque fatentur,  
 ipse autem invitae iam Pallados erigit aras  
 incipit Idaliae numen nec spernere divae 225  
 praecipueque sui siquando in tempore pulcher  
 coniugii Minyas numquam magis eminet inter,  
 qualis sanguineo victor Gradivus ab Hebro  
 Idalium furto subit aut dilecta Cythera  
 seu cum caelestes Alcidae invisere mensas 230  
 iam vacat et fessum Iunonia sustinet Hebe.  
 adsunt unanimes Venus hortatorque Cupido;  
 suscitavit adfixam maestis Aetida curis,  
 ipsa suas illi croceo subtegmine vestes  
 induit, ipsa suam duplicem Cytherea coronam 235  
 donat et arsuras alia cum virgine gemmas.  
 tum novus implevit vultus honor ac sua flavis  
 reddita cura comis graditurque oblita malorum.  
 sic ubi Mygdonios planctus sacer abluit Almo  
 laetaque iam Cybele festaeque per oppida taedae, 240

quis modo tam saevos adytis fluxisse cruores  
 cogitet aut ipsi qui iam meminere ministri?  
 inde ubi sacrificas cum coniuge venit ad aras  
 Aesonides unaque adeunt pariterque precari  
 incipiunt, ignem Pollux undamque iugalem 245  
 praetulit et dextrum pariter vertuntur in orbem.  
 sed neque se pingues tum candida flamma per auras  
 explicuit nec tura videt concordia Mopsus  
 promissam nec stare fidem, breve tempus amorum.  
 odit utrumque simul, simul et miseratur utrumque 250  
 et tibi tum nullos optavit, barbara, natos.  
 mox epulas et sacra parant. silvestria laetis  
 praemia venatu facili quaesita supersunt;  
 pars veribus, pars undanti despumat aeno.  
 gramineis ast inde toris discumbitur, olim 255  
 Hister anhelantem Peucen quo presserat antro.  
 ipsi inter medios rosea radiante iuventa  
 altius inque sui sternuntur velleris auro.  
 Quis novus inceptos timor impediit hymenaeos  
 turbavitque toros et sacra calentia rupit? 260  
 Absyrtus subita praeceps cum classe parentis  
 advehitur profugis infestam lampada Grais  
 concutiens diramque premens clamore sororem  
 atque ' hunc, o siquis vobis dolor iraque, Colchi,  
 accelerate viam, neque enim fugit aequore raptor 265  
 Iuppiter aut falsi sequimur vestigia tauri.  
 puppe (nefas) una praedo Phrixea reportat  
 vellera, qua libuit remeat cum virgine; nobis,  
 o pudor, et muros et stantia tecta reliquit.  
 quid mihi deinde satis? nec quaero vellera nec te 270  
 accipio, germana, datam nec foederis ulla  
 spes erit aut irae quisquam modus. inde reverti  
 patris ad ora mei tam parvo in tempore fas sit?  
 quinquaginta animae me scilicet unaque mersa  
 sufficiet placare ratis? te, Graecia fallax, 275  
 persequor atque tuis hunc quasso moenibus ignem.  
 nec tibi digna, soror, desum ad conubia frater  
 primus et ecce fero quatioque hanc lampada vestro  
 coniugio, primus celebros dotalia sacra,  
 qui potui: patriae veniam da, quaeso, senectae. 280  
 quin omnes alii pariter populique patresque  
 mecum adsunt. magni virgo ne regia Solis  
 Haemonii thalamos adeas despecta mariti  
 tot decuit coisse rates, tot fulgere taedas.'  
 Dixerat atque orans iterum ventosque virosque 285  
 perque ratis supplex et remigis <. . . . .> 286a  
 . . . . .> vexilla magistris. 286b  
 illi autem intorquent truncis frondibus undam  
 quaeque die fuerat raptim formata sub uno

et tantum deiecta suis a montibus arbor--  
 quid dolor et veterum potuit non ira virorum?-- 290  
 haud longis iam distat aquis sequiturque volentem  
 barbara Palladium puppem ratis, ostia donec  
 Danuvii viridemque vident ante ostia Peucen  
 ultimaque agnoscunt Argoi cornua mali.  
 tum vero clamorem omnes inimicaque tollunt 295  
 gaudia, tum gravior remis fragor, ut procul Argo  
 visa viris, unamque petunt rostra omnia puppem.  
 princeps navalem nodosi roboris uncum  
 arripit et longa Styrius prospectat ab unda  
 coniugio atque iterum sponsae flammatus amore. 300  
 iamque alii clipeos et tela trabalia dextris  
 expediunt, armant alii picis unguine flammis.  
 impatiens tremit hasta morae nec longius inter  
 quam quod tela vetet superest mare. vocibus urgent  
 interea et pedibus pulsant tabulata frementes. 305  
 Cum subitas videre rates vibrataque flammis  
 aequora non una Minyae formidine surgunt,  
 primus et in puppem deserta virgine ductor  
 prosilit et summa galeam rapit altus ab hasta,  
 ense simul clipeoque micat nec cetera pubes 310  
 segnius arreptis in litore constitit armis.  
 at tibi quae scelerum facies, Medea, tuorum  
 quisve pudor Colchos iterum fratremque videnti  
 quicquid et abscisum vasto iam tuta profundo  
 credideras! ergo infausto sese occulit antro 315  
 non aliud quam certa mori seu carus Iason  
 seu frater Graia victus cecidisset ab hasta.  
 Haud ita sed summo segnis sed<et> aethere Iuno  
 aut sinit extrema Minyas decernere pugna  
 nec numero quoniam Colchis nec puppibus aequos. 320  
 ergo ubi diva rates hostemque accedere cernit,  
 ipsa subit terras tempestatumque refringit  
 ventorumque domos. volucrum gens turbida fratrum  
 erumpit, classem dextra Saturnia monstrat.  
 videre inque unum pariter mare protinus omnes 325  
 infesto clamore ruunt inimicaque Colchis  
 aequora et adversos statuunt a litore fluctus.  
 Tollitur atque infra Minyas Argoaque vela  
 Styrius habet, vasto rursus desidit hiatu 330  
 abruptus revolutus aqua. iamque omnis in astra  
 itque reditque ratis lapsoque reciproca fluctu  
 descendit. vorat hos vertex, hos agmine toto  
 gurges agit, simul in vultus micat undique terror;  
 crebra ruina poli caelestia limina laxat.  
 non tamen ardentis Styri violentia cedit, 335  
 hortatur socios media inter proelia divum:  
 'ransferet ergo meas in quae volet oppida dotes

Colchis et Haemonius nobis succedet adulter  
 nec mihi tot magnos inter regesque procosque  
 profuerit prona haud dubii sententia patris? 340  
 an virtus praelata viri est et fortior ille  
 quem sequitur? iungam igniferos sine carmine tauros  
 saevaue Echionii ferro sata persequar hydri.  
 hoc adeo interea spectata de litore pugnas  
 amborum: victoris eris. iam digna videbis 345  
 proelia iamque illud carum caput ire cruenta  
 sub freta, semiviri nec murra corpus Achivi  
 sed pice, sed flammis et olentes sulphure crines.  
 vos modo vel solum hoc, fluctus, expellite corpus:  
 non te, Aeeta pater, generi aut, Sol magne, pudebit. 350  
 fallor, an hos nobis magico nunc carmine ventos  
 ipsa movet diraque levat maria ardua lingua  
 atque iterum Aesonides, iterum defenditur arte  
 qua solet? haud illi cantus et futile murmur  
 proderit. ite, rates, et frangite virginis undam!' 355  
 dixit et intortis socio cum milite remis  
 prosilit. at fluctu puppis labefacta reverso  
 solvitur effunditque viros ipsumque minantem  
 tunc quoque et elata quaerentem litora dextra.  
 ibat et arma ferens et strictum naufragus ensem 360  
 incipit et remos et quaerere transtra solutae  
 sparsa ratis maestas<que> altis intendere voces  
 puppibus. ast inter tantos succurrere fluctus  
 nulla potest aut ille sequi quotiensque propinquat  
 tunc alius rursus dirimit mare. iam tamen errat 365  
 iamque abiit fundoque iterum violentus ab imo  
 erigitur, sed fluctus adest magnoque sub altis  
 turbine figit aquis et tandem virgine cessit.  
 Absyrtus visu maeret defixus acerbo:  
 heu quid agat? qua vi portus et prima capessat 370  
 ostia, qua possit Minyas invadere clausos,  
 quos videt agnoscitque fremens? maria obvia contra  
 saevaue pugnat hiems totusque in vertice pontus.  
 abscessit tandem vanaque recedit ab ira  
 et tanta de clade ratis. latus inde sinistrum 375  
 adversamque procul Peuces defertur in oram  
 cum sociis, gemino nam scinditur insula flexu  
 Danuvii. hac dudum Minyas Pagasaea<que> puppis  
 in statione manent, illinc Aeetius heros 380  
 obsidet adversa tentoria Thessala classe  
 impatiens pugnaeque datur non ulla potestas.  
 noctes atque dies vastis mare fluctibus inter  
 perfurit, expediant donec Iunonia sese  
 consilia atque aliquem bello ferat anxia finem.  
 At Minyae tanti reputantes ultima belli 385  
 urgent et precibus cuncti fremituque fatigant

Aesoniden: quid se externa pro virgine clausos  
 obiciat quidve illa pati discrimina cogat?  
 respiceret pluresque animas maioraque fata  
 tot comitum, qui non furiis nec amore nefando 390  
 per freta, sed sola sese virtute sequantur.  
 an vero ut thalamis raptisque indulgeat unus  
 coniugiis? id tempus enim. sat vellera Graias  
 et posse oblata componere virgine bellum.  
 quemque suas sinat ire domos nec Marte cruento 395  
 Europam atque Asiam prima haec committat Erinys.  
 namque datum hoc fati trepidus supplexque canebat  
 Mopsus, ut in seros irent magis ista nepotes  
 atque alius lueret tam dira incendia raptor.  
 Ille trahens gemitum tantis ac vocibus impar 400  
 quamquam iura deum et sacri sibi conscia pacti  
 religio dulcisque movent primordia taedae,  
 cunctatur mortemque cupit sociamque pericli  
 cogitat. haud ultra sociis obsistere pergit.  
 haec ubi fixa viris, tempus fluctusque quietos 405  
 exspectant. ipsam interea quid restet amantem  
 ignorare sinunt decretaque tristia servant.  
 Sed miser ut vanos, veros ita saepe timores  
 versat amor fallique sinit nec virginis annos.  
 ac prior ipsa dolos et quamlibet intima sensit 410  
 non fidi iam signa viri nimiumque silentes  
 una omnes. haud illa sui tamen immemor umquam  
 nec subitis turbata minis prior occupat unum  
 Aesoniden longeque trahit, mox talibus infit:  
 ' nam quoque, vir, tecum Minyae, fortissima pubes, 415  
 nocte dieque movent? liceat cognoscere tandem,  
 si modo Peliacae non sum captiva carinae  
 nec dominos decepta sequor consultaque vestra  
 fas audire mihi. merear, fidissime coniunx,  
 nil equidem, miserere tamen promissaque serva 420  
 usque ad Thessalicos saltem conubia portus  
 inque tua me sperne domo. scis te mihi certe,  
 non socios iurasse tuos. hi reddere forsitan  
 fas habeant, tibi non eadem permissa potestas  
 teque simul mecum ipsa traham: non sola reposcor 425  
 virgo nocens atque hac pariter rate fugimus omnes.  
 an fratris te bella mei patriaeque biremes  
 terrificant magnoque impar urgeris ab hoste?  
 finge rates alias et adhuc maiora coire  
 agmina: nulla fides, nullis ego digna periculis, 430  
 non merui mortemque tuam comitemque tuorum?  
 vellem equidem nostri tetigissent litora patris  
 te sine duxque illis alius quicumque fuisset.  
 nunc remeant meque ecce (nefas) et reddere possunt  
 nec spes ulla super. quin tu mea respice saltem 435

consilia et nimio comitum ne ce<de> timori.  
 credidit ardentem quis te tunc iungere tauros  
 posse, quis ad saevi venturum templa draconis?  
 o utinam ergo meus pro te non omnia posset  
 atque aliquid dubitaret amor. quin nunc quoque quaero 440  
 quid iubeas. heu, dure, siles? magnumque minatur 460  
 nescioquid tuus iste pudor. mene, optime quondam 441  
 Aesonide, me ferre preces et supplicis ora  
 fas erat--haud hoc nunc genitor putat--aut dare poenas  
 iam sceleris dominumque pati?' is fata parantem  
 redde<re> dicta virum furiata mente refugit 445  
 vociferans. qualem Ogygias cum tollit in arces  
 Bacchus et Aoniis inlidit Thyiada truncis,  
 talis erat talemque iugis se virgo ferebat  
 cuncta pavens; fugit infestos vibrantibus hastis  
 terrigenas, fugit ardentem exterrita tauros. 450  
 si Pagasas vel Peliacas hinc denique nubes  
 cerneret et <tenui> Tempe lucentia fumo,  
 hoc visu contenta mori. tunc tota querellis  
 egeritur questuque dies eademque sub astris  
 sola movet, maestis veluti nox illa sonaret 455  
 plena lupis quaterentque truces ieiuna leones  
 ora vel orbatae traherent suspiria vaccae.  
 procedit non gentis honos, non <gloria magni>  
 Solis avi, non barbaricae decor ille iuventae,  
 qualis erat cum Chaonio radiantia trunco 461  
 vellera vexit ovans interque ingentia Graium  
 nomina Palladia virgo stet altera prora.  
 Maestus at ille minis et mota Colchidos ira 463a  
 haeret et hinc praesens pudor, hinc decreta suorum  
 dura premunt. utcumque tamen mulcere gementem  
 temptat et ipse gemens et ~tempera~ dictis:  
 ' ~~ne~~ne aliquid meruisse putas, me talia velle?